

ዳናታ ማጻፋ ጊደ ቆፋ

ዳናታ ማጻፋይ ኢሰራኤል አሳይ ካናኔ ጌሊ ኦይኪዳ ዋዴፔ ደሚዲ፥ ካዎይ ካዎቲን ካዎቲላይ ኤቃና ጋካናስ ዲዛ ታሪኬታ ኦይኪዴስ፤ ሄ ዋዴይ ኢሰራኤል አሳይ ኤቃ ጸሳታ ጎይኖን ጸሳ ቦላ ማካላ ዳርሲዳ ዋዴ። ሃ ማጻፋይ ኦይኪዳ ታሪኬቲ፥ «ዳናታ» ጌቲቲዛ ሚኖ አሳቲ ኦሊዳይሳ ቤሴቲስ። ሄ ዳናታፔ ዳሪዛ ባጋቲ ኦላ ቃራታ፤ ኢስታፌ ቃሴ ኬሂ ኤሬቲዳይ፥ ኢዛ ሚኖቲላይ ሹምፖ 13-16 ጋካናስ ጸፊቲዳ ሳምሶኔ ጌቲቲዛይሳ። ሃ ማጻፋፔ ኦኒ ዳሚዛ ጌታ ቲሚርቲይ፥ ኢሰራኤል አሳ ዳኦይ ቱሙ ዳኦ ጌዲዛይ ኢስቲ ጸሳስ አማኔቲ ዲዛ ዋዴ ጌዲሺን ኢስቲ ኢዛስ አማኔቶንታ ኢጲዛ ዋዴታ ኡባን ኢስታ ቦላ ሜቶይ ጋኪዛይሳ ኤሪሴስ። ሄሳፌ ቦላራ ቃሴ ዋጋን አሳይ ጸሳስ አማኔቶንታ ኢጲዳ ጋሶን ኢስታ ቦላ ሜቶይ ጋኪኮካ ኢስቲ ናጋራ ፓጺ ሲሚዳ ዋዴ ኡባን ጸሲ ኢስታ ኣሹስ።

ሃ ማጻፋይ ኦይኪዳ ኩሜላ ቆፋ

ኢያሶይ ሃይቃና ዋዴ ጋካናስ ዲዛ ሃኖታታ 1:1—2:10

ኢሰራኤል ዳሬ ዳናታ 2:11—16:31

ዲማ ዲማ ሃኖታ 17:1—21:25

ዩሁዳ ዛሬቲኔ ሲሞና ዛሬቲ አዶኒ-ቤዜቄ ኦሊ ኦይኪዳ

1 ኢያሶይ ሃይቃዳፔ ጉዬ ኢሰራኤል አሳይ፥ «ካናኔ ቢታ አሳ ኦላናስ ኦ ዛሬታፔ ኮይርቲዲ ኬዛናይ ኦኔ?» ጌዲ ጎዳ ኦይቺዴስ።

2 ሂስቲን ጎዳይ፥ «ዩሁዳ ዛሬቲ ኮይርቲ ኬዜቶ፤ ታኒ ቢታ ኢስታ ኩሼን አላ ኢማዲስ» ጌዴስ።

3 ዩሁዳ አሳይ ባንታ ዳቦታ ጌዲዳ ሲሞና ዛሬታ፥ «ኦኒ ካናኔታራ ኦሌታና ማላ ኦና ቫኪን ጋኪዳሶ ኦናራ ኣቋቴ። ሄሳፌ ጉዬ ኢንቴና ቫኮን ጋኪዳሶ ኢንቴናራ ኢሲፌ ባና» ጌዳ፤ ሂስቲን ሲሞና ዛሬቲኔ ዩሁዳ ዛሬቲ ኦላስ ኢሲፌ ቢዳ።

4 ሂስቲን ጎዳይ ካናኔታኔ ፓሪዜታ ኢስታ ኩሼን ኣሊ ኢሚዴስ፤ ቤዜቄን 10,000 ኣስ ዋዲዳ።

5 በዜቄ ጌቲቲዛሶን አዶኒ-በዜቄ* ዳሚዲ ኢዛራ ኦሌቲዳ፤ ሂሰቲዲ ካናኔታኔ ፓሪዜታ ጸኒዳ።

6 አዶኒ-በዜቄ ያቃቲሺን ጎዲ ኦይኪዲ፤ ኢዛሰ ኩሼ ማንላ በራዴታኔ ቶሆ ማንላ በራዴታ ቃንጸ ቃንጸ ዩጌዳ።

7 ሂሰቲን አዶኒ-በዜቄ፤ «ኩሼ ማንላ በራዴታኔ ቶሆ ማንላ በራዴታ ታኒ ቃንጸ ቃንጸ ዩጌዳ ላፑን ታሙ ካዋቲ ታ ማዳፌ ዋዲዳ ሱፓ ማጸ ሺሺዲ ሜቲሰ። ካሴ ኢሰታ ቦላ ታ ኦሊዳ ጌኔ ማላ ጸሲ ታ ቦላ ኦሊዳሰ» ጌዴሰ። ኢዛ ዩሩሳላሜ ኤሂን ሄን ሃይቂዴሰ።

የሁዳ ዛሬቲ ዩሩሳላሜኔ ኩብሮኔ ኦይኪዳ

8 የሁዳ አሳይ ዩሩሳላሜ ኦሊ ኦይኪዴሰ፤ ሂሰቲዲ አሳ ጌላ ማሻን ቡሳኪ ዉርሲዲ ካታማ ታማን ጸጌዴሰ።

9 ሄሳፌ ጉዩ የሁዳ አሳይ ጌዜን፤ ኔጌቤኒኔ ሄ ዳሬ ጋዳን ዲዛ ካናኔታ ኦላናሰ ቢዴሰ።

10 ሂሰቲዲ ካሴ ቂሪያቴ-አርባኤ ጌቲቲዛ ኩብሮኔ ካታማን ዲዛ ካናኔታ ኦሊዳ፤ ቃሴ ሻሻዬ፤ አሂማኔኔ ታሊማዬ ጌቲቲዛ ቆዋታ ጸኒዳ።

ኦቲንኤሌይ ዳቢሬ ካታማ ኦይኪዴሰ

(ኢያ 15:13-19)

11 ሄሳፌ ዴንዲዲ የሁዳ አሳይ ዳቢሬ ጌቲቲዛ ካታማን ዲዛ አሳ ኦላናሰ ቢዴሰ፤ ዳቢሬ ካታማይ ካሴ፤ «ቂሪያቴ-ሴፌሬ» ጌቲቲሰ።

12 ካሌቤይ፤ «ቂሪያቴ-ሴፌሬ ኦሊዲ ኦይኪዴሰ ታኒ ታ ናዮ አኪሳ አማና» ጌዴሰ።

13 ሂሰቲን ካሌቤሰ ካሎ ኢሻ ቄናዜ ና ኦቲንኤሌይ ሄ ካታማ ኦሊዲ ኦይኪዴሰ፤ ካሌቤይካ ባ ናዮ አኪሳ ኢዛሰ አሚዴሰ። †

14 አኪሳይ ኦቲንኤሌይ ጌሊዛ ዋዴ፤ ኢዛ ባ አዋፔ ጋዴ ኦይቻ ኢካና ማላ ኦቲንኤሌይ ኢዛ ዘሪዴሰ፤ ሂሰቲን ኢዛ ባ ቶጌዳ ሜሄ ቦላፌ ዋዲዴሰ፤ ሂሰቲን ካሌቤይ ኢዛ፤ «ታ ኔሰ ኦይ ኦዶ?» ጌዲ ኦይቺዴሰ።

15 ኢዛካ፤ «ካሴ ኔ ታሰ አሚዳ ጋዴይ ሃሊ ባይንዳሶ ጌዲዳ ጌሻሰ ፑልቶ ሃላራ ዲዛ ጋዴ ታሰ አማርኪ!» ጋዴሰ። ሂሰቲን

* 1:5 አዶኒ-በዜቄ፤ አዶኒ-በዜቄ ጉሲ ኢብራዊታ ቃላራ በዜቄ ጎዳ ዋይኮ በዜቄ ጌቲቲዛ ዴሬ አይሲዛዴ ጉሳ። † 1:13 ዳቦ ጌዶን ኤኬቴሌኔ ጌሌቴሊ የሁዳ ቢታን ዲዛ ኢሲ ኢሲ አሳቲ ፖሊዛ ዋጋ።

ካለቤይ ኢዚስ ፑዴ ባጋራኔ ዱጌ ባጋራ ፑልቶራ ዲዛ ጋዴታ ኢሚዴስ።

የሁዳ ዛሬቲኔ ቢኒያሜ ዛሬቲ ኦሊ ጸኒዳ

16 ሙሴ ቦሎ ቄናዌዛ ዜሬላቲ የሁዳ አሳራ ዛምባይ ዳሪ ዲዛ ኢያርኮ ካታማፔ ዴንዲዳ፤ ሂስቲዲ አራዴ ጌቲቲዛ ካታማፔ ዲጌሃ ባጋራ፤ ኔጌቤን ዲዛ የሁዳ ባዞ ቢዳ፤ ሂስቲዲካ ሄን ዲዛ አሳ ጊዶን ኡቲዳ።

17 የሁዳ አሳይ ሲሞና አሳራ ኢሲፌ ቢዲ፤ ጳፋቴ ጌቲቲዛ ካታማን ዲዛ ካናኔታ ኦሊ ጸኒዴስ፤ ካታማዮካ ሙሌራ ጳይሲዴስ። ሂስቲዲ ሆርማ ቷ ጊዲ ሱንጢዴስ።

18 የሁዳ አሳይ ጉጂዲ ጋዛ፤ አስቄሎናኔ ኣቃርኔ ካታማታ ኢስታ የሾን ዲዛ ዴሬታካ ኦሊ ኦይኪዴስ።

19 ጎዳይ የሁዳ አሳራ ዲዛ ጊሻስ፤ ዙማቲ ዳርዛሶ ጌዜ ቢታ ኢስቲ ኦይኪዳ፤ ጊዶ ኣቲን ጋርስ ዴምባቲ ኡቲዳ ቢታን ዲዛ አሳታሰ ቢራታፔ ኦሴቲዳ ኦላ ፓራ-ጋሬቲ ዲዛ ጊሻስ፤ የሁዳ አሳይ ኢስታ ዴንጢ ጎዳናስ ዳንዳይቤና።

20 ሙሴይ ጊዳ ማላን ኬብሮኔ ካታማ ካሌቤስ ኢሚዳ፤ ሂስቲን ካሌቤይ ኤናቄ ዛሬ ሄቭ ቆሞታ ዴራፔ ዴንጢ ጎዳዴስ።

21 ጊዶ ኣቲን ቢኒያሜ ዛሬቲ ዬሩሳላሜን ዲዛ ያቡሴ አሳታ ዴራፔ ዴንጢ ጎዳንታ አጊዳ ጊሻስ ሃች ጋካናስ ያቡሴቲ ቢኒያሜ ዛሬታራ ዬሩሳላሜን ኢሲፌ ዴቴስ።

ኤፍሬሜ ቆሞቲኔ ሚናሴ ቆሞቲ ቤቴሌ ኦሊ ኦይኪዳ

22 ዮሴፌ ቆሞቲ ቤቴሌ ኦላናስ ዋራጂዳ፤ ጎዳይካ ኢስታራ ዴስ፤

23 ኢስቲካ ቤቴሌ ካታማ የዪ ጸሞሲዛ አሳታ ከቲዳ፤ ካሴ ሄ ካታማይ ሱንጢ ሎዛ ጌቲቲስ።

24 ከቲን ኢስቲ ካታማፔ ኬዚ ቢዛ ኢሲ ኣዴዛ ዴሚዲ፤ «ካታማ ጊዶ ዋኒ ጌላናስ ዳንዳዬቲዛኮ ኑና ቤሳ፤ ኔ ቤሲኮ ኑኒ ኔስ ኪያና» ጊዳ።

25 ሂስቲን ኢዚ ኢስታ ቤሲዴስ፤ ሄሳፌ ጉዬ ካታማን ዲዛ አሳ ጊላ ማሻን ቡሳኪዳ፤ ጊዶ ኣቲን ሄ ኣዴዛኔ ኢዛሶ አሳ ኡባ ሸምፖ አሺዳ።

ቷ **1:17** ሆርማ፡ ሆርማ ጉሴ ኢብራዌታ ቃላራ ሙሌራ ጳይሲዴስ ጉሳ። **1:21**
ኢያ 15:63፤ 2ሳሜ 5:6፤ 1ታሪ 11:4

26 ጉዩፔ ሄ አዳዚ ሂቴ ጌቴቲዛ ዳሬ ቢዲ፥ ሄን ካታማ ኤሲዳሰ፤ ሄ ካታማይ ሱንሳ ሎዛ ጊ ሱንሲዳሰ፤ ሄ ካታማያዛ ሃቶ ጋካናሰ ሄ ሱንሳን ደይጌታዉሰ።

ኢሰራኤል አሳይ ባሰ አሜቲዳ ቢታፊ ዴንሊ ጎዶንታ አጊዳ አሳታ

27 ሚናሴ ዛሬቲ፥ ቤቲ-ሻእኔ፥ ታእናኬ፥ ዶሬ፥ ዪቢላአሜኔ ማጊዶ ካታማታኒኔ ኢሰታ ዩሾን ዲዛ ሞላታን ዲዛ አሳታ ኬሲ ጎዶንታ አጊዳ ጊሻሰ ካናኔቲ ሄን ባንታ ዴኦ ሚንሊ ኦይኪዳ።

28 ኢሰራኤል አሳይ ሚኒዳ ዎዴ ካናኔታ ባሰ ዎልቃን ኦሲሲዳ፤ ጊዶ ኦቲን ኢሰታ ሙሉራ ቢታፊ ኬሲ ጎዲቤቴና።

29 ኤፍሬሜ ዛሬቲካ ጌዜሬ ጌቴቲዛ ካታማን ዲዛ ካናኔታ ኬሲዲ ጎዶንታ አጊዳ ጊሻሰ ካናኔ አሳቲ ሄን ኢሰታራ ኢሲፊ ዲሰ ደሚዳ።

30 ዛቢሎኔ ዛሬቲ ቂቲሮኔ ካታማኒኔ ናሂላሌ ካታማን ዲዛ አሳታ ኬሲ ጎዶንታ አጊዳ ጊሻሰ ካናኔቲ ሄን ኢሰታራ ኢሲፊ ዴኢዳ፤ ጊዶ ኦቲን ዛቢሎኔ ዛሬቲ ኢሰታ ባሰ ዎልቃን ኦሲሲዳ።

31 አሴሬ ዛሬቲካ አኮን፥ ሲዶናን፥ አሂላቤን፥ አኪዚቤን፥ ሄልቤን፥ አፊቄኒኔ ኤራሆቤን ዲዛ አሳታ ኬሲ ጎዲቤቴና።

32 ካናኔቲ ኬዞንታ አጊዳ ጊሻሰ አሴሬ ዛሬቲ ኢሰታራ ሄን ኢሲፊ ዴኢዳ።

33 ኒፍታሌሜ ዛሬቲካ ቤቲ-ሾሚሼ ካታማኒኔ ቤቲ-አናቴ ካታማን ዲዛ አሳታ ኬሲዲ ጎዲቤቴና፤ ጊዶ ኦቲን ካናኔታራ ሄን ኢሲፊ ዴኢሺን ቤቲ-ሾሚሼኔ ቤቲ-አናቴ ካታማ አሳታ ባሰ ዎልቃን ኦሲሲዳ።

34 አሞሬቲ ዳኔ ዛሬታ ፑዴ ዙማቲ ዲዛሶ ጌዜሬ ዴጌ ዴምባሶ ዎዶንታ ማላ ዲጊዳ።

35 አሞሬቲ ሃራ-ሃሬሴ ዴሬን፥ አያሎኒኔ ሻአልቢሜ ጌቴቲዛ ካታማታን ዴኦ ሚንሊዳ፤ ጊዶ ኦቲን ኤፍሬሜ ዛሬቲኔ ሚናሴ ዛሬቲ ሚኒ ሚኒ ቢዲ ባንታሰ ዎልቃን ኦሲሲዳ።

36 አሞሬታ ዴሬ ዛዋይ አኪራቢሜ ጌቴቲዛሶራ አጂ ቢዲ ሴላራ ካንሊዲ ሄራ አጂ ቤሰ።

2

ቦኪሜን ጸላ ኪታንቻ

1 ጎዳ ከታንቻይ ጌልጌላፔ ቦኪሜ ቢዲ ኢሰራኤል አሳሰ፡ «ታኒ ኢንቴና ጊብጾፔ ከሳዳ ቤኒ ኢንቴ ኣዋሰ ኢማና ጋዳ ታ ጫቂዳ ቢታ ኢንቴና ጌልላዲሰ፤ ሂሰታዳ ታ ኢንቴሰ፡ ታኒ ኢንቴናራ ጫቂዳ ጫቆ ቃላ ሙሌካ ላሚኬ።

2 ኢንቴ ሃ ቢታን ዲዛ አሳታራ ጫቆ ጫቂቶፍቴ፤ ኢሰቲ ያርሺዛሶታ ላላቴ፡ ጋዲሰ፤ ጊዶ ኣቲን ኢንቴ ታሰ ኣዛዜቴቤኬታ፤ ኣይሰ ሄሳላ ሃኒዴቲ?

3 ሄሳ ጊሻሰ ታኒ ኢንቴና፡ ሩኢሰታ ታኒ ኢንቴ ሲንላፌ ከሳ ጎዲኬ፤ ኢሰቲ ኢንቴሰ ሞርኬ ጊዳና፤ ኢሰታ ኤቃ ጸሳቲካ ኢንቴሰ ናርጸ ማላ ጊዳና፡ ጋዲሰ» ጊዴሰ።

4 ጎዳ ከታንቻይ ሄሳ ኢሰራኤል አሳ ኡባሰ ዮቲዳ ዋዴ አሳይ ባ ቃላ ቶቄ ሂሰቲዲ ዬኪዴሰ።

5 ሄ ሶሆዛ ቦኪሜ * ጊዲ ሱንፊዴሰ፤ ሂሰቲዲ ሄ ሶዛን ጸሳሰ ያርሾ ያርሺዴሰ።

ኢያሶ ሃይቆኔ ኦራላ ዩሌታ

6 ኢያሶይ ኢሰራኤል አሳ ዩዲዳፔ ጉዬ አሳይ ኢሶይ ኢሶይ ሻኪን ባና ጋኪዛ ቢታ ኤካናሰ ቢዴሰ።

7 ኢያሶይ ሸምፖራ ፓጸ ዲዛ ላይላ ኡባን አሳይ ጎዳሰ ኦፊዴሰ፤ ኢዚ ሃይቂዳፔ ጉዬ ጎዳይ ኢሰራኤል አሳሰ ኦፊዳ ጌታ ኦሶ ኡባ ቤኢዳ ጨማታ ዋዴ ኡባንካ ጎዳሰ ጎይኒዛይሳ ኣጊቤና።

8 ጎዳ ኣይሌ ናዌ ና ኢያሶሰ ላይላይ 110 ጊዲን ሃይቂዴሰ፤

9 ጋኣሼ ዴሬፔ ፑዴሃ ባጋን ኤፍሬሜ ዴሬን ቦላ ጌዜ ቢታን ቲሚናቴ-ሴራሃ ጌቲቲዛሶን ዲዛ ኢዛ ጋዴን ኢዛ ሞጊዳ።

10 ሄ ዩሌታ ኡባይ ሃይቂዳፔ ጉዬ ጎዳኔ ኢዚ ኢሰራኤል አሳሰ ኦፊዳ ሎኦ ኦሶ ኡባ ኤሮንታ ኦራላ ዩሌታይ ዴንዲዴሰ።

ኢሰራኤል አሳይ ጎዳሰ ጎይኒዛይሳ አጎ

11 ሄሳፌ ጉዬ ኢሰራኤል አሳይ ጎዳ ሲንላን ኢታ ሚሽ ኦፊዴሰ፤ ባኣሌ ጌቲቲዛ ኤቃታሰ ጎይኒዴሰ።

12 ጊብጾ ቢታፌ ኢሰታ ከሲዳ ጎዳ፡ ባንታ ኣዋታ ጸሳ ኣጋጊዳ፤ ባንታ ሄራን ዲዛ አሳቲ ጎይኒዛ ኤቃታኮ ሲሚዲ ኢሰታሰ ጎይኒዳ፤ ሄሳን ጎዳ ሃንቄሊዳ።

13 ጎዳካ ኣጊዲ ባኣሌሲኔ አሰታሮቲሰ ጎይኒዳ።

14 ሄሳ ጊሻሰ ጎዳ ሃንቆይ ኢሰራኤል አሳ ቦላ ኤጺ ከዚዴሰ፤ ዋራጂዛይቲ ቦንቃና ማላ ኢሰታ ሞርኬታ ኩሼን ኣፊ ኢሚዴሰ፤

* 2:5 ቦኪሜ፡ ቦኪሜ ጉሲ ኢብራዊታ ቃላራ፡ «ዬኪዛይታ» ጉሳ። 2:9 ኢያ
19:49-50

ኢስታ ሄራን ዲዛ ሞርኬታስ ኢስታ ኣሊ ኢሚዴስ፤ ሄሳፌ ጉዬ ኢስቲ ባንታ ሞርኬታራ ኤቄታናስ ዳንዳይቤቴና።

15 ኢስቲ ኦላስ ኬዚዛ ዎዴ ኡባን ጎዳይ ካሴ ኢስታስ ጫቂ ዮቶይሳላ ኢስቲ ጸነታና ማላ ኢዚ ኢስታ ቦላ ዴንዲዴስ፤ ሄሳፌ ዴንድይሳን ኢስቲ ኬሂ ዋዬቲዳ።

16 ሄሳፌ ጉዬ ጎዳይ ኢስራኤል ኣሳ ቦላ ዎራጂዛይታ ኩሼፔ ኢስታ ኣሺዛ ዳናታ ኢስታስ ዴንሊዴስ፤

17 ጊዶ ኣቲን ኢስራኤል ኣሳይ ኢስታስ ፒርዲዛ ዳናታስ ኣዛዜቲቤና፤ ኢስቲ ጎዳስ ኣማኔቶንታ ኢጲዳ፤ ኤቃ ጸሳታኮ ሰሚዲ ኢስታስ ጎይኒዳ፤ ካሴ ባንታ ኣዋታ ኦፔፔ ካሬ ኬዚዳ፤ ኢስታ ኣዋቲ ጎዳስ ኣዛዜቲዳ ማላ ኢስቲ ኣዛዜቲቤቴና።

18 ጎዳይ ኢስታስ ፒርዲዛ ዳናታ ዳናሲዳ ዎዴ ኡባን ኢዚ ሄ ፒርዲዛ ዳናታራ ኢሲፌ ዲዛ ጊሻስ ሄ ዳናቲ ሸዎፖራ ፓጻ ዲዛ ላይላ ኡባን ኢስታ ሞርኬታ ኩሼፔ ኢስታ ኣሺዴስ። ዋዬይኔ ቱጋይ ኢስታ ቦላ ዳሪዳ ጋሶን ኢስቲ ዋሲዛይሳ ሲዬዲ ጎዳይ ኢስታስ ቃጴቲዴስ።

19 ጊዶ ኣቲን ኢስታ ካለሊዛ ዳናቲ ሃይቂዳ ዎዴ ኡባን ኣሳይ ጉዬ ሰሚዲ፤ ኤቃ ጸሳታ ካሎን፤ ኢስታስ ሃጋዞኒኔ ኢስታ ጎይኖን ካሴ ኢስታ ኣዋቲ ኦሊዳ ኢታ ኦሶፔ ኣጲዳ ኢታ ኦሶን ሰሚ ጌሊዳ፤ ባንታ ኢታ ኦሶኔ ጌላ ኦጌ ኣጎንታ ኢጲዳ።

20 ሄሳ ጋሶን ጎዳ ሃንቆይ ኢስራኤል ካዎቴላ ቦላ ኤጲ ኬዚዴስ፤ ጎዳይ፤ «ሃ ኣሳይ ታኒ ካሴ ኢስታ ኣዋታራ ጌሊዳ ጫቆ ቃላ ዩጲ ኣጲዳ ጊሻሲኔ ታስ ኣዛዜቶንታ ኢጲዳ ጊሻስ፤

21 ሃቺፌ ደሚን ኢያሶይ ሃይቂዳ ዎዴ ቢታ ቦላን ኣቲዳ ካዎቴላታፔ ኢሳዴካ ታኒ ኢስታ ሲንፋፌ ኬሳ ጎዲኬ።

22 ሃ ኢስራኤል ኣሳይ ካሴ ባንታ ኣዋታ ማላ ታ ኦጌ ካሊዛኮኔ ካሎንታኮ ታኒ ኢስታ ፓጫናስ ሃይሳ ሃ ዴሬታ ታስ ኦላ ማሳራ ኦላዳ ኢስታን ጎኤታና» ጊዴስ።

23 ሄሳ ጊሻስ ጎዳይ ሄ ካዎቴላ ኣሳይ ኬዘንታ ጋምኣና ማላ ኦሊዴስ። ኢዚ ኢስታ ኤሶን ዩዴሊ ኬሲቤና፤ ኢያሶስካ ኢስታ ኣሊ ኢሚቤና።

3

ሄ ቢታፌ ጎዴቶንታ ኣቲዳ ኣሳታ

1 ሄ ዎዴ ካናኔን ኣይ ኦላካ ኦሌቲ ኤሮንታ ኢስራኤል ካዎቴላ ፓጫና ማላ ጎዳይ ሃ ኣሳታ ኣሺዴስ።

2 ኢዚ ሄሳ ኦሊዳይ ሃይሳፌ ካሴ ኦላ ኦሌቲ ኤርንታ ኢሰራኤል ዩሌታ ኦላ ታማርሳናሳ።

3 ሄ ቢታን ኦቲዳ ኦሳቲ፥ ፊሊስጾሜ ካታማታ ሃሪዛ ኢቻሻታ፥ ካናኔታ ኡባ፥ ሲዶና ካታማ ኦሳታኔ ባኣሊ-ሄርሞኔ ጌቲቲዛ ዴሬፔ ዶሚዲ ሃማቲ ጋካናሰ ሊባኖሴ ዙማታ ቦላ ዲዛ ሂዌታ።

4 ጎዳይ ሙሴ ባጋራ ካሴ ኢሰራኤል ኦዋታሰ ኢሚዳ ኦዛዞ ኢሰቲ ኦዛዜቲዛኮኔ ኦዛዜቶንታኮ ሻኪ ኤራናሰ ኢሰታሰ ፓጩ ጊዳና ማላ ሄ ኦቲዳ ኦሳታ ሄን ኦሺዴሰ።

5 ሄሳ ጊሻሰ ኢሰራኤል ኦሳይ ካናኔታራ፥ ሂዌታራ፥ ኦሞሬታራ፥ ፓሪዜታራ፥ ሂቲታራኔ ያቡሴታራ ኢሲፌ ዴኢዴሰ።

6 ኢሰታ ማጫ ናይታ ባሰ ማቾ ኤኪዳ፤ ባንታ ማጫ ናይታካ ኢሰታ ኦቲማ ናይታሰ ኢሚዳ፤ ኢሰታ ኤቃ ጸሳታሰካ ጎይኒዳ።

ኦቲንኤሌ

7 ኢሰራኤል ኦሳይ ጎዳ ሲንፋን ኢታ ሚሽ ኦሊዴሰ፤ ኢሰቲ ጎዳ ባንታ ጸሳ ኦጊዲ ባኣሌኔ ኦሼሮ ጌቲቲዛ ኤቃ ጸሳታሰ ጎይኒዳ።

8 ሄሳ ጊሻሰ ጎዳ ሃንቆይ ኢሰራኤል ኦሳ ቦላ ኤጲ ኬዚዴሰ፤ ጎዳይ ማሶጶጶምያ ቢታ ካዎ ኩሻን-ኦሪሻታዬ ኩሼን ኢሰታ ኦሊ ኢሚዴሰ፤ ኢሰቲካ ኢዛሰ ኦሰፑን ላይሰ ሃሬቲዳ።

9 ጊዳ ኦቲን ኢሰራኤል ኦሳይ ጎዳሰ ዋሲዳ ዋዴ ጎዳይ ኢሰታ ኦሻናሰ ኦሺዛዴ ኪቲዴሰ፤ ኢዚካ ካሌቤሰ ካሎ ኢሻ ቄናዜ ና ኦቲንኤሌ ጌቲቲሰ።

10 ጎዳ ኦያናይ ኢዛ ቦላ ዋፂን ኢዚ ኢሰራኤል ዴሬ ኦይሲዛ ዳና ጊዲዴሰ፤ ኢዚ ኦላሰ ኬዚዳ ዋዴ ጎዳይ ማሶጶጶምያ ቢታ ካዎ ኩሻን-ኦሪሻታዬ ኢዛ ኩሼን ኦሊ ኢሚን ኢዛ ጸኒዴሰ።

11 ሄሳ ጊሻሰ ቄናዜ ና ኦቲንኤሌይ ሃይቃና ጋካናሰ ቢታይ ኦይዱ ታሙ ላይሰ ኩሜሰ ዋፓ ዴሚዴሰ።

ኤሁዴ

12 ኢሰራኤል ኦሳይ ዛሬሊዲካ ጎዳ ሲንፋን ኢታ ሚሽ ኦሊዴሰ፤ ሄሳ ጊሻሰ ጎዳይ ሞኣቤ ካዎ ኤጊሎኔይ ኢሰራኤል ቦላ ዋልቃማና ማላ ኦሊዴሰ።

13 ኤጊሎኔይ ኦሞኔታኔ ኦማሌቄታ ባናራ ዴንሊ ኤኪ ቢዲ ኢሰራኤል ኦሳ ኦሊ ጸኒዴሰ፤ ዛምባ ካታማ ጌቲቲዛ ኢያርኮ ካታማካ ኦይኪዴሰ።

14 ኢሰራኤል ኦሳይካ ሞኣቤ ካዎ ኤጊሎኔሰ ታማኔ ኦሰፑን ላይሰ ሃሬቲዴሰ።

15 ኢስራኤል አሳይ ጎዳኮ ዛሪ ዋሲዳ ዎዴ፤ ኢስታ ኣሺዛ ኣስ ከቲዴሰ፤ ኢዚካ ቢኒያሚ ዛሬ፤ ጌራ ና ኤሁዴ ጌቲቲሰ፤ ኢዚ ሃዲርሳ ኩሺን ኦሊዛ አሳ፤ ኢስራኤል አሳይ ኤሁዴ * ሞኣቤ ካዎ ኤጊሎኔሶ ጌራራ ከቲዴሰ።

16 ኤሁዴይ ናሞኡ ባጋራ ቃራቲዳ ኢሲ ዋዳ ጊዲዛ ጊላ ማሻ ባስ ገግሲዴሰ፤ ኡሻቻ ሚሌ ባጋራ ማይኦ ጊዶን ጊዲዴሰ።

17 ሄሳፌ ጉዬ ሞኣቤ ካዎ ኤጊሎኔሰ ጌራ ኤኪ ኤፊዲ አሚዴሰ፤ ኤጊሎኔይ ኬሂ ኦርዴ አሳ።

18 ኤሁዴይ ጌራዛ ካዎዛሰ አሚዳ፤ ጉዬ ጌራ ቶኪዲ ቢዳ አሳታ ሞይዚዴሰ።

19 ጊዶ ኣቲን ኤሁዴይ ጌልጌላ ማታን ዲዛ ማሴቲ ኤቂዳ ሹቻታ ማታ፤ ኤጊሎኔሶ ጉዬ ሲሚ ቢዲ፤ «ካዎንቶ! ታኒ ኢንቲሰ ዮታና ጸራ ሚሺ ዴሰ» ጊዴሰ። ሂሰቲን ካዎይ፤ «ጮኡ ጋ!» ጊዴሰ፤ ኢዛ ናጊዛይቲ ኡባይ ካሬ ኬዚዳ።

20 ሄ ዎዴ ካዎይ ፖቄን ዲዛ ኢሲ ጫርከዛ ኪፊሌን ባርካ ኡቲ ዲሺን ኤሁዴይ ኢዛኮ ሸቂዲ፤ «ጸሲ ኔሰ ዬዲዳ ኪታይ ዴሰ» ጊዴሰ፤ ካዎዚካ ባ ኡቲዳሶሆ፤ ዴንዲ ኤቂዴሰ።

21 ኤሁዴይ ሃዲርሳ ኩሺ ዬዲዲ ኡሻቻ ባጋ ሚሌፌ ጊላ ማሻ ሾዲዲ ካዎዛሰ ኡሎን ዬዲዴሰ።

22 ሂሰቲን ጊላ ማሻሰ ቱቲይ ኣቶንታ ኡሎ ጊዶ ጌሊዲ ዘኮራ ካንሊ ኬዚዴሰ፤ ሞዴዚካ ማሻ ማይኢዴሰ፤ ኤሁዴይ ማሻ ሾዶንታ ሄን ኣጋጊዴሰ።

23 ሄሳፌ ጉዬ ኤሁዴይ ካሬ ኬዚዲ ኬላ ካሬ ኢዛ ቦላ ጎርዲ ቁልፒዴሰ።

24 ኤሁዴይ ቢዳ፤ ጉዬ ካዎ ኣይሌቲ ዪዲ ፔንጌይ ጎርዴቲዳይሳ ቤኢዳ፤ ጊዶ ኣቲን ካዎይ ጊዶ ኪፊሌን ሸሻሰ ኡቶንታ ኣጌና ጊዲ ቆፒዳ።

25 ሳሌታና ጋካናሰ ካሬን ኤቂ ናጊዳ፤ ጊዶ ኣቲን ካዎይ ፔንጌ ዶዮንታ ኢጸን ቁል፤ ኤኪዲ ፔንጌዛ ዶይዳ፤ ኢስታ ጎዳ ኣሃይ ዉይጌ ቦላ ፖርጩ ጊ ዲዛይሳ ቤኢዳ።

26 ኣሸካራቲ ሄን ፔንጌ ቦላ ናጎን ዲሺን ኤሁዴይ ኬሲ ኤኪዲ ማሴቲ ኤቂዳ ሹቻሶራ ኣዲዲ ሲይሬ ጌቲቲዛሶ ባቃቲዴሰ።

27 ኢዚ ሄ ጋኪዳ ዎዴ ኤፍሬሚ ዴሬን ቦላ ጌዜዛን ኢስራኤል አሳይ ኦላሰ ሸቃና ማላ ዛዬ ፑኒዴሰ፤ ኣሳይካ ኢዛ ካሊዲ ሄፔ ዲጌ ዎዴዴሰ።

* 3:15 ኤሁዴ፡ ኤሁዴ ጊዛይሳ ኢሲ ኢሲ ጌሻ ማጻፋይ ናኦዴ ጌሰ።

28 ኢዚ ኢስታስ፥ «ታና ካሊቲ፤ አይስ ጊኮ ጎዳይ ኢንቲ ሞርኬታ፥ ሞክቤታ ኢንቲ ኩሼን አሊ ኢሚዴስ» ጊዴስ። ሂዝጊን ኢዛ ካሊ ዋጂዲ ዮርዳኖሴ ሻፋፔ ጌዴ ሞክቤ ፒንሊዛ ፑርዴዛ ኦይኪዲ ኢሳዴይካ ሄራ ካንቶንታ ማላ ዲጊዳ።

29 ሄ ዋዴ ሞክቤ አሳፔ ታሙ ሺ ጊዲዛ ዶሬቲዳ ሚኖ ኦላንቻታ ዋጂዳ፤ ኢሲ አሲካ ኬሲ ኤኪ አቲቤና።

30 ሄ ጋላስ ኢስራኤሌ አሳይ ሞክቤ አሳ ኦሊ ጸኒዴስ፤ ሄሳ ጋሶን ቢታይ ኦስፑን ታሙ ላይላ ጋካናስ ዋፓ ዴሚዴስ።

ሻሞጋሬ

31 ኤሁዴፔ ጉዬ አናቲ ና ሻሞጋሬይ ዴንዲዴስ፤ ፊሊሰጾሜ ዴሬፔ ኡሱፑን ጾቱ አስ ጨካ ጉፊን ዋጂዲ ኢስራኤሌ አሳ አሺዴስ።

4

ዲቦራኔ ባራቄ

1 ኤሁዴይ ሃይቂዳፔ ጉዬ ኢስራኤሌ አሳይ ጎዳ ሲንፋን ዛሬሊዲካ ኢታ ሚሽ ኦሊዴስ።

2 ሄሳ ጊሻስ ጎዳይ ሃጾሬ ጌቲቲዛ ካታማን ካዋቲዳ ካናኔ ካዋ ያቢኔስ ኢስታ አሊ ኢሚዴስ፤ ኢዛ ኦላንቻታ ካሌሊዛ ሲሳሪ ሃርሼ-ሃጎዬ ጌቲቲዛ ካታማን ዴስ።

3 ያቢኔይ ቢራታፔ ኦሴቲዳ ኡዴፋን ጾቱ ፓራ-ጋሬቲ ኢዛስ ዲዛ ጊሻሲኔ ኢዚ ኢስራኤሌ አሳ ናሞኡ ታሙ ላይላ ኩሚላ ኬሂ ኡንኤሊዳ ጊሻስ ኢስቲ ማዶ ዴማናስ ጎዳኮ ዋሲዳ።

4 ሄ ዋዴ ላፒዶታ ማቻ ናቤ ዲቦራይ ቲንቢቲ ዮቲዛራ ኢስራኤሌ ዴራ ፒርዲዛ ዳና።

5 ኢዛካ ኤፍሬሚ ዴሬን ቦላ ጌዜን፥ ኤራማ ካታማፔኔ ቤቱሌ ካታማፔ ጊዶን ዲዛ ዲቦራ ዛምባ ጋርሳን ኡታዳ ፒርዳዉስ፤ ኢስራኤሌ አሳይ ባ ዮኦ ፒርዲሳናስ ኢዚኮ ዬስ።

6 ኢሲ ጋላስ ዲቦራ አቢኖአሜ ና ባራቄ ኒፍታሌሚ ቢታን ዲዛ ቃዴሴ ካታማፔ ኪታዳ ጾይጊሳዱስ፤ «ጎዳ ኢስራኤሌ ጸሳይ ኔና፥ ሲፍታሌሚ ዛሬፔኔ ዛቢሎኔ ዛሬፔ ታሙ ሺ አስ ኤካዳ ታቦሬ ዙማ ቦላ ኬዛ።

7 ያቢኔ ኦላንቻታ ካሌሊዛ ሲሳራ ፓራ-ጋሬታኔ ኦላንቻታ ኤኪዲ ቂሶኔ ሻፋን ኔናራ ኦላ ጋይታናስ ያና ማላ ታኒ ኢዛ ዴንፊላና፤ ታኒ ኢዛ ኔስ አላ ኢማና፥ ጊ አዛዜስ» ጋዱስ።

8 ባራቄይካ ኢዚስ፡ «ኔኒ ታናራ ቢኮ ታኒ ባና፤ ኔኒ ታናራ ቦንታ አጊኮ ታኒካ ቢኬ» ጌዴስ።

9 ዲቦራይካ፡ «ኤር፤ ቡሳ ታ ኔናራ ባና፤ ጌዶ አቲን ጎዳይ ሲሳራ ማጫሳ ኩሼን አሏ አማና ጊሻስ ታ ቡሳይ ኔስ ቦንቶ ጊዴና» ጋዱስ፤ ሄሳፌ ጉዬ ዲቦራይ ዴንዳዳ ባራቄራ ኦላስ ቃዴሴ ባዱስ።

10 ባራቄይ ኒፍታሌሜኔ ዛቢሎኔ ዛሬታ ቃዴሴ ጸይጊን ታሙ ሺ አሳይ ኢዛ ካሊ ኬዚዴስ፤ ዲቦራይካ ኢዛራ ባዱስ።

11 ሄ ዎዴ ቄናዌ ዴሬ አስ ሄቤሬ ጌቲቲዛይሲ ሙሴ ቦሎ ሆባቤ ናይታ ቄናዌ ዴሬ አሳፔ ሻኬቲዴስ፤ ሂስቲዲ ቃዴሴኮ ሸቂዲ ዛናኒሜን ጌታ ዎላ ጋርሳን ባ ዱንካኔ ቶኪዴስ።

12 አቢናአሜ ና ባራቄይ ታቦሬ ዙማ ቦላ ቢዳይሳ ሲሳሪ ሲዪዲ፤

13 ሲሳሪካ ቢራታፔ ኦስቲዳ ኡዱፋን ጾቱ ፓራ-ጋሬታኔ ባናራ ዲዛ ኦላንቻታ ኡባ ጸይጊሲዲ ሃርሼ-ሃጎዬፔ ቂሶኔ ሻፋ ሺሺዴስ።

14 ዲቦራይ ባራቄ «ዴንዳ! ሄኮ ሃቶ ጎዳይ ሲሳራ ኔ ኩሼን አሏ አማዛ ጋላሳ። ቤያ! ጎዳይ ኔፔ ሲንሳቲ ቤስ» ጋዱስ፤ ባራቄይ ታሙ ሺ አሳ ካሌሊዲ ታቦሬ ዙማ ቦላፌ ዎዲዴስ።

15 ጎዳይ ሲሳራ ኢዛ ፓራ-ጋሬታ ኡባኔ ኢዛ ኦላንቻታ ኡባ ቃራ ጌላ ማሻን ባራቄ ሲንሳፌ ባቃቲሲዴስ፤ ሄሳ ጊሻስ ሲሳሪ ባ ፓራ-ጋሬፔ ዎዲዲ ቶሆራ ባቃቲዴስ።

16 ባራቄይካ ሲሳራ ፓራ-ጋሬታኔ ኦላንቻታ ሃርሼ-ሃጎዬ ጋካናስ ዬዴሊዴስ፤ ሲሳራ ኦላንቻታፔ ኢሳዴይካ አቶንታ ኡባይካ ጌላ ማሻን ዉሪዳ።

17 ሄ ዎዴ ሃጾሬ ካዎ ያበኔሲኔ ቄናዌ ዴሬ አስ ሄቤሬ ዜሬላታ ጊዶን ሎኦ ጋይቶቲሊ ዲዛ ጊሻስ ሲሳሪ ቶሆን ባቃቲዲ ቄናዌ ዴሬ አስ ሄቤሬ ማቺዮ ያኤሊ ዱንካኔ ጌዶ ዎጺ ጌሊዴስ።

18 ያኤላ ሲሳራ ሞካናስ ኬዛዳ፡ «ታ ጎዳዉ፤ ጌላ፤ ሃ ጌላ፤ ያዮፋ» ጋዱስ፤ ኢዚ ዱንካኔ ጌዶ ኢዚኮ ጌሊን ኢዛ ባ ቡሉኮን ካማ ቆታዱስ።

19 ሲሳሪ፡ «ታና ሳሜስ፤ ኡዬዛ ጉላ ሃላ አማርኪ!» ጌዴስ፤ ማላ ኦቶፔ ቲጋ ኡሻዱስ፤ ሂስታዳ ሲሳራ ኢዛ ዛራ ካማ ቆታዱስ።

20 ሄሳፌ ጉዬ ኢዚ ኢዞ፡ «ዱንካኔዛ ፔንጌን ኤቃ፤ አይ አሲካ ዪዲ፤ (ሃይሳን አሲ ዲዜ?) ጌዲ ኔና ኦይቺኮ፤ (ባዎ) ጋ» ጌዴስ።

21 ሲሳሪ ከሄ ዳቡርዳ ገሻሰ ሷስኮ ሴሪዳስ፤ ሂስቲን ሄቤሬ ማቺያ ያኤላ ቆይጼኔ ዱንካኔ ሷሽኬ ኤካዳ ሎዳራ ኢዛኮ ሸቃዱስ፤ ሷሽኬዛካ ሃይላ ጮርጮርን ኤሳዳ ዱጌ ቢታራ ሲካ ሷሺኪን ሲሳሪ ሃይቂዳስ።

22 ባራቂይ ሲሳሪ ኮዪሼ ዪን ያኤሌ ኢዛ ሞካናስ ካሬ ከዛዳ፡ «ሃ ያ፤ ኔኒ ኮይዛ አዳዛ ታኒ ኔና ቤሳና» ጋዱስ፤ ኢዚራ ዱንካኔ ጌዶ ጌሊዱ ሲሳሪ ሃይላ ጮርጮርን * ሷሽኬይ ሷሽኬቲን ኢዛ አሃይ ቢታ ቦላ ፖርጩ ጌ ዱዛይሳ ቤኢዳስ።

23 ሄ ጋላስ ጸሲ ኢስራኤሌ አሳይ ካናኔ ካዎ ያቢኔ ጸናና ማላ ኦሊዳስ።

24 ኢስራኤሌ አሳይ ካናኔ ካዎ ያቢኔ ቦላ ሚኒ ሚኒ ቢዱ ወርሴላን ኢዛ ሷይሲዳስ።

5

ዲቦራይኔ ባራቂይ ዬጺዳ ዬላ

1 ሄ ጋላስ ዲቦራይኔ አቢኖአሜ ና ባራቂይ ሃይሳፌ ካሊዛ ዬላ ዬጺዳ።

2 «ካሌሊዛይቲ

ኢስራኤሌ ካሌሊሺን፤

ዳሬይካ ባ ሽኔን ሃሬቲሺን

ጎዳ ጋላቲቲ!

3 «ኢንቴኖ ካዎቶ! ሃይሳ ሲዪቲ!

ኢንቴኖ ዳሬ ሃሪዛይቶ! ኤዘጌቲ!

ታኒ ጎዳስ ዬጸና፤

ኢስራኤሌ ጎዳስ

ጋላታ ማዛሙሬ ዬጸና።

4 «አቤት ጎዳዉ!

ኔኒ ሴይሬ ዳሬፔ

ዳንዲዳ ዎዴ፤

ኔኒ ኤዶሜ ቢታፌ

ኬዚዳ ዎዴ፤

ቢታይ ቃጺዳስ።

ሳሎፔ ኢራይ ቡኪዳስ፤

* 4:22 ሃይላ ጮርጮርን፡ ሃይላ ጮርጮርን ገዛይሲ ኢሲ ኢሲ ባጋ ጋሞላ ቃላን ሃይላ ቆርቆንቶ ጌቲቲስ።

- ኤ፥ ኢራይ ሻራታፔ
ዲጌ ቡኪዴሰ።
- 5 ጎዳ ኢሰራኤል ጸሳ
ሲንላኒኔ
ሲና ጎዳ ሲንላን
ዙማቲ ቃጺዳ።
- 6 «አናቴ ና ሻሞጋሬ ዋዴኒኔ
ያኤል ዋዴን ኦጌይ ሳሚዴሰ፤
ዛልአንቻቲካ
ሄ ቢታራ ካንሉ ቤቴና።
ኦጌዛራ ቢዛይቲካ
ኦጋ አጊዲ ሃራሶራ ቢዳ።
- 7 ኢሰራኤል ማንዳራቲ
አሲ ደንታ ባዞ ጊዲዳ።
ታኒ ዲቦራይ ኢሰራኤል አሳሰ
አዮ ጊዳዳ ዴንዳና ጋካናሰ
ጸኒዲ አቲዳይ ባዋ።
- 8 ኢሰራኤል አሳይ አላጋ ጸሳታ
ዶሪዳ ዋዴ፥
ቢታን ኦላይ ዴንዲዴሰ፤
ኦይዱ ታሙ ሺ ኢሰራኤል ኦላንቻታ ጊደን
አሲ ጎንዳሌይ ዋይኮ
አሲ ቶራይ ቤቲቤና።
- 9 ታ ዋዚናይ
ኢሰራኤል ዳናታራ ዴሰ፤
አሳ ጊደን ደሳን ባና
አሉ አሚዳይታራ ዴሰ።
ጎዳይ ጋላቴቶ!
- 10 «አንቴኖ ኮሬቲዳ
ቦላ ሃሬ ቶጊዛይቶ!
አንቴኖ ሎኦ አራታን ኡቲ
አሌቁቲዛይቶ!
አንቴኖ ቶሆን ሄማቲዛይቶ!
- 11 ሃላ ፑልቶታ ሄራን
ዬጾቲዛ ዬላ ሲዪቴ፤

ኢስታ ጎዳይ ጸኒዳይሳ
 ኣኬኪሴስ፤
 ቃሴ ኢስራኤል ኣሳይ
 ጸኒዳይሳ ናሼስ።

«ጎዳ ኣሳይካ
 ካታማ ጌሊዛ ፔንጌታኮ
 ዱጌ ዋጂዴስ።

12 «ዲቦራ! ቤጋ! ቤጋ!
 ቤጎታዳ ዬሳ ዬጸ።

ኔኖ፥ ኣቢኖአማ ና
 ባራቄ፥ ዴንዳ!
 ኔ ዲኢዳይታ ኤካዳ
 ሲንፔ ጉጃ።»

13 «ሄሳፌ ጉዬ ኣቲዳ ኣሳቲ
 ሃላቃታኮ ዱጌ ዋጂዳ።
 ጎዳ ኣሳቲ ኦሌታናስ ገጊዲ
 ባራቄኮ ዪዳ።

14 ካሴ ኣማሌቄ ዛሬቲ ዲዛሶን ዲዛ
 ኤፍሬማ ኣሳፔ
 ኢሲ ኢሲ ኣሳቲ ዪዳ።

ቃሴ ሃራቲ ቢኒያማ
 ዜሬላታፔ
 ኢስታ ካሊዳ።

ማኪሬ ዛሬታፔ ዳናቲ፥
 ዛቢሎኔ ዛሬታፔ
 ካዋቱላን ኡቲዛይቲ ዪዳ።

15 ዪሳኮሬ ዜሬላፌ ዳናቲ
 ዲቦሪራ ዪዳ፤
 ኤ፥ ዪሳኮሬይኔ
 ባራቄይካ ዪዳ፤
 ኢስቲካ ባራቄ ካሊዲ
 ዱጌ ዙሌዛ ዋጂዳ።
 ገዶ ኣቲን ኦርቤሌ ዛሬቲ
 ቆፋን ሻኬቲ ዋጂዳ፤
 ያናኮኔ

16 ኔ ኣይስ ዶርሳ ዪሬ ገዶን ኡታዲ?

ደርሰ ሄሚዛይታ
ዋይቄል ሲያናሰ ኡታዲ?
ኦሮቤሌ ዛሬቲ
ቆፋን ሻኬቲ ዋጂዳ፤
ያናኮኔ ዮንታኮ ሲጂዳ።

- 17 ጋላአዴ ዛሬቲ
ዮርዳኖሴ ሻፋፔ
ሄ ፒንፋን አቲዳ፤
ዳኔ ዛሬቲ አይሰ ማርካቤ ጊዶን ጋሞኢዶ?
አሴሬ ዛሬቲ ባ ዲዛሶን አቲዳ፤
ሜዲቴራኔ አባ ላንቄንካ ዴኢዳ።

- 18 ዛቢሎኔ ዛሬቲ
ባንታ ሼምፖ
ሃይቆሰ አሊ ኢሚዳ።
ኒፍታሌሜ ዛሬቲካ
ኢሰታሶካ
ኦላ ዴምባን ኦሊዳ።

- 19 «ካዋቲ ዪዲ
ማጊዶ ፑልቶታ ማታን ዲዛ
ታኢናኬን ኦላ ኦይኬቲዳ።
ካናኔ ካዋቲካ ሄን ኦሌቲዳ፤
ዲኢ ኤካናሰ
አይኮ ሚሺካ
ዴሚቤቴና።

- 20 ሳሎ ጸሊንቴቲ ኢዛራ ኦሌቲዳ።
ባንታ ሃኖታን ሲሳራራ
ኦላ ቃቃጹ ጊዳ።

- 21 ቤኒ ቂሶኔ ሻፋ ኪጻይ
ኢሰታ ዴንሉ ኤፌዴሰ፤
ኢሰቲካ ሃሮን ሜጨቴ ጳይዳ፤
ታ ሼምፖዬ ሚና፤
ዋልቃንካ ሲንሐ ጉጃ።

- 22 ሄሳፌ ጉዬ ቶጋ አሳቲ
ቶጋን አዳራሲ ዪዳ።
ቶጋ ፓራታ ጊሪሳይ
ዳዳ ጊሪሳ ማላ።

- 23 ጎዳ ኪታንቻይ፤

ረሚርዜ ቃንጊቲ!
 ሄን ዲዛ አሳ ኢሲፌ ቃንጊቲ!
 ጋሶይካ ኢስቲ ጎዳ አሳ
 ኦላን ማዶንታ ኢጺዳ።
 ዋልቃማ ኢስታ ሞርኬታራ
 ኦሌታናስ ኬዚቤቴና ጊዴሰ።

24 «ቄናዌ ዳሬ አስ
 ሄበሬ ማቺያ
 ያኤላ ማጫሳ ኡባፌ
 አንጃቲዳሮ ጊዴ።
 ዲንካኔ ጊዶን ዲዛ
 ማጫሳ ኡባፌ
 ኢዛ አንጃቲዳሮ ጊዴ።

25 ሲሳሪ ኢዘ፡
 ነታና ሃል ኡሻ ጊ ዋሲዴሰ፤
 ኢዛ ጊዲኮ
 ሜቃ ማል ሺሻዴሰ፤
 ሎኦ ዋንጫን ኢዛስ ኢማዴሰ።

26 ኢሲ ኩሼን ዲንካና ጳሺኬ፡
 ኡሻቻ ኩሼን
 ኦሳንቻታ ቆይጼ ኦይካዴሰ፤
 ሲሳራ ሁኤን ጳሺካዴሰ፤
 ሃይላ ጮርጮሮራ
 ሉካ ኬሳዴሰ።

27 ቦልቁ ጊ ኩንዲዴሰ፤
 ኢዚ ቶሆ ጋርሳንካ ጉፋኒዴሰ፤
 ሄ ኩንዲዳ ሶሆን ሃይቂዴሰ።

28 «ሲሳራ አዬያ
 ማሰኮቴራ ቤኣዴሰ፤
 ማሰኮቴ ጸኤራካ
 ቲሺ ሂስታ ጸላሼ፡
 ነታ ናዛ ፓራ-ጋሬይ
 አይሰ ጋሞኢዴ?
 ፓራ-ጋሬቲ ኤሶቲዲ
 አይሰ ሲሚቤቴኔ?)
 ጋዳ ዋሳ ኦይቻዴሰ።

- 29 አጽ ኤራቴል ዲዛ
 ኢዚ ማጫሳቲ
 ኢዚ ኦይሻ ዛሪዳ፤
 ጊዶ ኣቲን ኢዛ ባ ቆፋን ባሰ፥
 30 ኣኢሰቲ ዲኢዲ ኤሂዳይሳ
 ጊሼቲ ኤኪሺን
 ኢሳዴ ኢሳዴ
 ኢሲ ኢሲ ጌላኦይ ዋይኮ
 ናሞኡ ናሞኡ
 ጌላኦቲ ጋኬቴሰ።
 ሲሳራሰ ኢሰቲ ዲማ ዲማ
 ቃላሜን ኦሴቲዳ
 ኣሌቆ ማይኦ ኢማና፤
 ቃሴ ታሰካ ቆጶን ጸጸናሰ
 ጸሊፊን ኣሌቂዲ ሎኢዛ
 ማይኦታ ኤሃና ጋዱሰ።

- 31 «ኣቤት ጎዳዉ!
 ኔ ሞርኬቲ ኡባይ
 ሄሳሶ ሃይቄቶ!
 ጊዶ ኣቲን ኔ ሲቆቲ
 ማላዶ ሞኪዛ
 ኣርሼዳ ጸሌቶ።»
 ሄሳፌ ጉዬ ቢታይ ኦይዱ ታሙ ላይሰ ዋፓ ዴሚዴሰ።

6

ጌዶኔ

- 1 ኢሰራኤል ኣሳይ ጎዳ ሲንላን ዛሬዲ ኢታ ሚሽ ኦሊዴሰ፤
 ሄሳ ጊሻሰ ጎዳይ ኢሰታ ሚዲያሜ ኣሳሰ ኣሊ ኢሚዴሰ፤ ኢሰቲካ
 ላፑን ላይሰ ኩሜሰ ሃራቲዳ።
 2 ሚዲያሜ ኣሳይ ኢሰራኤል ኣሳ ቦላ ሚኒዳ ጊሻሰ ኢሰራኤል
 ኣሳይ ኢሰታፌ ቆቲቲ ኣታናሶ ጎንጎሎኔ ሚጸ ጊግሲዴሰ።
 3 ኢሰራኤል ኣሳይ ካሰ ዜሪዛ ዋዴ ኡባን ሚዲያሜ ኣሳይ፥
 ኣማሌቄ ኣሳይኔ ኣርሼይ ሞኪዛ ባጋራ ዲዛ ኣሳይ ኢሰታ ቦላ
 ዋራጂ ዋራጂ ሜቶ ጋሌቴሰ።

4 ኢስቲ ሄ ቢታን ዲንካኒዲ ጋዛ ካታማ ጋካናስ ቢታ ኡባ ቦላን ሞኪዲያሳ ጳይሴቲስ፤ ዶርሳታ፥ ሚዛታኔ ሃሬ ወዴታ ዲኢ ኤፊዛ ጊሻስ ኢስራኤል አሳስ አይኮካ አሺ ኤሬቴና።

5 ባንታ ማሄታኔ ባንታ ዲንካኔታ ኤኪዲ ቦሌይ ዪዛ ማላ ዳሪዲ ዬቲስ፤ ኢስታኔ ኢስታ ጋሜላታ ቆዳናስ ዳንዳዬቴና፤ ኢስታ ዩሳይካ ቢታ ጳይሳናሳ።

6 ሚዲያማ አሳይ ኢስራኤል አሳ ቦላ ሜቶ ጋሊዳ ጊሻስ ኢስራኤል አሳይ ማዶ ዴማናስ ጎዳኮ ዋሲዴስ።

7 ሚዲያማ አሳይ ጋሊዳ ቆሆዛ ጋሶን ኢስራኤል አሳይ ጎዳኮ ዋሲን፤

8 ጎዳይ ኢስታኮ ኢሲ ናቤ ኪቲዴስ፤ ሄ ናቤዚ ኢስታስ ጎዳ ኢስራኤል ጸሳፌ ኤሂዳ ኪታይ፥ «ታ ኢንቴና ጊብጾ አይሌቴፊሬ ኬሳዲስ።

9 ታኒ ኢንቴና ጊብጾ አሳ ኩሼፔኔ ዋዪሲዛ አሳ ኡባ ኩሼፔ አሻዲስ፤ ኢንቴ ሲንፋፊካ ኢስታ ጎዳ ኬሳዳ ኢስታ ቢታ ኢንቴስ ኢማዲስ።

10 ታኒ ኢንቴና፥ «ታኒ ጎዳ ኢንቴ ጸሳ፤ ኢንቴ ኢስታ ቢታ ላቲዳ አሞሬታ ጸሳታስ ጎይናፍቴ» ጋዳ ዮታዲስ፤ ጊዶ አቲን ኢንቴ ታ ቃላ ሲዮንታ ኢዲዴታ» ጌስ።

11 ሄሳፌ ጉዬ ጎዳ ኪታንቻይ ኦፊራ ጌቲቲዛሶን ዲዛ አቢኤዜሬ ዜሬፋፌ ኢዮአሳ ዋላ ጋርሳን ዪ ኡቲዴስ፤ ሄ ዋዴ ኢዮአሳ ና ጌዶኒ ሚዲያማ አሳፔ ቆቲታናስ ዋይኔ ጉሞኢዛሶሆን ጊስቲ ቡኬስ።

12 ሄን ጎዳ ኪታንቻይ ኢዛስ ቆንጨዲ፥ «ሃይሶ ኔና፥ ሚኖ ኦላንቻዘ! ጎዳይ ኔናራ ዴስ» ጊዴስ።

13 ጌዶኒካ ኢዛ፥ «ታ ጎዶ! ጎዳይ ኑናራ ዲዛ ጊዲኮ ሃ ሜቶ ኡባይ ኑና አይስ ጋኪዴ? ኑ አዋቲ፥ ጎዳይ ኑና ጊብጾ ቢታፌ ኬሲዴስ» ጊዲ ኑስ ዮቲዳ ማላሊሲዛ ኢዛ ኦሶቲ ኡባይ አዋን ዲዛ? ሃኢ ጊዲኮ ጎዳይ ኑና ሙሌካ አጊዴስ፤ ሚዲያማ አሳ ኩሼኒካ አሊ ኢሚዴስ» ጊዴስ።

14 ሄሳፌ ጉዬ ጎዳይ ኢዛኮ ሲሚዲ፥ «ኔስ ዲዛ ጊታ ዋልቃን ባዳ ኢስራኤል አሳ ሚዲያማ አሳ ኩሼፔ አሻዳ ኬሳ ኤካ፤ ኔና ኪቲዳይ ታና» ጊዴስ።

15 ጌዶኒ፥ «ታ ጎዳዉ፥ ታ ዛሬይ ሚናሴ ዛሬ ኡባፌ አዲዳ ላፋ፤ ታኒካ ኑሶ አሳ ኡባፌ ጉፋ፤ ሂስቲን ታኒ ኢስራኤል አሳ ዋስታዳ አሻናስ ዳንዳያዚና?» ጊዴስ።

16 ጎዳይካ፥ «ቱማፔ ታኒ ኔናራ ጊዳና፤ ኢሲ አስ ሾጨዛ ማላ ኔኒ ሚዲያማ አሳ ሾጨዳ ጸናና» ጊዴስ።

17 ጌደኒካ «ኔኒ ታናን ኡፋዬቲዳ ጊዲኮ ታናራ ሃሳይዛይ ኔና ጊዲዳይሳ ኤሪሲዛ ማላታ ታና ቤሳ።

18 ታኒ ጉዬ ሲማ ባዳ ኔሰ ያርሾ ሚሽ ኤካ ያና ጋካናሰ ሃኒፌ ሃራሶ ቦፓ» ጊደሰ።

ጎዳይካ፡ «ኔኒ ሲማና ጋካናሰ ታኒ ሃይሳን ናጋና» ጊደሰ።

19 ጌደኒ ባሶ ቢዲ ዳይሻ ላቃ ሹኪዲ ካሊደሰ፤ ኢሲ ታሙ ኪሎ ገራሜ ጊዲዛ ጳሌ ኤኪዲ ኢርሾይ ኢዛን ጌሎንታ ኡኬል ኡኪደሰ፤ እሾዛ ለማቴን ዋሊዲ ጫምባዛ ኬሪን ቲጊደሰ፤ ኡባካ ኤኪ ኤፊዲ ዋላ ጋርሳን ኡቲዳ ጎዳ ኪታንቻዛሰ ሺሺደሰ።

20 ጸሳ ኪታንቻይ ኢዛ፡ «እሾዛኔ ኢርሾይ ኢዛን ጌሎንታ ኡኬልዛ ኤካዳ ሃ ሹቻ ቦላ ዋላ፤ ጫምባዛካ ኢዛ ቦላ ቲጋ» ጊደሰ፤ ጌደኒካ ኢዚ ኣዛዚዳ ማላ ኦሊደሰ።

21 ጎዳ ኪታንቻይ ባ ኩሼን ኦይኪዳ ጉፌ ጸራን እሾዛኔ ኡኬልዛ ቦቺደሰ፤ ሂሰቲን ታማይ ሹቻ ጊደፌ ኬዚዲ እሾዛኔ ኡኬልዛ ሚደሰ፤ ሃሳፌ ጉዬ ጎዳ ኪታንቻይ ኢዛ ሲንላፌ ጌሚደሰ።

22 ጌደኒ ቤይዳይ ጎዳ ኪታንቻ ጊዲዳይሳ ኣኬኪዳ ዋዴ፡ «ኡባ ሃሪዛ ጎዳዉ! ታኒ ጎዳ ኪታንቻ ታ ኣይፊን ቤኢዳ ጊሻሰ ታሰ ኣዬ እና!» ጊደሰ።

23 ጊደ ኣቲን ጎዳይ፡ «ሳርይ ኔሰ ጊደ! ያዮፋ! ኔ ሃይቃካ» ጊደሰ።

24 ጌደኒካ ጎዳሰ ያርሾ ያርሺዛሶ ሄን ገግሲዲ ሄ ሶሆዛ፡ «ጎዳይ ሳር ጸሳ» ጊዲ ሱንሊደሰ፤ ሄ ያርሾ ያርሺዛሶይ ኣቢኤዜሬ ዜሬላታሰ ጊዲዳ ኦፊራን ሃቕ ጋካናሰ ኤቂ ደሰ።

25 ሄ ጋላሳ ኦማርሰ ጎዳይ ጌደኔ፡ «ኔ ኣዋ ሚዛታ ጊደፌ ሃራ ላፑን ላይላ ኮርማ ቦራ ኤካ፤ ኔ ኣዋይ ባኣሌ ጌቴቲዛ ኤቃሰ ያርሾ ያርሺዛሶዛ ላላ፤ ኢዛ ላንቄን ዲዛ ኣሼር ጌቴቲዛ ማጫ ጸሳይ ሚሰሌዛካ ቲፋ ማንጮሬላ ዬጋ።

26 ሄ ቲፊቲ ዶሬቲዳ ሚሰሌዛ ቦላ ጎዳ ኔ ጸሳሰ፡ ያርሾ ያርሺዛሶ ሎኤላ ገጊሳ፤ ሄሳፌ ጉዬ ኔኒ ማንጮሬሊዳ ኣሼር ጌቴቲዛ ጸሳይ ሚሰሌዛ ቄራ ኤላዳ ናምኣንሉ ቦራዛ ሙሌራ ጸጊዛ ያርሾ ኦላዳ ያርሻ» ጊደሰ።

27 ጌደኒካ ባ ኣይሌታፔ ታማታ ኤኪዲ ጎዳይ ኢዛሰ ዮቲዳ ማላ ኦሊደሰ፤ ጊደ ኣቲን ኢዚ ባ ኣዋ ሶ ኣሳሰኔ ካታማን ዲዛ ኣሳሰ ያዬዳ ጊሻሰ ሄሳ ጋላሰ ኦላናይሳ ኣጊዲ ኦማርሰ ኦሊደሰ።

28 ማላዶ ዋንታን ካታማ ኣሳይ ዳንዲዳ ማላ ባኣሌ ጌቴቲዛ ኤቃሰ ያርሾ ያርሺዛሶይ ላሌቲቺዳይሳኔ ኢዛ ላንቄን ዲዛ

እሼሪ ሚስሌይ ማቄሬቲ ዋጂዳይሳ በኢዳስ፤ ቃሴ ኢስቲ ያርሾ ያርሺዛሶይ ገገዳይሳኔ ኢዛ ቦላ ናምእንሉ ቦራይ ያርሼቲዳይሳ በይዳ።

29 ባንታ ገደን፡ «ሃይሶ ሃይሳ ኦሊዳይ ኦኔ?» ገዲ ኢሶይ ኢሳ ኦይቺዳ፤ ኢስቲ ዩዩ ዩዩ ኦይቺዳ ሃሳ ኦሊዳይ ኢዮኣሳ ና ጌዶኔ ገዲዳይሳ ኤሪዳ።

30 ሃሳፌ ጉዬ ካታማ ኣሳይ ኢዮኣሳ፡ «ባኣሌ ጌቲቲዛ ኤቃሰ ያርሾ ያርሺዛሶዛ ላሊዳ ገሻሲኔ ኢዛ ላንቄን ዲዛ እሼሪ ሚስሌዛ ማንሐሬላ ዩጊዳ ገሻሰ ኑኒ ኢዛ ዋጃና ማላ ኔ ናዛ ሃ ኬሳ» ገዴሰ።

31 ኢዮኣሲ ባ ቦላን ዴንዲዳ ኣሳ ኡባ፡ «ኢንቲ ባኣሌሰ ሞቲቲቲ? ዎይኮ ኢንቲ ኢዛ ኣሻኔ? ኢዛ ገሻሰ ሞቲቲዛ ኣሲ ዲኮ ሳኣይ ዋንታናሺን ኢዛዴይ ሃይቆ! ባኣሌይ ጸሳ ገዲኮ ኢዛሰ ያርሾ ያርሺዛሶዛ ላሊዳዴራ ኢዚ ባርካ ሞቲቶ» ገዴሰ።

32 ሃሳ ገሻሰ ሄ ጋላሰ ኣሳይ ጌዶኔ ሱንፋ ዩሩባኣሌ ገ ሱንሊዳ፤ ቢርሼላይ ባኣሌይ ባ ገሻሰ ሞቲቶ ጉሳ፤ ጋሶይካ ላሌቶይሲ ኢዛሰ ያርሾ ያርሺዛሶ ገዲዳ ገሻሳ።

33 ሃሳፌ ጉዬ ሚዲያማ ቢታ ኣሳይ፡ ኣማሌቄ ቢታ ኣሳይኔ ኣርሼይ ሞኪዛ ባጋራ ዲዛ ኣሳይ ኡባይ ኢሲፌ ሽቂዲ ዮርዳኖሴ ሻፋ ፒኒዳ፤ ኢዝራኤሌ ጌቲቲዛ ሾባን ዲንካኒዳ።

34 ሃሳፌ ጉዬ ጎዳ ኣያናይ ጌዶኔ ቦላ ዋጂዳስ፤ ኣቢኤዜሪ ዛሬቲ ኡባይ ባና ካላና ማላ ኢስታ ሺሻናሰ ዛዬ ፑኒዴሰ።

35 ሚናሴ ዛሬ ኡባሰ ኣሰ ኪቲዲ ባና ካላና ማላ ኢስታካ ጸይሲዴሰ፤ ሃሳቶካ ኣሴሬ ዛሬታሰ፤ ዛቢሎኔ ዛሬታሰኔ ኒፍታሌማ ዛሬታሰ ኣሰ ኪቲዴሰ፤ ኢስቲካ ኢዛራ ኦላሶ ባናሰ ኬዚዳ።

36 ሃሳፌ ጉዬ ጌዶኒ ጸሳ፡ «ታኒ ኢስራኤሌ ኣሳ ኣሻና ማላ ኔኒ ታና ዶሪዳይሳ ታሰ ዮታዳሳ።

37 ቤያ፡ ገሰቲ ቡኪዛ ባሌን ዶርሳ ኢስኬ ታኒ ዋፋና፤ ጸዛይ ሄ ዶርሳ ኢስኬ ቦላ ጸላ ዲዲ ቢታ ቦላ ዶንታ ኣጊኮ ኔኒ ዮቲዳ ማላ፡ ኢስራኤሌ ኣሳ ታ ኩሼን ኔ ኣሻናይሳ ታ ኤራና» ገዴሰ።

38 ኢዚካ ገዳ ማላ ሃኒዴሰ፤ ዋንቲሳ ጋላሰ ማላዶ ዋንታራ ዴንዲዲ ዶርሳ ኢስኬ ጉምኢዳ ዋዴ ኢሲ ሳኔ ገዲዛ ሃላ ኢዛፔ ኬዚዴሰ።

39 ጌዶኒ ቃሴካ ጸሳ፡ «ዎዜ ኔና ዛይ! ታና ሃንቄቶፋ! ኢሲቶ ታ ኔና ዛራ ኦይቻይሰ፤ ዶርሳ ኣጎዛ ቦላ ሃራ ማላታ ቤሳና ማላ፤ ሄሰካ ዶርሳ ኣጎዛይ ማላ ገዲን ቢታይ ሃጺዲ ጸዛታና ማላ ኦላርኪ!» ገዴሰ።

40 ሄ ጋላሳ ኦማርስ ጸሲ ሄ ማላታዛ ኦሴዴስ፤ ዋንቴላ ጋላስ ማላዶ ዶርሳ አጎዛይ ሜላ ጊዲን ቢታ ኡባይ ሃጺዴስ።

7

ጌዶኔ ኦላ

1 ዋንቴላ ጋላስ ማላዶ ዋንታራ ዬሩባኦሌ ጌቴቲዛ ጌዶኔኔ ኢዛራ ዲዛ አሳይ ኡባይ ዋንታ ማላዶራ ዴንዲ ቢዲ ሃርዳ ጌቴቲዛ ፑልቶ ሃላ አቻን ዲንካኒዳ። ሚዲያሜ ቢታ አሳቲካ ኢስታፌ ፑዴሃ ባጋራ ሞሬ ጌቴቲዛ ዙማ ማታን ዲዛ ዙሌን ዲንካኒዳ።

2 ጎዳይ ጌዶኔ፥ «ሚዲያሜ ዴሬ አሳ ታኒ ኢንቴ ኩሼን አላ ኢሞንታ ማላ ኔናራ ዲዛ አሳይ ዳሪዴስ፤ ኢስራኤሌ አሳይ፥ ሱዋልቃን አቲዶሶን ጊዲ ታ ቦላ ጨቁቶንታ ማላ ሚዲያሜ ዴሬ አሳ ታኒ ኢስታስ አላ ኢሚኬ።

3 ሄሳ ጊሻስ ሃኢ አሳስ፥ «ዋዚናይ ሂርጊዛዴይኔ ባቢዛዴይ ዲኮ ጋላኦዴ ዙማፔ ጉዬ ሲሚዲ ባሶ ባሶ ቦን ጋዳ አዋጀ» ጊዴስ። ሄሳፌ ዴንዶይሳን 22,000 አሳይ ጉዬ ሲሚን 10,000 አሲ ጸላ አቲዴስ።

4 ሄሳፌ ጉዬ ጎዳይ ጌዶኔ፥ «ሃኢካ አሳይ ዳሪዴስ፤ ኔኒ ኢስታ ዲጌ ሃላ ሻፋ ዋላ፤ ሄን ታ ኢስታ ኔስ ፓጫዳ ሻካና፤ ታኒ፥ «ሃይሲ ኔናራ ቦን ጊዛይሲ ኔናራ ቦ፤ «ሃይሲ ኔናራ ቦፖን ጊዛይሲ ቦፖ» ጊዴስ።

5 ሄሳ ጊሻስ ጌዶኒ አሳ ሃላኮ ኤፊዴስ፤ ጎዳይ ጌዶኔ፥ «ሃ አሳ ጊዶሬ ጉልባቲዲ ሃላ ኡዪዛይታኔ ካና ማላ ኤቆን ሃላ ኢንጸርሳን ላማጪ ላማጪ ሂስቲዲ ኡዪዛይታ ሻካ» ጊዴስ።

6 ባንታ ኩሼን ሃላ ኤቆን ኩጳቲ ኡዪዛይታ ቆዳይ ሄሹ ጾታ፤ ጊዶ አቲን አቲዳይቲ ኡባይ ሃላ ኡያናስ ጉልባቲዳ።

7 ጎዳይ ጌዶኔ፥ «ባንታ ኩሼን ሃላ ኩጳቲ ኤቆን ዲሼ ኡዪዳ ሄሹ ጾቲ አሳታን ታኒ ኢንቴና አሻና፤ ሚዲያሜ አሳታ ኢንቴስ አላ ኢማና፤ ሃንኮ አቲዳ አሳይ ጊዲኮ ጉዬ ባሶ ባሶ ሲሞ» ጊዴስ።

8 ሄሳ ጊሻስ ጌዶኒ ጉዬ ሲሚዛ ኢስራኤሌ አሳ ሺንቄኔ ዛዬ ኤኪዲ 300 አሳታስ ኢሚዲ ሃንኮ አቲዳ አሳ ኡባ ኢስታ ሶ ኢስታ ሶ ዬዲዴስ፤ ሃ ኡባይ ሃኒዛ ዋዴ ሚዲያሜ ኦላንቻቲ ኢስታፌ ዴጌ ባጋራ ዙሌን ዲንካኒዲ ኡቲዳ።

9 ሄ ጋላሳ ኦማርስ ጎዳይ ጌዶኔ፥ «ታኒ ኔስ አላ ኢሚዳ ጊሻስ ዴንዳ ባዳ ኢስቲ ዲንካኒዳሶን ኢስታ ኦላ።

10 ኔኒ ባዳ ኦላናሰ ያዪኮ ኔ ኣይሌ ፑራ ኔናራ ኤካዳ ኢሰቲ ዱንካኒ ዲዛሶ ዱጌ ባ፤

11 ኢሰቲካ ገዛይሳ ሲያ፤ ሄሳፌ ጉዬ ኔኒ ኢሰታ ሂርጋይ ባይንዳ ኦላና» ገዴሰ። ሄሳ ገሻሰ ጌዶኒ ባ ኣይሌ ፑራ ካሌሌ ኤኪዲ ሞርኬቲ ዱንካኒ ዲዛሶ ሄራ ዋጂዴሰ።

12 ሄ ዋዴ ቦሌ ማላ ፎራቲዳ ሚዲያሚ ኣሳይ ኣማሌቄ ኣሳይኔ ኣርሼ ኬሳ ባጋራ ዲዛ ኣሳይ ኡባይ ሾባ ገዶን ዱንካኒ ኡቲዴሰ። ኢሰታ ጋሜላቲ ኣባ ዶናን ዲዛ ኣጩ ማላ ቆዳፔ ዳሮ።

13 ጌዶኒ ሄ ጋኪዳ ማላ ኢሲ ቢታኔይ ባ ኣጉሜቲዳ ኣጉሞ ባ ላጌዛሰ ዮቲሺን ሲዪዴሰ፤ ሄ ኣጉሞዚካ፡ «ኢሲ ባንጋ ኡኬላያ ኤቻታዳ ሚዲያሚ ኦላንቻቲ ዱንካኒ ዲዛሶ ያዳ ዱንካና ዴቻዴሰ፤ ዱንካናይካ ላሌቲ ሚጩቲዴሰ» ገዴሰ።

14 ኢዛ ላጌዚካ ዛሪዲ፡ «ሄሲ ኢሰራኤሌ ዴሬ ኣሰ ኢዮኣሳ ና ጌዶኔ ገላ ማሻፌ ኣቲን ሃራ ገዴና፤ ጸሲ ሚዲያሚ ዴሬ ኣሳኔ ኑ ኦላ ኣሳ ኡባ ጌዶኔሰ ኣሊ ኢሚዴሰ» ገዴሰ።

15 ጌዶኒካ ሄ ቢታኔዛ ኣጉሞዚካ ኣጉሞዛ ቢርሼላ ሲዪዳ ዋዴ ጉልባቲዲ ጸሳሰ ጎይኒዴሰ፤ ሄሳፌ ጉዬ ኢሰራኤሌ ኣሳይ ዱንካኒዳሶ ጉዬ ሲሚዲ፡ «ዴንዲቲ! ጎዳይ ሚዲያሚ ኦላንቻታ ኢንቲ ኩሼን ኣሊ ኢሚዴሰ» ገዴሰ።

16 ሄቹ ጾቱ ኣሳ ሄቹ ቡቲን ሻኪዴሰ፤ ኢሰታሰካ ሁኤን ሁኤን ኢሲ ኢሲ ዛዬኔ ገዶን ኤጲዛ ጸሞፔ ኦይኪዳ ኢሲ ኢሲ ጸሮ ኢሚዴሰ።

17 ጌዶኒካ ኢሰታሰ፡ «ታኮ ሃ ጸሊዲ ታኒ ኦሊዛይሳ ኦሊቲ፤ ታኒ ሚዲያሚ ኦላንቻቲ ዱንካኒዳሶ ማታ ጋካዳ ኦሊዛ ማላ ኢንቲካ ኦሊቲ።

18 ታኒኔ ታናራ ዲዛይቲ ኡባቲ ዛዬ ፑኒዛ ዋዴ ኢንቲካ ኢሰቲ ዱንካኒዳሶ ዩዩ ኣጂዲ ኢንቲ ዛዬ ፑኒዲ፡ «ጎዳ ኦላኔ ጌዶኔ ኦላ!» ገዲ ዋሲቲ» ገዴሰ።

19 ገዲ ገዶሐ ገዳና ገሺን ናገዛ ዛቤቲ ላሜቲዳፔ ጉዬ ጌዶኒኔ ኢዛራ ዲዛ ጾቱ ኣሳቲ ቢዲ ሚዲያሚቲ ዱንካኒዳሶ ማታ ጋኪዲ ባ ኦይኪዳ ዛዬ ዛዬ ፑኒዳ፤ ባ ኦይኪዳ ጸርታካ ኡባ ሜንሐሬሊዳ።

20 ሃራ ባጋራ ዲዛ ናሞኡ ቡቲቲካ ባ ዛዬ ዛዬ ፑኒዲ ባ ኦይኪዳ ጸርታካ ሚንሐሬሊዳ፤ ሃዲርሳ ኩሼን ኤጲዛ ጸሞፔ፡ ኡሻቻ ኩሼን ዛዬ ኦይኪዲ ፑኒሼ፡ «ጎዳ ኦላኔ ጌዶኔ ኦላ!» ገዲ ዋሲዳ።

21 አሳይ ኡባይ ሚዲያሚ አሳቲ ዱንካኒዳሶ ዩሾን ባ ናጊዛሶን ናጊዛሶን ኤቂዳ፤ ሚዲያሚ ኦላንቻቲካ ኡባይ ዋሶ ጸሌሊሼ ባቃቲዳ።

22 ሄሹ ጾቱ ጌዶኒ አሳይ ባ ዛዬ ዛዬ ፑኒዳ ዎዴ ሞርኬታ ኦላንቻቲ ባንታ ጊላ ማሻን ኢሶይ ኢሳ ዎጳና ማላ ጎዳይ ኦሊዴሰ፤ ሄሳ ጊሻሰ አቲዳ ኦላንቻቲ ዜሬራ ባጋራ ጌዴ ቤቲ-ሲጾ ጌቲቲዛ ካታማራ አጂ ቢዲ ጸባታ ማታን ዲዛ አቤሊ-ማሆሌ ጋካናሰ ባቃቲዳ።

23 ሄሳፌ ጉዬ ጌዶኒ ኒፍታሌሚ ዛሬፔ፤ አሴሬ ዛሬፔኔ ሚናሴ ዛሬ ኡባፌ አሳ ጾይጊ ኬሰን ኢሰቲካ ሚዲያሚ ዴሬ አሳ ዬዴሊዳ።

24 ኤፍሬሚ ጌዜን ዲዛ አሳ ኡባኮ ጌዶኒ አሰ ከቲዲ፤ «ሚዲያሚ አሳ ኦላናሰ ዱጌ ዎጳቲ፤ ቤቲ-ባሬ ጋካናሰ ዲዛ ዮርዳኖሴ ሻፋ ኢሰታፌ ሲንፋቲ ኦይኪዲ ኦጌ ዱሊቲ» ጌዴሰ። ኤፍሬሚ አሳይካ ኡባይ ጾይጌቲ ሺቂዲ ኢዚ ጊዳይሳሶ ኦሊዴሰ።

25 ኦሬቤኔ ዛኤቤ ጌቲቲዛ ሚዲያሚ ኦላ አሳ ካሌሊዛ ናሞኡ ኦላ ቃራታ ኦይኪዳ፤ ኦሬቤ፤ «ኦሬቤ ዛላ» ጌቲቲዛሶን ዎጳዳ፤ ዛኤቤ ቃሴ፤ «ዛኤቤ ዎይኔ ጉሞኢዛሶሆ» ጌቲቲዛሶን ዎጳዳ። ሄሳፌ ጉዬካ አቲዳ ሚዲያሚቲ ዬዴሊዲ ኦሬቤ ሁኤኔ ዛኤቤ ሁኤ ቆጼፔ ቃንጺ ቃንጺ ኤኪዲ ጌዶኔኮ ኤሂዳ። ሄ ዎዴ ጌዶኒ ዮርዳኖሴ ሻፋፔ ሄ ፒንፋን አርሼይ ሞኪዛሶ ባጋራ ዴሰ።

8

ሚዲያሚ አሳ ጸኔቴላ

1 ሄሳፌ ጉዬ ኤፍሬሚ አሳይ ጌዶኔ፤ «ሚዲያሚታ ኦላናሰ ባሼ ኑና አይሰ ጾይጋቤኪ? ኑና አይሰ ሃይሳ ማላ ኦላዲ?» ጌዲ ኬሂ ዋላሲዳ።

2 ጊዶ አቲን ጌዶኒ ዛሬዲ፤ «ታኒ ኦሊዳይሳፌ ኢንቴ ኦሊዳይ አጴኔ? ታ ቆሞቲ ዉሬ ኦሊዳ ኦሶፔ ኤፍሬሚ አሳፔ ጉፋቲ ኦሊዳ ኦሶይ አጴኔ? ኤፍሬሚዬ ፑሼቺ ሺሺዳይሲ አቢኤዜሬይ ማጺ ሺሹይሳፌ አጴኔ?»

3 ሚዲያሚ ኦላ አሳ ካሌሊዛ ኦላ ቃራታ ኦሬቤኔ ዛኤቤ ጸሲ ኢንቴ ኩሼን አሊ አሚዴሰ። ሂሰቲን ታ ሄሳራ ጊናቲዛ ኦሶ አይ ኦላዲና?» ጌዴሰ፤ ሄሳፌ ጉዬ ኢሰታ ሃንቆይ ኢርጺዴሰ።

4 ጌዶኒኔ ኢዛራ ዲዛ 300 አሳይ ዮርዳኖሴ ሻፋ ዪዲ ፒኒዳ፤ ኢሰቲ አይ ዳቡርኮካ ባንታ ሞርኬታ ዬዴሶ አጊቤቴና።

5 ጌዶኒ ሱኮቴ ካታማ ጋኪዲ ሄ ካታማ አሳታሰ፡ «ታኒ ሚዲያማ ካዎታ ዜባሃኔ ጸልሙና ዬዴሶ ቦላ ዳይሰ፤ ታናራካ ዲዛ አሳይ ዳቡርዳ ጊሻሰ ኢንቴና ሾቢሰ፤ ሚዛ ካሉ ዲኮ ኢማርኬቲ» ጊዴሰ።

6 ሱኮቴ ካታማ አይሲዛይቲ፡ «ኮኒ ኔና ካሊዛ ኦላ አሳሰ ካሉ ኢማና ማላ ዜባሃይኔ ጸልሙናይ ኔ ኩሼን ጌሊዶ?» ጊዴ።

7 ጌዶኒ ኢሰታሰ ዛሪዲ፡ «ሎኦ፡ አይኮይ ባዋ! ጎዳይ ዜባሃኔ ጸልሙና ታ ኩሼን አሉ ኢማዛ ዋዴ ታኒ ባዘ አጉንፋኒኔ ጋሞን ኢንቴና ዋዳና» ጊዴሰ።

8 ሄሳፌ ጉዬ ፓኩሌ ጌቴተዛሶ ቢዴሰ፤ ሱኮቴ አሳ ኦይቾይሳሶ ኦይቾዴሰ፤ ፓኩሌ አሳይካ ሱኮቴ ካታማ አሳይ ጎይሳሳካ ጊ ዛሪዴሰ።

9 ኢዚካ ፓኩሌ አሳሰ፡ «ታኒ ጸናዳ ሳር ሰሚዛ ዋዴ ኢንቴ ኢንቴ ካታማ ኢዛ ቦላ ኡቲዲ ናጊዛ ጊምቤዛ ታ ላላና» ጊዴሰ።

10 ዜባሃይኔ ጸልሙናይ አርሼ ኬሳ ባጋፌ ዬዳ ኦላንቻታፔ ኦቲዳ 15,000 ኦላንቻታራ ቃሪቆሪ ጌቴተዛ ካታማን ዴቴሰ፤ ሃንኮ 120,000 ጊዲዛ ኦላ ማሳራ ኦይኪዳ ኦላንቻቲ ኦላን ሃይቂ ዉሪዳ።

11 ጌዶኒ ኖባሄቴኔ ዮጊባሃፔ አርሼይ ሞኪዛ ባጋራ ዲዛ ባዘ ጋጸ ኦጌራ ቢዲ ሄሳን ዲዛ ኦላንቻታ ቦላ ኢሰቲ ኦኬኮንታ ዲሺን ኦላ ኦይኪዴሰ።

12 ኢሰቲካ ኡባይ ዳጋሚዳ፤ ሚዲያማ ካዎቲ ዜባሃይኔ ጸልሙናይ ናምአይካ ባቃቲዳ፤ ጊዶ አቲን ጌዶኒ ኢሰታ ዬዴሉ ጋኪዲ ኦይኪዴሰ።

13 ኢዮአሳ ና ጌዶኒ ኦላፔ ሄሪሴ ፒኒዛሶራ ሰሚዴሰ።

14 ሱኮቴፔ ኢሲ ናቴፋ አሰ ኦይኪዲ ፒልጊ ኦይቾዴሰ፤ ኢዚካ ሱኮቴ አይሲዛይታኔ ጨማታ ላፑን ታማኔ ላፑናታ ሱንፋ ጸፊዲ ኢዛሰ ኢማዴሰ።

15 ሄሳፌ ጉዬ ጌዶኒ ሱኮቴ አሳኮ ዬዲ፡ « (ዜባሃኔ ጸልሙና ኔኒ ዲኦቤካሺን ዳቡርዳ ኔ ኦላንቻታሰ አይሰ ካሉ ኢማኔ?) ጊዲ ኢንቴ ታና ቂልጨዴታ፤ ሃኢ ጊዲኮ ዜባሃኔ ጸልሙና ሃይታ ቤአቲ!» ጊዴሰ።

16 ሄሳፌ ጉዬ ባዘ አጉንፋኒኔ ኪንዲቾን ዋዳዲ ሱኮቴ ካታማ አይሲዛይታ ቃጸይዴሰ።

17 ቃሴ ፓኩሌን ኢዛ ቦላ ኡቲዲ ካታማ ናጊዛ ጊምቤዛ ላሊዲ ካታማን ዲዛ አቲማሳ ዋዳዴሰ።

18 ሂስቲዲ ጌዶኒ ዘባሃኔ ጸልሙና፡ «ኢንቲ ታቦሬን ዋዲዳ ኣሳቲ ኣይ ማላ ኣሴ?» ጌዲ ኦይቸዴስ፤ ኢስቲ፡ «ኔ ማላ፤ ኢስቲ ኡባይካ ካዋ ናይታ ሚሳቴቲስ» ጌ ዛሪዳ።

19 ጌዶኒ፡ «ኢስቲ ታ ኢሻንታ፤ ኢስቲ ታ ኣዬይ ናይታ፤ ጸሲ ቤዪን ኢንቲ ኢስታ ዋዲንታኮ ታኒካ ኢንቲና ዋዲኬ ሺን» ጌዴሰ።

20 ሄሳፌ ባስ ባይራ ናዛ ዬቴሬ፡ «ዴንዳ ኤቃዳ ሃይታ ዋዳ!» ጌዴሰ፤ ዮቶሬይካ ቡሮ ዬላጋ ና ጌዲዳ ጌሻስ ያዬዲ ባ ጌላ ማሻ ሾዲቤና።

21 ሄሳፌ ጉዬ ዘባሃይኔ ጸልሙናይ ጌዶኒ፡ «ሃይቆይ ኣቶንታሼ ዴንዳዳ ኑና ኔኒ ዋዳ» ጌዳ፤ ሄሳ ጌሻስ ጌዶኒ ዴንዲዲ ኢስታ ዋዲዴስ፤ ኢስታ ጋሜላታ ቆዴን ዲዛ ኣሌቆ ሚሻታ ኡባ ኤኪዴሰ።

ኢስራኤል ኣሳይ ጌዶኔስ ሺሺዳ ኦይሻ

22 ሄሳፌ ጉዬ ኢስራኤል ኣሳይ ጌዶኒ፡ «ኔኒ ኑና ሚዲያሚ ኣሳፔ ኣሺዳ ጌሻስ ኔኒ ኔፔ ጉዬ ኔ ናይኔ ኔ ና ናይ ኑና ሃሪቴ» ጌዴሰ።

23 ጌዶኒካ፡ «ታኒ ኢንቲና ሃሪኬ፤ ታ ናይካ ኢንቲና ሃሪና፤ ጎዳይ ኢንቲና ሃር!» ጌዴሰ።

24 ኢስሚኤል ኣሳ ማላ ሚዲያሚ ቢታ ኣሳቲካ ሃይላን ዋርቃ ኣሉቲስ፤ ሄሳ ጌሻስ ኢዚ ኢስታስ፡ «ኣኔ ታኒ ኢንቲና ኢሲ ሚሽ ኦይቸይስ፤ ኢንቲ ኡባይ ዲኢዲ ኤሂዳ ሃይላ ዋርቃ ታስ ኢሚቴ» ጌዴሰ።

25 ኢስራኤል ኣሳይ ዛሪዲ፡ «ኤር፡ ኑ ኢማና» ጌዲ ኣፋላ ሚጨዳ፤ ኣሳይ ኡባይ ባ ዲኢዳ ሃይላ ዋርቃ ሄ ሚጨቴዳ ኣፋላን ዬጌዴሰ።

26 ሄሲካ ሃራ ኣሌቆታ፡ ቆዴን ኣሉዛ ጎዝዳታ፡ ሚዲያሚታ ካዋቲ ማይኢዛ ኦቻ ቲራ ሚሳቲዛ ማይኦታኔ ኢስታ ጋሜላታ ቆዴፔ ኤኬቲዳ ኣሌቆታ ጉጅንታ ጌዶኒ ኤኪዳ ሃይላ ዋርቃይ 20 ኪሎ ጌራሚ ጌዲዛዛ።

27 ጌዶኒ ዋርቃፌ ኤፋዴ ሚሰሌ ገግሲዲ ባ ዲዛ ኦፊራ ካታማን ዋሉዴስ፤ ጉዬፔ ኢስራኤል ኣሳይ ኡባይ ጎዳ ኣጌዲ ሄ ኤፋዴ ሚሰሌዛስ ጎይኒዴስ፤ ጌዶኔሲኔ ኢዛ ሶ ኣሳሰ ሄሲ ኢስታ ኦይኪዛ ናርጸ ጌዲዴሰ።

28 ሄሳ ማላ ሃኒዲ ሚዲያሚ ኣሳይ ኢስራኤል ኣሳስ ሃሪቲዴስ፤ ኢስቲ ኢስራኤል ኣሳ ቦላ ናምኣንሶ ዴንዲቤቲና። ጌዶኒ ሺምፖራ ፓጻ ዲዛ ኦይዲ ታሙ ላይላ ኩሜላ ቢታይ ዋፓ ዴሚዴሰ።

ጌዶኔ ሃይቆ

29 ኢዮአሳ ና ዩሩባአሌ ጌቲቲዛ ጌዶኔ ባ ሶ ጉዬ ቢዲ ባ ኬላን ዴኢዴስ።

30 ጌዶኔ ጮራ ማጫሳ ኤኪዳ ጊሻስ ኢዛስ 70 አቱማ ናይቲ ዴቴስ።

31 ቃሴ ሴኬሜ ካታማን ዲዛ ላጌሶ ማጫሳያ ኢዛስ አቱማ ና ዩሊን ሱንላ ኣቢሜሌኬ ጊ ሱንሊዴስ።

32 ኢዮአሳ ና ጌዶኔ ኬሂ ጨሚዲ ሃይቂዴስ፤ ባ አዋ ኢዮአሳ ዲፎን ሞጌቲዴስ፤ ሄ ዲፎዚ ኣቢኤዜሬ ቆሞቲ ዲዛ ኦፊራ ካታማን ዴስ።

33 ጌዶኔ ሃይቂዳፔ ጉዬ ኢሰራኤሌ ኣሳይ ጎዳፔ ጉዬ ሰሚዲ ባአሌ ጌቲቲዛ ኤቃ ጸሳታስ ጎይኒዴስ፤ ባአሊ-ቢሪታ ባንታስ ጸስ ሂስቲ ጎይኒዳ።

34 ሂስቲዲ ኢሰራኤሌ ኣሳይ ኢስታ ዩሾን ዲዛ ሞርኬታ ኡባፌ ኢስታ ኣሺዳ ጎዳ ባንታ ጸሳ ዶጊዳ።

35 ቃሴ ጌዶኔ ኢሰራኤሌ ኣሳስ ኦሊዳ ሎኦ ኦሶ ኡባ ኣኬኮንታ ኣጊዲ ኢዛ ኬላ ኣሳስ ሎኦ ኩሼ ዛሪቤቴና።

9

ኣቢሜሌኬ

1 ጌዶኔ ና ኣቢሜሌኬይ ሴኬሜ ካታማን ዲዛ ባ ኣዬይ ዳቦታኮ ቢዲ ኢስታሲኔ ባ ኣዬይ ቆሞታ ኡባስ።

2 «ኣኔ ሴኬሜ ካታማን ዲዛ ኣሳ ኡባ፤ ሪዶኔ ናይቲ ላፑን ታማቲ ኡባይ ኢንቴና ሃሪኮ ሎኦዬ? ዋይኮ ኢሲ ኣሲ ሃሪኮ ሎኦ?» ጌዲ ኦይቺቴ። ታኒ ኢንቴስ ኣሾ ዳቦ ጊዲዳይሳ ዶጎፒቴ» ጊዴስ።

3 ኢዛ ኣዬይ ዳቦቲ ሃ ቃላ ኡባ ኢዛ ዶና ጊዲዲ ሴኬሜ ካታማ ኣሳስ ዮቲዳ፤ ኣቢሜሌኬይካ ኢስታስ ዳቦ ጊዲዳ ጊሻስ ሴኬሜ ኣሳይ ኢዛ ካላናስ ቆፋ ቃቺዴስ።

4 ኢስቲ ባአሊ-ቢሪታ ኤቃ ኬላፌ 70 ሳቂሌ ቢራ ኤኪዲ ኢዛስ ኢሚዳ። ኣቢሜሌኬይ ሄ ቢራን ሹፋርታኔ ቦንቂዛይታ ኦይኪዲ ባና ካላና ማላ ኦሊዴስ።

5 ኦፊራ ጌቲቲዛሶን ዲዛ ባ አዋ ሶ ቢዲ ባ ኢሻታ፡ ዩሩባአሌ ናይታ ላፑን ታማታ ኢሲ ሹቻ ቦላን ሹኪዴስ፤ ጊዶ ኣቲን ጌዶኔስ ዉርሴላ ካሎ ናዚ ኢዮኣታሜይ ቆቴቲዲ ሃይቆፔ ኣቲዴስ።

6 ሄሳፌ ጉዬ ሴኬሜ አሳይኔ በቲ-ሚሎ አሳይ ኢሲፌ ሸቂዱ ሴኬሜን ጎይኔቲዛ ዛላ ማታን ዲዛ ጌታ ሚላ ጋርስ ቢዲ ሄን ኣቢሜሌኬ ካዎሊዳ።

7 ኢዮኣታሚይ ሄሳ ሲዬ ቢዲ ጋሪዛኔ ዙማ ሁኤ ኬዚዲ ባ ቃላ ቶቁ ሂስቲዲ፡ «ኢንቴኖ ሴኬሜ አሳቶ! ኢንቴ ታ ጌዛይሳ ሲዬዛ ጌዲኮ ጸሲ ኢንቴ ጌዛይሳ ሲያና።

8 ኢሲ ጋላስ ሚላቲ ኡባይ ሸቂዱ ባንታ ቦላ ካዎ ካዎላናስ ቢዳ፤ ሂስቲዲ ዎጋራ ሚላ፡ «ሃ ያ፡ ኑ ቦላ ካዎታ» ጌዳ።

9 «ጌዶ አቲን ዎጋራ ሚላይ፡ «ታኒ ኤቃ ጸሳታኔ አሳታ ቦንቹሲዛ ታ ዛይቴ አሚዛይሳ አጋዳ ሚላታ ቦላ ካዎቶ?» ጌ ዛሪዴስ።

10 «ሄሳፌ ጉዬ ሚላቲ ባላሴ ጌቴቲዛ ሚላ፡ «ሃ ያ፡ ኑ ቦላ ካዎታ» ጌዳ።

11 ጌዶ አቲን ባላሴ ሚላይ፡ «ታኒ ማልኢዛ ሎኦ አይፌ አይፊዛይሳ አጋዳ ሚላታ ቦላ ካዎታናስ ቦ?» ጌ ዛሪዴስ።

12 «ሄሳ ጌሻስ ሚላቲ ዎይኔ ቱራ፡ «ሃ ያ፡ ኑ ቦላ ካዎታ» ጌዳ።

13 ጌዶ አቲን ዎይኔ ሚላይ፡ «ታኒ ጸሲኔ ኣስ ኡፋይሲዛ ዎይኔ ኡሻ አሚዛይሳ አጋዳ ሚላታ ቦላ ካዎታና ቦ?» ጌዴስ። *

14 «ሄሳ ጌሻስ ወርሴላን ሚላቲ ኡባይ አጉንላ፡ «ሃ ያ፡ ኑ ቦላ ካዎታ» ጌዳ።

15 አጉንሳይካ፡ «ኢንቴ ቱማፔ ታና ኢንቴ ቦላ ካዎላናስ ኮይኮ ሃ ዱዲ ታ ኩዋን ሸምፒቴ፤ ሄሳ ኢንቴ ኢዲኮ አጉንሳፌ ታማይ ኬዚዲ ሊባናሴ ዚጋታ ሞ!» ጌዴስ።

16 «ኣቢሜሌኬ ኢንቴ ካዎሊዛይ ቱማቴላኒኔ ሱሬቴላኔ? ጌዶኒ ኢንቴስ ኦሊዳይሳ ኣኬኪዲ ኢዛሶ አሳስ ኢዚ ኢንቴስ ኦሊዳይሳስ ሎኦ ኩሼ ዛሪዴቲ?

17 ታ አዎይ ኢንቴስ ኦሊቴዳይሳ ኣኬኪቴ፤ ሚዲያሜ አሳፔ ኢንቴና አሻና ጌዲ ባ ሸምፖ ሃይቆስ ኣሊ አሚዴስ።

18 ጌዶ አቲን ኢንቴ ሃቶ ታ አዎ ሶ አሳ ቦላ ዴንዲዲ 70 ኢዛ ናይታ ኢሲ ሹቻ ቦላ ሹኪዴታ፤ ጌዶኒ ኣይሊይፌ ዬሊዳ ኣቢሜሌኬይ ኢንቴስ ዳቦ ጌዲዳ ጌሻስ ሴኬሜን ካዎሲዴታ።

19 ሃኢ ሲሚ ጌዶኔሲኔ ኢዛ ኬላ አሳታስ ኢንቴ ኦሊዳ ኦሶይ ቱማቴላኒኔ ሱሬቴላን ጌዲኮ ኣቢሜሌኬራ ኢሲፌ ኡፋዬቲቴ፤ ኢዚካ ኢንቴናራ ኡፋዬቶ።

* 9:13 ኢሲ ኢሲ ጌሻ ማጻፋ ቢርሼላታን ጸሲ ጌዛይሳ ጸሳቲ ጌስ። 9:13 ዛሪ 18:4

20 ሄሳዕ ጊደንታ አገሪ ኣቢሜሌኬፌ ታማይ ኬዚዲ ሴኬሜ ኣሳኔ ቤቲ-ሚሎ ኣሳ ሞ፤ ሄሳዕካ ሴኬሜ ኣሳፔኔ ቤቲ-ሚሎ ኣሳፔ ታማይ ኬዚዲ ኣቢሜሌኬ ሞ» ጊደስ።

21 ኢዮኣታሚይካ ባ ኢሻ ኣቢሜሌኬስ ያዪዳ ገሻስ ባቃቲዲ ቢኤሬ ጌቲቲዛሶ ቢዲ ሄን ኡቲደስ።

22 ኣቢሜሌኬይ ኢሰራኤል ቢታን 3 ላይሰ ካዋቲደስ።

23 ሄሳፌ ጉዬ ጾሲ ኣቢሜሌኬሲኔ ሴኬሜ ኣሳ ጊደን ኢታ ኣያና ከቲደስ፤ ሴኬሜ ኣሳይካ ኣቢሜሌኬ ቦላ ማካሊ ዴንዲደስ።

24 ጾሲ ሄሳ ኦሊደይ ኣቢሜሌኬይ ላፑን ታሙ ባ ኢሻታ ዋዲ ገሻሲኔ ኢዚ ኢስታ ሱላ ጉሳና ማላ ሴኬሜ ኣሳይ ኢዛ ሚንፊሊዳ ገሻስ ሃሎ ኬሳናሳ።

25 ሴኬሜ ኣሳይ ኣማርዳ ኣሳ ዶሪዲ ዙማ ሁኡን ኣቢሜሌኬ ዋዳናስ ዛማዲ ኡታና ማላ ኦሊደስ፤ ሄ ኡቲደይቲ ኦጌራ ካንፊዛ ኣሳ ኡባ ቦንቂዳ፤ ኣቢሜሌኬይካ ሄሳ ኡባ ሲዪደስ።

26 ሄሳፌ ጉዬ ኤቤዴ ና ጋኣሌይ ባ ኢሻታራ ሴኬሜ ዪደስ፤ ሴኬሜ ኣሳይካ ኢዛን ኣማኔቲደስ።

27 ኡባይካ ባ ጋዴ ጋዴ ቢዲ ዋይኔ ቲራ ማጺዳ፤ ዋይኔ ኡሻ ኣጊዲ ጌታ ባኣሌ ቦንቲዳ፤ ባንታ ኤቃ ኬላ ጌሊዲ ሄን ሚሼኔ ኡዪሼ ኣቢሜሌኬ ጫዪዳ።

28 ኤቤዴ ና ጋኣሌይ ሴኬሜ ኣሳስ፡ «ኣቢሜሌኬይ ኢዚ ኦኔ? ኦ ሴኬሜ ኣሳይ ኢዛስ ኣዛስ ሃሬቲዞኒ? ኢዚ ጌዶኔ ናኔ ኢዛስ ኦላ ኣሳ ካሌፊዛይ ዬሩባኣሌ ጊደኔ? ሂስቲን ኦኒ ኢዛስ ኣዛስ ኣዛዜታኔ? ሃሬቲዛ ጊዲኮ ሴኬሜ ኣዋ ኤሞሬስ ሃሬታና።

29 ሃ ኣሳ ካሌፊዛይ ታና ጊዲዳኮ ታኒ ኣቢሜሌኬ ዲጋናኮሺን። ኣቢሜሌኬ ጸይጋዳ፡ «ኔ ኦላንቻታ ዳርሳ ኤካዳ ኦሌታናስ ሃ ያ፡ ጋዳ ዮታናኮሺን!» ጊደስ።

30 ኤቤዴ ና ጋኣሌይ ጊዳ ማላ ካታማ ሃሪዛ ዛቡሌይ ሲዪዳ ማላ ኬሂ ሃንቂቲደስ።

31 ሄሳፌ ጉዬ ኣቢሜሌኬኮ ኣስ ጉዬራ ከቲዲ፡ «ኤቤዴ ና ጋኣሌይኔ ኢዛ ኢሻቲ ሴኬሜ ዪዲ ካታማን ዲዛ ኣሳ ኔ ቦላ ዴንፊፊቲስ።

32 ሄሳ ገሻስ ኔኒኔ ኔናራ ዲዛ ኣሳይ ኦማርሳራ ዴንዲዲ ጌዴ ካሬ ኬዚዲ ጌማሶን ዛማዲ ናጊቲ።

33 ዋንቶ ማላዶ ኣርሺይ ሞኪሺን ኢስቲ ኣኬኮንታ ካታማ ዋራጂቲ፤ ጋኣሌይኔ ኢዛራ ዲዛ ኣሳይ ኢንቲና ኦላናስ ኬዚዛ ዋዴ ኢንቲስ ዳንዳዬቲዳ ማላ ሚኒዲ ኦሌቲቲ» ጊደስ።

34 አቢሜሌኬይኔ ኢዛራ ዲዛ አሳይ ኡባይ ኦማርስ ዴንዲዲ ሴኬሜፔ ካሬራ 4 ቡቴን ሻኬቲዲ ዛማዲ ኡቲዳ።

35 አቢሜሌኬይኔ ኢዛራ ዲዛ አሳይ ኤቤዳ ና ጋኦሌይ ኬዚዲ ካታማ ጌሊዛ ፔንጌን ኤቂዳይሳ ቤኢዲ ቆቴቲዳ ሶሆፔ ኬዚዳ።

36 ጋኦሌይ አሳ ቤኢዳ ዋዴ ዛቡሌ፥ «ጾላ! አሳይ ዙማ ሁኤፔ ዋዴላ ቦላ ዴስ» ጌዴስ። ዛቡሌይካ፥ «ሄይቲ አስ ጌዴቲና፤ ዙማታ ኤሾይ አሳ ሚሳቲዛይሳ ቤኦዳ ጋሳ» ጌዲ ዛሬዴስ።

37 ጋኦሌይ ቃሴካ፥ «ጾላ! አሳይ ዙማስ ጌዶ አዳራ ዲጌ ዋዴላን ዴስ፤ ሃራ ቡቴይ ቃሴ ሙሬና ዋላ ጌቲቲዛሶራ ዬስ» ጌዴስ።

38 ሄሳ ጊሻስ ዛቡሌይ ጋኦሌ፥ « ሱኒ ኢዛስ ሃሬታናስ አቢሜሌኬይ ኦኔ?» ጌዳ ኔ ዶናይ ሃኢ አዋ ቢዴ? ሃይቲ ኔኒ ካዲዳ አሳታ ጌዴቲኔ? ሃኢ ኬዛዳ ኢስታራ ኦሌታ!» ጌዴስ።

39 ጋኦሌይ ሴኬሜ አሳ ካሌላ ኬዚዲ አቢሜሌኬራ ኦሌቲል ኦይኪዴስ።

40 አቢሜሌኬይ ዬዴላን ጋኦሌይ ባቃቲዴስ፤ ካታማ ጌሊዛ ፔንጌ ጋካናስ ዳሮቲ ጫዴቲዲ ኩንዲዳ።

41 አቢሜሌኬይ አሩማን ዴኢዴስ፤ ዛቡሌይ ጌዲኮ ጋኦሌኔ ኢዛ ኢሻታ ሴኬሜፔ ጎዴሬላ ኬሲዴስ።

42 ዋንቲላ ጋላስ ሴኬሜ አሳይ ባ ጎሻሶ ጎሻሶ ኬዚዳይሳ አቢሜሌኬይ ሲዬዴስ።

43 ሄሳፌ ጉዬ ባ አሳ ካሌላ ኬዚዴስ፤ አሳካ 3 ቡቴን ሻኪዲ ጌማሶን ዛማዲ ናጋና ማላ ኦሊዴስ፤ ሴኬሜ አሳይካ ካታማፔ ኬዚዳይሳ ቤኢዲ ኢስታ ዋዳናስ ቆቴቲዳሶፔ ኬዚዳ።

44 አቢሜሌኬይኔ ኢዛራ ዲዛ ቡቴይ ሲንል ዋጺ ቢዲ ካታማ ጌሊዛ ፔንጌን ኤቂዳ፤ አቲዳ ናምኡ ቡቴቲ ጎሻሶን ዲዛ አሳ ኡባ ዋዴዳ።

45 ጋላሳ ኩሜል አቢሜሌኬይ ካታማ አሳራ ኦሌቲዲ ካታማዮ ኦይኪዴስ፤ ሄን ዲዛ አሳ ኡባ ዋዴ ወርሲዴስ፤ ካታማዮካ ላሊዲ ኢዚን ማጺኔ ዜሪዴስ።

46 ሴኬሜ ጌምቤ ጊዶን ዲዛ አሳይ ኡባይ ሄሳ ሲዬዲ ኤሊ-ቢሪታ ጌቲቲዛ ኤቃ ጾሳ ኬላይ ዲዛሶ ሚጸ ጌዶ ጌሊዴስ።

47 ኢስቲ ሄ ሶሆን ሽቂዳይሳ አቢሜሌኬይ ሲዬዳ፥

48 ኢዚኔ ኢዛራ ዲዛ አሳይ ኡባይ ጸልሞኔ ጌቲቲዛ ዙማ ቦላ ፑዴ ኬዚዳ፤ አቢሜሌኬይ ካልታ ኤኪዲ ሚላ ታሼ ቃንጺዲ ባ ሃሺን ቶኪዴስ፤ ባናራ ዲዛ አሳታካ፥ «ታኒ ኦሊሺን ቤይዳይሳ ኢንቴካ ኤሶን ሃኢ ኦሊቲ» ጌዴስ።

49 አሳይ ኡባይካ ሚላ ታሹ ቃንጺ ኤኪዲ አቢሜሌኬ ካሊዳስ፤ ሄ ታሹታ ሚጸ ፔንጌ ቦላ ኮሪዲ አሳይ ኢዛ ጊደን ዲሺን ታማ ኦይሊዳ፤ ሄሳ ጊሻስ ሚጸ ጊደን ዲዛ አሳይ ኡባይ ሃይቂ ዉሪዳስ፤ ሄን ሃይቂዳ ኦቱማ አሳኔ ማጫሳ ቆዳይ 1,000 ጊዳና።

50 ሄሳፌ ጉዬ አቢሜሌኬይ ቱቤሴ ጌቲቲዛ ካታማ ቢዲ ካታማ ጊደሊ ኦይኪዳስ።

51 ሄ ካታማ ጊደን ኢዛ ቦላ ኡቲዲ ናጊዛ ኢሲ ጊታ ገምቤይ ዳስ። ካታማ አሳይ ኡባይ፣ ማጫይ፣ አዳይ፣ ካሌሊዛይታራካ አቶንታ ሄ ገምቤዛኮ ሄ ዋጺ ቢዲ ኢዛ ጊደ ጌሊዳ፤ ፔንጌ ጎርዲዲ ፑዳ ገምቤዛ ቦላ ኬዚዳ።

52 አቢሜሌኬይ ኦሌቲሼ ገምቤዛኮ ጋኪዲ ኢዛ ታማን ጹጋናስ ገምቤዛ ፔንጌ ሸቂዳስ።

53 ጊደ አቲን ኢሲ ማጫሳያ አቢሜሌኬ ሁኡን ዋጸ ማይዳ ጌንደርሳ ኦላዳ ኢዛ ሁኡዛ ፖንኩ ሂስታ ጳልቃ ዬጋዱስ።

54 ኢዛ ጎንዳሌ ኦይኪ ካሊዛ ናቲላዛ ኤሶን ጸይጊዲ፣ «ታና አሲ፣ ሲዛ ማጫሲ ዋዳዱስ» ጎንታ ማላ ኔ ጊላ ማሻ ኮሆፔ ሾዳዳ ታና ዋዳ» ጊዳስ፤ ሄ አይሌዚካ ጫዲን ኢዚ ሃይቂዳስ።

55 ኢሰራኤሌ አሳይ ኡባይ አቢሜሌኬይ ሃይቂዳይሳ ቤኢዲ ባ ሶ ባ ሶ ቢዳስ።

56 አቢሜሌኬይ ባ ኢሻታ ላፑን ታማታ ዋዳዲ ባ አዋ ቦላ ኦሊዳ ጎሜዛ ጸሲ ኢዛ ቦላ ዛሪዳስ።

57 ሄሳንካ ጸሲ ሴኬሜ አሳ ኢታቲል ኡባ ኢስታ ቦላ ዛሪዳስ፤ ሄሳ ማላን ሃኒዲ ዬሩባኦሌ ና ኢዮኦታሜይ ቃንጊዳ ቃንጌሊ ኢስታ ቦላ ጋኪዳስ።

10

ቶላ

1 አቢሜሌኬይ ሃይቂዳፔ ጉዬ ዶዳ ናዛ ፑዋ ና ቶላይ ኢሰራኤሌ አሻናስ ዳንዲዳስ። ኢዚ ዪሳኮሬ ዛሬፔ ጊዲሼ ኤፍሬሜን ቦላ ጌዜን ሻሚሬ ጌቲቲዛሶን ዳኢዳስ።

2 ቶላይ 23 ላይሰ ጋካናስ ኢሰራኤሌ ዳራ ካሌሊዳስ፤ ሄሳፌ ጉዬ ቶላይ ሃይቂዲ ሻሚሬን ሞጌቲዳስ።

ያኢሬ

3 ቶላፔ ካሊዲ ጋላኦ ዳሬ አስ ያኢሬይ ዳንዲዳስ፤ ኢሰራኤሌ አሳ ናሞኡ ታማኔ ናሞኡ ላይሰ ጋካናስ ሄሚዳስ።

4 ኢዛስ 30 ሃሬታ ቶጊዛ 30 ኣቱማ ናይቲ ዴቲስ፤ ኢስታስ ጋላኣዴ ቢታን 30 ካታማቲ ዴቲስ፤ ሄ ካታማቲ ሃቕ ጋካናስ ያኢሬ ካታማታ ጌቲቲ ዪይጌቲቲስ። *

5 ያኢሬይ ሃይቂዲ ቃሞኔን ሞጌቲዴስ።

ኢስራኤል ኣሳይ ሃኢካ ጸሳ ቦላ ማካሊዴስ

6 ኢስራኤል ኣሳይ ጎዳ ሲንፋን ቃሴካ ኢታ ሚሽ ኦሊዴስ፤ ኢስቲ ባኣሌኔ ኣስታሮቲ ጌቲቲዛ ኤቃ ጸሳታሲኔ ኣራሚ ጸሳታስ፤ ሲዶና ጸሳታስ፤ ሞኣቤ ጸሳታስ፤ ኣሞኔ ዴሬ ኤቃ ጸሳታሲኔ ፊሊስጾሚ ጸሳታስ ጎይኒዳ። ኢስቲ ባንታ ጎዳስ ጎይኒዛይሳ ኣጊዳ።

7 ሄሳ ጊሻስ ጎዳይ ኢስራኤል ኣሳ ቦላ ሃንቄቲዲ ኢስታ ፊሊስጾሚ ጸሳታሲኔ ኣሞኔ ኣሳታስ ኣሊ ኢሚዴስ።

8 ሄ ላይላ ኢስራኤል ኣሳ ኢስቲ ቆሂዳኔ ዋዩቹዳ። ዮርዳኖሴ ሻፋፔ ሄ ፒንላ ኣርሼይ ኬዚዛ ባጋን ኣሞሬቲ ካሴ ዴኢዳ ጋላኣዴ ቢታን ዴኢዳ ኢስራኤል ኣሳ ኡባ ኢስቲ 18 ላይላ ዋዩቹዳ።

9 ኣሞኔ ኣሳይ ቃሴካ ዩሁዳ፤ ቢኒያሜኔ ኤፍሬሚ ዛሬታ ኦላናስ ዮርዳኖሴ ሻፋ ፒኒዳ፤ ሄሳ ጊሻስ ኢስራኤል ኣሳይ ኬሂ ጨፎጪዴስ።

10 ሄሳፌ ጉዬ ኢስራኤል ኣሳይ፡ «ኮኒ ኔና ኦ ጸሳ ኣጊዲ ባኣሌ ኤቃታስ ጎይኒዲ ኔና ቆሂዶስ» ጊዲ ጎዳስ ዋሲዳ።

11 ጎዳይካ ኢስታስ፡ «ጊብጾቲ፡ ኣሞሬቲ፡ ኣሞኔቲ፡ ፊሊስጾሚቲ፡

12 ሲዶናቲ፡ ኣማሌቄቲኔ ማኦኔ ዴሬ ኣሳቲ ኢንቴና ኡንኤሊን ታኮ ዋሲዴታ፤ ሂስቲን ታኒ ኢንቴና ኢስታ ኩሼፔ ኣሻቤኪና?

13 ጊዶ ኣቲን ኢንቴ ታና ኣጊዲ ሃራ ጸሳታስ ጎይኒዴታ፤ ሄሳ ጊሻስ ታኒ ኢንቴና ሙሊካ ኣሺኬ።

14 ቢዲ ኢንቴ ዶሪዳ ጸሳታስ ዋሲቴ፤ ኢንቴ ሜቶቲዳ ዋዴ ኢስቲ ኢንቴና ኣሹቶ» ጊዲ ዛሪዴስ።

15 ጊዶ ኣቲን ኢስራኤል ኣሳይ ዛሬሊ ጎዳ ጸሳ፡ «ኮኒ ናጋራ ኦሊዴስ፤ ሃቹር ኦና ኣሻዳ ኔ ዶሶይሳ ኦ ቦላ ኦላ» ጊዴስ።

16 ኣላጋ ጸሳታ ባ ጊዶፌ ዲጊዲ ጎዳስ ጎይኒዳ፤ ኢስታ ዋዩዛ ቤኢዲ ጎዳይ ጮኡ ጊ ኣጋናስ ዳንዳይቤና።

17 ሄሳፌ ጉዬ ኣሞኔ ዴሬ ኦላንቻቲ ኦላስ ጊጌቲዲ ጋላኣዴን ዴንካኒዳ፤ ኢስራኤል ኣሳይካ ኢሲፌ ሺቂዲ ጋላኣዴን ሚጸጸ ጌቲቲዛሲን ዴንካኒዴስ።

* 10:4 ኢስራኤል ቢታን ጎባ ዋይኮ ሚኖ ኣሳቲ ሃሬ ቶጌቲስ።

18 ጋላኣዴ ቢታ ኣሳይኔ ሃላቃቲ ባንታ ጊደን፡ «ኣሞኔ ዴሬ ኦላንቻታራ ኮይሮ ቢዲ ኦላ ኦይኬታናይ ኦኔ? ኢዛዴይ ጋላኣዴ ቢታን ዲዛ ኣሳ ኡባ ቦላ ሃላቃ ጊደ» ጊደ።

11

ዮፍታሄ

1 ኢሲ ላይማ ማጨሳይፌ ዬሌቲዳ ጋላኣዴ ዴሬ ኣሰ ዮፍታሄይ ሚኖ ኦላንቻ፤ ኢዛ ኣዋይ ጋላኣዴ ጌቲቲሰ።

2 ጋላኣዴይ ኮይሮ ኤኪዳ ማቺያካ ኢዛሰ ኣቱማ ናይታ ዬላዲሰ፤ ኢሰቲ ዲጪ ጋኪዳ ዋዴ ባንታ ኢሻ ዮፍታሄ፡ «ኔኒ ላይማ ማቺ ና ጊዲዳ ገሻሰ ኦ ኣዋ ኣቆታፔ ኣይኮካ ላታካ» ጊዲ ሶፔ ኬሲ ጎዲደ።

3 ሄሳ ገሻሰ ዮፍታሄይ ባ ኢሻታፔ ባቃቲዲ ጸባ ጌቲቲዛ ቢታን ዴኢዴሰ፤ ኢዚ ሄን ዲሺን ኣማርዳ ዋማሌ ኣሳቲ ኢዛኮ ሸቂዲ ኢዛ ካሊደ።

4 ጉላ ዋዴፔ ጉዬ ኣሞኔ ዴሬ ኣሳይ ኢሰራኤሌ ኣሳ ኦላ ኦይኪዴሰ።

5 ኣሞኔ ዴሬ ኣሳይ ኢሰራኤሌ ኣሳራ ኦሌቲዳ ዋዴ ጋላኣዴ ቢታ ጨማቲ ጸባ ቢታፌ ዮፍታሄ ዛሪ ኤሃናሰ ቢደ።

6 ኢሰቲ ኢዛ፡ «ሃ ያ! ኣሞኔ ዴሬ ኣሳታ ኦኒ ኦላና ማላ ኦና ካሌላ» ጊደ።

7 ዮፍታሄይ ጋላኣዴ ጨማታ፡ «ታና ኢጲዲ ታ ኣዋ ኬላፌ ዬዴላዳይ ኢንቴና ጊዴኬቲ? ሃኢ ሜቶይ ኢንቴና ጋኪዳ ገሻሰ ታኮ ዪዴቲ?» ጊዴሰ።

8 ጋላኣዴ ጨማቲ ኢዛ፡ «ሃኢ ጊዲኮ ኦኒ ኔኮ ሲሚደሰ፤ ጋሶይካ ኔኒ ኦናራ ባዳ ኣሞኔ ዴሬ ኣሳ ኦላና ማላኔ ጋላኣዴ ኣሳ ኡባ ቦላ ኔኒ ሃላቃ ጊደና ማላ ኦኒ ኮዮሰ» ጊደ።

9 ዮፍታሄይ፡ «ኣሞኔታራ ኦሌታናሰ ኢንቴ ታና ጉዬ ሶ ዛሪን ጎዳይ ኢሰታ ታ ኩሼን ኣሉ ኢሚኮ ቱሙ ኢንቴ ታና ሃላቃሳኔ?» ጊ ኦይቺዴሰ።

10 ጋላኣዴ ጨማቲ ዮፍታሄሰ፡ «ጎዳይ ኦ ጊደን ማርካ! ኔኒ ጊዛይሳ ቱሙ ኦኒ ኦላና» ጊዲ ዛሪደ።

11 ሄሳ ገሻሰ ዮፍታሄይ ጋላኣዴ ጨማታራ ቢዴሰ፤ ዴሬዚካ ኢዛ ባ ቦላ ሃላቃኔ ባና ኣዛዚዛዴ ሂሰቲ ሹሚዴሰ፤ ዮፍታሄይ ሚጲጸን ጎዳ ሲንላን ሃ ዮኦ ኡባ ኤኮይሳ ዛሪ ቆንጨሲዴሰ።

12 ሄሳፌ ጉዬ ዮፍታሄይ አሞኔ ዴሬ አሳታ ካዎዛኮ አስ ከቲዲ፡ «ኔኒ ኑ ዴራ ቦላን ዎራጂዲይ ኔሳራ ኑሳራ አይ ኦሺ ዲኔ?» ጌዲ ኦይቺሲዴስ፡

13 ዮፍታሄይ ከቲዲ አሳታሰ አሞኔ ዴሬ ካዎይ ዛሪዲ፡ «ኢሰራኤል አሳይ ጌብጾ ቢታፌ ኬዚዲ ዎዴ አርኖኔ ሻፋፔ ደሚዲ ያቦቄ ሻፋ ጋካናሰ ቃሴ ዮርዳኖሴ ሻፋ ጋካናሰ ዲዛ ታ ቢታ ኤኪዴስ፤ ሃኢ ታ ቢታ ሳሮን ዛሪቲ» ጌዴስ፡

14 ዮፍታሄይ ናሞአንሶ ዛሪዲ አሞኔ ዴሬ ካዎኮ አስ ከቲዴስ፡

15 «ኢሰራኤል አሳይ ሞአቤ ቢታ ዎይኮ አሞኔ ቢታ ኤኪቤና፡

16 ኢሰራኤል አሳይ ጌብጾ ቢታፌ ኬዚዲ ዎዴ ባዞራ ካንሊ ቢዲ ዞኑ አባ ጋኪዴስ፤ ሄሳፌ ቃሴ ቃዴሴ ጌቲቲዛሶ ዩዴስ፡

17 ኢሰራኤል አሳይ ኤደሜ ቢታ ካዎኮ አስ ከቲዲ፡ «ኔ ቢታራ ኑና አሳርኪ!» ጌዴስ፤ ጌዴ አቲን ኤደሜ ካዎይ አሶንታ ኢጲዴስ፤ ሄሳሶካ ሞአቤ ካዎኮ ከቲን ኢዚካ አሶንታ ኢጲዴስ፤ ሄሳ ጊሻሰ ኢሰራኤል አሳይ ቃዴሴን ጋሞኢዴስ፡

18 ሄሳፌ ጉዬ ባዞራ ካንሊዲ ኢሰቲ ኤደሜኔ ሞአቤ ቢታታ ዩዩዲ ሞአቤ ቢታፌ አርሼይ ሞኪዛ ባጋራ ዩዳ፤ አርኖኔ ሻፋፔ ሄ ፒንሳ ባጋራ ዲዛ ሶሆን ዱንካኒዳ፤ ጌዴ አቲን አርኖኔ ሻፋይ ሞአቤ ዛዎ ጌዲዳ ጊሻሰ ሄ ዛዎ ፒኒቤቴና፡

19 «ሄሳፌ ጉዬ ኢሰራኤል አሳይ ሃሴቦኔ ጌቲቲዛ ካታማን ዲዛ አሞሬታ ካዎ ሲሆኔኮ አስ ከቲዴስ፤ ኢሰታሰ፡ «ዎዜ ኔና ኔ ዴሬራ ኑ አጁ ባና ማላ ኑና ዲጎፋርኪ!» ጌዴ፡

20 ጌዴ አቲን ሲሆኔይ ኢሰራኤል አሳይ አጁ ቦንታ ማላ ዲጊዴስ፤ ኢዚ ባ ኦላ አሳ ኡባ ሺሺዲ ያሃጾ ጌቲቲዛሶን ዱንካኒዲ ኢሰራኤል አሳራ ኦላ ኦይኬቲዴስ፡

21 ጎዳ ኢሰራኤል ጳሳይ ሲሆኔኔ ኢዛ ዴራ ኡባ ኢሰራኤል አሳ ኩሼን አሊ ኢሚን ኢሰቲ ጸኒዳ፤ ሄን ዴኢዳ አሞሬ ዴሬ ኡባ ላቲዳ፡

22 አርኖኔ ሻፋፔ ቢዲ ያቦቄ ሻፋ ጋካናሰኔ ባዞፌ ቢዲ ዮርዳኖሴ ሻፋ ጋካናሰ ዲዛ አሞሬታ ዴራ ኡባ ላቲዳ፡

23 ሄሳ ማላ ኦሊዲ ጎዳ ኢሰራኤል ጳሳይ አሞሬ ዴሬ አሳ ባ ዴሬ ኢሰራኤል ሲንሳፌ ዬዴሊዲ ጳይሲዴስ፤ ሂሰቲን ኔ ዛራ ኤካናሰ ኔሰ አይ ዎልቃይ ዲዜ?

24 ኔሰ ኔ ጳሰ ካሞሼይ ኢሚዛይሳ ኤካዳ ሽሞፓ ኡቲኪ? ኑኒ ጌዲኮ ጎዳ ኑ ጳሳይ ኑሰ ኢሚዳይሳ ኡባ ላታና፡

25 ሂሰቲን ኔኒ ጸፖራ ና ሞአቤ ካዎ ባላቄፔ ሚናይ? ኢዚ ኢስራኤል አሳሪ ኦዩቲዳ? ዎይኮ ኦሌቲዳ?

26 ኢስራኤል አሳይ ሃሴቦኔኔ ሄ ሄራ፥ አርኤሬኔ ሄ ሄራ፥ አርኖኔ ሻፋ ማታን ዲዛ ካታማታ ኡባ ላቲዲ 300 ላይሰ ዳኢዳሰ፤ ሂሰቲን ሄ ዎዴ አይሰ ዛሪ ዎሊ ኤኪቤኬቲ?

27 ታኒ ታ ባጋራ ኢንቲና አይኮካ ቆሃቤኬ፤ ጊዶ አቲን ታና ኦላ ኦላዳ ቆሃናሰ ዴንዲዳይ ኔና፤ ፒርዲዛ ጎዳይ ሃች ኢስራኤል አሳሲኔ አሞኔ አሳሰ ጊዶን ፒርዶ» ጊዳሰ።

28 አሞኔ ካዎይ ጊዲኮ ዮፍታሄይ ከቲዳ ኪታ ቆዳን ዩጊቤና።

29 ሄ ዎዴ ጎዳ አያናይ ዮፍታሄ ቦላ ዎዲን ጋላአዴኔ ሚናሴ ዴሬ ካንሊዲ ጋላአዴ ቢታን ዲዛ ሚጸጸሪ አዲ ቢዲ አሞኔ ዴሬ ቦላ ዎራጂዳሰ።

30 ጎዳሰ፥ «ኔኒ አሞኔታ ታ ኩሼን አላ አሚኮ፥

31 ታኒ ኦላን ጸናዳ ሶ ሲሚዛ ዎዴ ታሶፔ ታና ሞካናሰ ኮይር ኬዚዛ አይ አሲካ ጊዲን ኢዛ ኔሰ ጸጌቲዛ ያርሾ ሂሰታ ሺሻና» ጊዲ አዲኔቲዳሰ።

32 ሄሳፌ ጉዬ ዮፍታሄይ አሞኔታ ኦላናሰ ዛዎ ፒኒ ቢዳሰ፤ ሂሰቲን ጎዳይ ኢሰታ ኢዛ ኩሼን አሊ አሚዳሰ።

33 አርኤሬፔ ዶሚዲ ሚኒቲ ሄራኒኔ ኢዛፔ አዲዲ አቤሊ-ኬራሚሜ ጋካናሰ ዲዛ ናሞኡ ታሙ ካታማታ ኦሊ ዳይሲዳሰ፤ አሞኔ ዴሬ አሳይካ ኢስራኤሊታሰ ሃሬቲዳሰ።

ዮፍታሄ ናዮ

34 ዮፍታሄይ ሚጸጸን ዲዛ ባሶ ሲሚ ዪዛ ዎዴ ኮይርታዳ ኢዛ ናያ ካራቤ ባቃ ዩጸሸኔ ዴራሽ ኢዛ ሞካናሰ ኬዛዴሰ፤ ኢዚፔ አቲን ሃራ ናይ ኢዛሰ ባዎ።

35 ኢዚ ኢዞ ቤኢዳ ማላ ባ ማይኦ ዳኪዲ፥ «ታ ናዬ ሃሮ ፖራ ሂሰቶይን! ታና ፓላን ጋላዳሳ! ታና ሜቶን ዩጋዳሳ! ታኒ ጎዳሰ ጋላና ጋዳ አዲና አዲኔታዲሰ፤ ሄ አዲና ጋሶንታ አጋናሰ ዳንዳይኬ!» ጊዲ ዋሲዳሰ።

36 ናያ፥ «ታ አዋዉ! ኔኒ ጎዳሰ አዲና አዲኔቲዳ ጊዲኮ ጎዳይ ኔ ሞርኬ አሞኔ ዴራ ቦላ ኔ ሃሎ ኬሲዳ ጊሻሰ ኔኒ ቃላ ጌሊዳይሳ ታ ቦላ ፖላ!» ጋዴሰ።

37 ቃሴካ ኢዛ ባ አዋሰ፥ «ታሰ ኢሲ ሚሽ ኦላርኪ! ታኒ ሙሌራ ኦዚና ጌላና ዳንዳዮንታ ጊሻሰ ታ ላጌታራ ባዳ ዙማታ ቦላ ታ ጌላኦቲላሰ ዩያ ዩያ ዩካና ማላ ናሞኡ ኦጊናሰ ታና ዩዳርኪ!» ጋዳ ኦይቻዴሰ።

38 ኢዚካ፡ «ባ!» ጊዲ ናምኡ ኣገናሰ ዬዲዳስ፤ ኢዛ ባ ላጌታራ ዙማ ሁኤ ኬዛዳ ባ ጌላኦቴላስ ኢስታራ ዩካዲስ።

39 ናምኡ ኣገናፔ ጉዬ ባ ኣዋኮ ሰማ ያዲስ፤ ኢዚካ ጎዳስ ባ ኣዲኔቲዳ ኣዲና ጋሊዳስ፤ ኢዛ ሙሌካ ኣዚና ጌሎንታ ኣታዲስ።

40 ሄ ወዴፔ ዶሚዲ ኢስራኤሌታ ናቴላ ማጫ ናይቲ ላይላን ላይላን ኦይዱ ጋላስ ባንታ ሶፔ ሃኪ ቢዲ ጋላኣዴ ዴሬ ዮፍታሄ ናይስ ሚሹቲ ዬሆይ ሎሴ ጊዲዳስ።

12

ዮፍታሄኔ ኤፍሬሜ ዴሬ ኣሳ

1 ኤፍሬሜ ዴሬ ኣሳይ ኦላስ ባና ጊጌቲዲ ዮርዳኖሴ ሻፋ ፒኒዲ ጸፎኔ ጌቲቲዛ ካታማ ጋኪዳ ወዴ ዮፍታሄስ፡ «ኣሞኔታ ኦላናስ ዛዋ ፒናዳ ባሼ ኔናራ ባና ማላ ኣይስ ኦና ጳይጋቤኪ? ሄሳ ጊሻስ ኦኒ ኔ ኬላ ኔ ቦላ ጎርዲዲ ታማን ጸጋና» ጊዳ።

2 ዮፍታሄይ ኢስታስ፡ «ታኒኔ ታ ኣሳይ ኣሞኔ ዴሬ ኣሳታራ ኬሂ ኦዬቲዳ ወዴ ታኒ ኢንቴና ጳይጋዲስ ሺን ኢንቴ ታና ኢስታፊ ኣሺቤኬታ።

3 ኢንቴ ታና ኣሾንታይሳ ኤሪዳ ጊሻስ ታ ሸምፖስ ቃዴቶንታ ዳሼ ኣሞኔታ ኦላናስ ኢስታ ዛዋ ፒና ባዲስ፤ ጎዳይ ኢስታ ታ ኩሼን ኣሊ ኢሚዳስ። ሂስቲን ኢንቴ ሃኢ ኣይስ ታና ኦላናስ ዩዳቲ?» ጊዳስ።

4 ኤፍሬሜ ኣሳይ ካሴ ኢስታስ፡ «ኢንቴ ጋላኣዴን ዲዛ ኣሳቲ ካሴ ኤፍሬሜ ዛሬታፔኔ ሚናሴ ዛሬታፔ ካዲ ቤቲዲ ዩዳይታፔ ኣቲን ሃራታ ጊዳኬታ» ጊ ሚሪዛ ጊሻስ ዮፍታሄይ ጋላኣዴ ኣሳ ኡባ ሺሺዲ ኤፍሬሜ ኣሳራ ኦሌቲዳስ፤ ሂስቲን ጋላኣዴ ኣሳቲ ኦሊ ጸኒዳ።

5 ኤፍሬሜ ኣሳይ ባቃቶንታ ማላ ዮርዳኖሴ ሻፋ ፒኒዛ ፑርዴ ኡባ ጋላኣዴቲ ኦይኪዳ፤ ባቃታናስ ኮይዛ ኤፍሬሜ ዴሬ ኣሲ ኦኒኔ ፒናናስ ኦይቹዛ ወዴ ጋላኣዴቲ፡ «ኦኒ ኤፍሬሜ ኣሴ?» ጊ ኦይቹቲስ፡ ሄ ኦይሹቲዳዴይካ፡ «ኣካይ» ጊ ዛሪኮ፡

6 «ኣኒ፡ «ሺቦሌቲ» ጋ» ጌቲስ። ጊዶ ኣቲን ኢዚ፡ «ሺ» ጊዛ ፒዳሌ ሎኤሊ ጳይጋናስ ዳንዳዮንታ ጊሻስ፡ «ሲቦሌቲ» ጌስ፤ ሄ ወዴ ኢዛ ኦይኪዲ ዮርዳኖሴ ሻፋ ፒኒዛ ፑርዴ ቦላ ወዲዳ፤ ሄ ወዴ ሄን ኤፍሬሜ ኣሳፔ 42,000 ኣሳይ ሃይቂዳስ።

7 ዮፍታሄይ ኢስራኤል አሳ ቦላን ኡሱፑን ላይሰ ኩሜሰ ዳናቲዳሰ፤ ሄሳፌ ጉዬ ዮፍታሄይ ሃይቂዲ ባ ዳሬ ጋላአዴን ዲዛ ካታማታፔ ኢሳን ሞጌቲዳሰ።

ኢብጻኔ

8 ዮፍታሄፔ ካሊዲ ቤቴሊሃሜ አሰ ኢብጻኔይ ኢስራኤል አሳ ቦላ ፒርዲዛ ዳና ጊዲዳሰ።

9 ኢብጻኔሰ 30 አቱማ ናይቲኔ 30 ማጫ ናይቲ ዳቲሰ፤ ኢዚ ባ ማጫ ናይታ ባ ቆሞ ጊዶንታ አቱማ ናይታሰ ኢሚዳሰ፤ ባ አቱማ ናይታሰካ ባ ቆሞ ጊዶንታ ማጫ ናይታ ገግሲዲ ኤሂዳሰ። ኢብጻኔይ ኢስራኤል ቦላ ላፑን ላይሰ ዳናቲዳሰ።

10 ኢብጻኔይ ሃይቂዲ ቤቴሊሃሜን ሞጌቲዳሰ።

ኤሎኔ

11 ኢብጻኔፔ ካሊዲ ዛቢሎኔ ዳሬ አሰ ኤሎኔይ ኢስራኤል አሳ ቦላ 10 ላይሰ ዳናቲዳሰ።

12 ሄሳፌ ጉዬ ሃይቂዲ ዛቢሎኔ ዳሬን ዲዛ ኤሎኔ ቢታን ሞጌቲዳሰ።

አብዶኔ

13 ኤሎኔፔ ካሊዲ ፒራቶኔ ዳሬ አሰ ሂሌሌ ና አብዶኔይ ኢስራኤል ቦላ ዳናቲዳሰ።

14 አብዶኔሰ 70 ሃሬታ ቶጊዛ 40 አቱማ ናይቲኔ 30 ናይታ ናይቲ ዳቲሰ፤ አብዶኔይ ኢስራኤል አሳ ቦላ 8 ላይሰ ዳናቲዳሰ።

15 ሄሳፌ ጉዬ ፒራቶኔ ዳሬ አሰ ሂሌሌ ና አብዶኔይ ሃይቂዲ አማሌቄ ዳሬን ጌዜ ቦላ ኤፍሬሜ ቢታን ዲዛ ፒራቶኔን ሞጌቲዳሰ።

13

ሳሞሶኔ

1 ኢስራኤል አሳይ ጎዳ ሲንሳን ቃሴካ ኢታ ሚሽ ኦሊዳሰ። ሄሳ ጊሻሰ ጎዳይ ኢስታ ኦይዱ ታሙ ላይሳሰ ፊሊሰዶሜ አሳ ኩሼን አሊ ኢሚዳሰ።

2 ሄ ዋዴ ጾራኣ ጌቲቲዛ ካታማን ማኑሄ ጌቲቲዛ ኢሳዳይ ዳሰ፤ ኢዛሰ ዬሌታይ ዳኔ ባጋፊ፤ ኢዛ ማቺያ ማይኔ ጊዲዳ ጊሻሰ ና ዬላቤኩ።

3 ኢሲ ጋላሰ ጎዳ ጾሳ ኪታንቻይ ሄ ማጫሳይሲ ቆንጪዲ፥ «ቤያ! ኔኒ ና ዬሎንታ ማይኔ፤ ጊዶ አቲን ኔሰ ሻራይ አታና፤ ኔኒ አቱማ ና ዬላና።

4 ሄሳ ገሻሰ ወይኔ ጫጃ ወይኮ ማሶሲዛ ኡሹ ኡዮንታ ማላኔ አይኮ ቱና ሚሺካ ሞንታ ማላ ናጌታ።

5 ጋሶይካ ኔ ሻራና፤ አቱማ ናካ ዬላና። ናዚ ባ አዬይ ኡሎፔ ዶሚዲ፤ ጸሳሰ ናዚራዌ * ጌዲዳ ገሻሰ ማጋላይ አዛ ሁኤ ቦቾሮ፤ አዚካ አሰራኤሌ ፊሊሰጾሜ አሳ ኩሼፔ አሾ ዶማና» ጌዴሰ።

6 ሄሳፌ ጉዬ ማጫሳያ ባዳ፤ ባ አዚናሰ፤ «ጸሳ አሰ አሰይ ታኮ ዬዴሰ፤ አዚሰ ሜቆይካ ጸሳ ኪታንቻ ሜቆ ማላ ከሂ ያሺዛይሳ። አዚ አዋፔ ዬዳኮካ ታኒ አዛ ኦይቻቤኬ፤ አዚካ ባ ሰንላ ታሰ ዮቲቤና።

7 ጌዶ አቲን አዚ ታና፤ ሳኔ ሻራና፤ አቱማ ናካ ዬላና፤ ዬሌታና ናዚካ አዬይ ኡሎፔ ዶሚዲ ሃይቃና ጋካናሰ፤ ጸሳሰ ናዚራዌ ጌዲዛ ገሻሰ ወይኔ ጫጃ ወይኮ ማሶሲዛ ኡሹ ኡዮፓ፤ አይኮ ቱና ሚሺካ ሞፓ» ጌዴሰ» ጋዳ ዮታዱሰ።

8 ሄሳፌ ጉዬ ማኑሄይ፤ «አቤት ጎዳዉ! ሄ ናዚ ዬሌቲዛ ወዴ ኑ አይ ኦላናሰ ቤሲዛኮ ኤሪሳና ማላ ኔኒ ካሴ ከቲዳ ጸሳ አሰ ኑኮ ሰሚዲ ያና ማላ ኦላርኪ!» ጌዲ ጎዳ ጸሳ ዋሲዴሰ።

9 ጸሲካ ማኑሄ ዋሳ ሲዬዴሰ። ጸሳ ኪታንቻይካ ማጫሳያ ጋዴ ጌዶን ዲሺን ናሞአንላ አዚሰ ቤቲዴሰ፤ ጌዶ አቲን ሄ ወዴ አዚ አዚና ማኑሄይ አዚራ ዴና።

10 ማጫሳያ ኤሶን ባ አዚናኮ ባዳ፤ «ቤያ! ሄ ወዴ ታሰ ቤቲዳይሲ ሃኢካ ታሰ ቃሴካ ቆንጨዴሰ» ጋዱሰ።

11 ማኑሄይ ኡቲዳሶሆፔ ዴንዲ ኤቂዲ ባ ማቺዮ ካሊ ቢዲ አዴዚ ዲዛሶ ጋኪዲ፤ «ሄ ወዴ ታ ማቺይራ ሃሳይዳይ ኔኔ?» ጌዲ ኦይቺዴሰ። አዴዚካ፤ «ኤ ታናኮ!» ጌዴሰ።

12 ማኑሄይ፤ «ኔኒ ዮቲዳ ቃላይ ፖሌቲዛ ወዴ ሄ ዬሌቲዳ ናዚ ዴኦሰ ኮሺዛ ዋጋይኔ አዛሰ ሲንላፌ ዲዛ ሃልቾይ አዜ? ኑፔካ ኮዬቲዛዚ አዜ?» ጌዲ ኦይቺዴሰ።

13 ጎዳ ጸሳ ኪታንቻይ አዛሰ፤ «ኔ ማቺያ ታኒ ዮቲዳ ኡባ ናጌታ ፖሉ።

14 ወይኔ ሚላፌ ቤቲዛ አይ ሚሺካ ሙፑ፤ ወይኔ ጫጃ ወይኮ ማሶሲዛ ኡሹ ኡዮፑ፤ ቱኒዳ አይ ካሊካ ሙፑ፤ ታ አዚ አዛዚዳይሳ ኡባ ፖሉ» ጌ ዮቲዴሰ።

* 13:5 ናዚራዌ፡ ናዚራዌ ጉሲ ጸሳሰ ዲማቲዳዛ ወይኮ ጌሽ ጉሳ። 13:5 ታይ 6:1-5

15 ማኑሄይ ቃሴ ጎዳ ጸሳ ኪታንቻ፡ «ኑኒ ኔሰ ኢሲ ዬላጋ ዴሸ ሹኪዲ ጊሊናና ጋካናሰ ታካርኪ» ጊዴሰ።

16 ጎዳ ጸሳ ኪታንቻይ ዛሪዲ፡ «ኔ ታና ዋልቃን ታኪሲኮካ ኔ ሺሺዳ ቁማ ታ ሚኬ። ጊዶ ኣቲን ኔኒ ጸጌቲዛ ያርሾ ጊሊናና ኮይኮ፡ ጎዳሰ ያርሻ» ጊዴሰ። ኢዚ ጎዳ ጸሳ ኪታንቻ ጊዲዳይሳ ማኑሄይ ኤሪቤና።

17 ማኑሄይ ጎዳ ጸሳ ኪታንቻዛሰ፡ «ኔኒ ዮቲዳ ቃላይ ፖሌቲዛ ዋዴ፡ ኑ ኔሰ ጋላታ ሺሻና ማላ ኔ ሱንሊ ኦኔ?» ጊዴሰ።

18 ኪታንቻዚካ «ታ ሱንላይ ማላልሳ፤ ኔኒ ታ ሱንላ ኣይሰ ኣይቻይ?» ጊዲ ዛሪዴሰ።

19 ማኑሄይካ ሄ ዴይሻ ላቃኔ ካላ ያርሾ ኤኪዲ፡ ዛላ ቦላ ጎዳሰ ያርሺዴሰ፤ ማኑሄይኔ ኢዛ ማቼያ ጸሊሺን ጎዳይ ማላሊሲዛ ሚሽ ኦሊዴሰ።

20 ያርሾ ያርሺዛሶፔ ታማ ላጮይ ፑዴ ፖፖልኡ ጊሺን ጎዳ ጸሳ ኪታንቻይ ታማ ላጮዛ ጊዶራ ሳሎ ኬዚዴሰ። ማኑሄይኔ ኢዛ ማቼያ ሄሳ ቤኢዲ ሲንላ ጉሐ ጉፋኒዳ።

21 ጎዳ ጸሳ ኪታንቻይ ማኑሄሲኔ ኢዛ ማቼይሰ ናምኣንሶ ቆንጮንታ ኣጊዳ ጊሻሰ ኢዚ ጎዳ ኪታንቻ ጊዲዳይሳ ማኑሄይ ሄ ዋዴ ኤሪዴሰ።

22 ማኑሄይ ባ ማቼዮ፡ «ጸሳ ቤኢዳ ጊሻሰ ኑኒ ሃይቃናይሲ ጌሻ» ጊዴሰ።

23 ጊዶ ኣቲን ኢዛ ዛራዳ፡ «ጎዳይ ኑና ዋጳናሰ ኮዪዳኮ ጸጌቲዛ ያርሾዛኔ ካላ ያርሾዛ ኑ ኩሼፔ ኤኬና፤ ዋይኮ ሄ ኡባ ኑና ቤሴና፤ ዋይኮ ሃ ዮኦታ ኑሰ ዮቴና» ጋዲሰ።

24 ማጫሳያካ ኣቱማ ና ዬላዲሰ፤ ናዛ ሱንላካ ሳምሶኔ ጋዳ ሱንላዲሰ። ናዚ ዲጪዴሰ፤ ጎዳይካ ኢዛ ኣንጂዴሰ።

25 ኢዚ ጸራኣፔኔ ኤሽታኦሌፔ ጊዶን ዳኔ ጉታን ዲሺን ጎዳ ጸሳ ኣያናይ ኢዛ ዴንሔሶ ዶሚዴሰ።

14

ሳምሶኔይ ማቸ ኤኪዴሰ

1 ኢሲ ጋላሰ ሳምሶኔይ ቱሚና ጌቲቲዛሶ ዋጂዴሰ፤ ሄንካ ኢሲ ፊሊሰጾሚ ማጫ ናዮ ቤኢዴሰ።

2 ሶ ሲሚዲ ባ አዋኔ ባ አዮ፥ «ታኒ ቱሚናን ኢሲ ፊሊስጶሜ ማጫ ናዮ ቤኣዲስ፤ ሃኢ ኢዞ ታስ ኦይቲዲ ታና ኤኪሲቴ» ጊዴስ።

3 ኢዛ አዋይኔ ኣዬያ ኢዛ፥ «ሃ ቃጻሬቲ ኤርንታ ፊሊስጶሜ ዴሬ ባዳ ኢስታ ጊዶፌ ማቾ ኤካና ኔ ኮይዛይ ሃን ኦ ዴሬ ኣሳፔ ኔስ ማጫይ ጳይኔ?» ጊዳ።

ሳምሶኔይካ ባ አዋስ፥ «ታ ዋዚና ሚዲይ ኢዞ ጊዲዳ ጊሻስ ታና ኢዞ ኤኪሳ» ጊዴስ።

4 ፊሊስጶሜታ ኦላናስ ጎዳይ ጋሶ ኮዬዲ ሃይሳ ኢስታ ቦላ ኦሊዛይሳ ሳምሶኔ አዋይኔ ኣዬያ ኤሪቤቴና፤ ሄ ዋዴ ፊሊስጶሜቲ ኢስራኤል ኣሳ ሃሬቲስ።

5 ሄሳፌ ጉዬ ሳምሶኔይ ባ አዋራኔ ባ ኣዬይራ ዱጌ ቱሚና ዋይኔ ሚሊ ዲዛ ሄራ ጋኪሺን ኢሲ ዋዳላ ጋሞይ ጸጊሼ ኢዛ ቦላ ኬዚዴስ።

6 ጎዳ ኣያናይ ሳምሶኔ ቦላ ዋዲዲ ኢዛስ ዋልቃ ኢሚዴስ፤ ቁሪ ዴይሻ ላቃ ማላ ባ ኩሼን ኣይኮካ ኦይኮንታ ጋሞዛ ፔዴሬሊ ዩጊዴስ። ሄሳካ ባ አዋሲኔ ባ ኣዬይስ ዮቲቤና።

7 ሄሳፌ ጉዬ ዱጌ ናይኮ ቢዲ ኢዞ ሃሳይሲዴስ፤ ኬሂፔ ኢዞ ደሲዴስ።

8 ጉላ ዋዴፔ ጉዬ ኢዞ ኤካናስ ሲሚ ቢዴስ፤ ባ ዋዲዳ ጋሞዛ ኣሃ ቤኣናስ ኦጌፔ ሸርኢ ጊዲ ቢዛ ዋዴ ጋሞዛ ኣሃ ጊዶን ማሊ ኤስ ኤሲ ዲዛይሳ ቤኢዴስ።

9 ኤሳፌ ኣማርዳይሳ ካሺ ኤኪዲ ኦጌን ሚሼ ቢዴስ። ባ አዋኮኔ ባ ኣዬይኮ ጋኪዲ ባ ኦይኪዳ ኤሳፌ ኣማርዳይሳ ኢስታስ ኢሚን ኢስቲካ ሚዳ፤ ጊዶ ኣቲን ሳምሶኔይ ሄ ኤሳ ጋሞዛ ኣሃ ጊዶፌ ኤኪዳይሳ ኢስታስ ዮቲቤና።

10 ኢዛ አዋይ ናዮ ቤኣና ኢዚሶ ቢን ሳምሶኔይ ሄን ዲዛ ሚሺራቴላ ዋጋ ማላ ቡላቻ ጊግሲዴስ፤ ሄሲ ካሴሶፌ ሄ ዴራን ሎሴ ጊዲ ዲዛ ዋጋ።

11 ሄ ኣሳይ ኢዛ ቤኢዳ ዋዴ ኢዛ ካሳና ማላ 30 ናቴላ ናይታ ደሪዲ ዩዲዲ።

12 ሳምሶኔይ ኢስታስ፥ «ኣኔ ኢንቴ ኤሪዛኮኔ ኢሲ ማሌሶ ታኒ ኢንቴና ማሌሳይስ፤ ቡላቻ ባኣሌይ ቦንቹቲዛ ላፑን ጋላሳታ ጊዶን ሃ ማሌሶዛ ቢርሼላ ታስ ኢንቴ ዮቲዛ ጊዲኮ ታኒ ኢንቴስ 30 ላይኖ ቃሚሳታኔ 30 ኩሚላ ማይኦታ ኢማና።

13 ሄ ማሌሳ ቢርሼሊ ኢንቴና ጸኒኮ ኢንቴ ታስ 30 ላይኖ ቃሚሳታኔ 30 ኩሚላ ማይኦ ኢሚታ» ጊዴስ። ኢስቲ፥ «ኤር፥ ኔ ማሌሶዛ ኣኔ ኦስ ዮታ» ጊዳ።

14 ሳምሶኔይካ ኢስታስ፡ «ሚዛይሳፌ ማቴቲዛዚ ቤቲዴስ፡ ሚኖፔ ማልኦ ሚሺ ኬዚዴስ» ጌዴስ፡ ሄሻንሶ ጋላስ ጋካናስ ኢስቲ ኢዛ ማሌላ ቢርሼላ ኢማናስ ዳንዳይቤቴና፡

15 ኦይዳንሶ ጋላስ ኢስቲ ሳምሶኔ ማቺዮ፡ «እኔ ኔ ኬላዋ ጨማዳ ማሌላ ቢርሼላ ኢዚ ኑስ ዮታና ማላ ኦላ፤ ኔ ሂስቶንታ ኣጊኮ ኑኒ ኔናኔ ኔ ኣዋ ኬላ ታማን ጽጋና፤ ኢንቴ ኢንቴ ቡላቻስ ኑና ጸይጊዳይ ኑና ቦንቃናሴ?» ጌዴ፡

16 ሄሳ ጊሻስ ሳምሶኔ ማቺዮ ሂቂማ ዩካሼ ኢዛኮ ሸቃዳ፡ «ሄኮ ኔ ታና ሲቃካ ኬሃ ኢጸሳ! ኣይስ ጊኮ ኔኒ ታ ቢታ ኣሳ ማሌሶ ማሌላዳ ኢዛ ቢርሼላ ታስ ዮታቤካ» ጋዴስ፡ ኢዚ ዛሪዲ፡ «ሃራይ ኣቶሺን ሃይሳ ታኒ ታ ኣዋሲኔ ታ ኣዬይስካ ዮታቤኬ፤ ሂስቲን ኣይስ ኔስ ቢርሼላ ዮቶ?» ጌዴስ፡

17 ሄሳ ጋሶን ኢዛ ሚሺሬያ ቡላቻ ባኣሌይ ቦንቹቲዛ ላፑን ጋላሳታ ኡባን ዩካ ዩካዳ ሼምፖ ዲጊን ላፑንፋ ጋላስ ማሌላ ቢርሼላ ኢዚስ ዮቲዴስ፤ ኢዛካ ባዳ ባ ቢታ ኣሳስ ዮታዲስ፡

18 ላፑንፋ ጋላስ ኣርሼይ ዉላናፔ ካሴ ካታማ ኣሳይ ሳምሶኔስ፡ «ኤሳፌ ኣጂ ማልኢዛይ ጋሞፌ ኣጂ ሚኒዛይ ኣዜ?» ጌዴ፡ ሳምሶኔይ ኢስታስ፡ «ኢንቴ ታ ኡሳይን ጎዮንታኮ፡ ታ ማሌላ ቢርሼላ ኤሬኬታ» ጌዴስ፡

19 ሄሳፌ ጉዬ ጎዳ ኣያናይ ኢዛ ቦላ ዋጂዲ ኢዛስ ዋልቃ አሚዴስ፤ ኢዚካ ኣስቂሎና ቢታ ዋጂዲ 30 ኣስ ዋጂዴስ፤ ኢስታስ ዲዛ ኡባኔ ኢስታ ማይኦካ ቃሪ ኤኪዲ ማሌላ ቢርሼላ ኣሳታስ ኤሂዲ አሚዴስ፡ ሃኒዳ ኡባን ሃንቆ ሱሊዲ ባ ኣዋ ሶ ሲሚ ቢዴስ፡

20 ሳምሶኔ ማቺዮ ኢዛ ላጌታፔ ኢሳ ጌላዲስ፡

15

1 ጉሐ ታኪሺን ጊስቴ ማጻ ዋዴ ሳምሶኔይ ባ ማቺዮ ቤኣናስ ዴይሻ ላቃ ኤኪዲ ቢዴስ፤ ኢዚ ባ ማቺይ ኣዋስ፡ «ታኒ ታ ማቺያ ዲዛ ኪፊሌ ጌላና ኮያይስ» ጌዴስ፡ ኢዚ ጌሎንታ ማላ ኢዚ ኣዋይ ዲጊዴስ፡

2 ኢዚ ኣዋይ ሳምሶኔስ፡ «ኔኒ ኢዞ ኡባራ ኢጸዳ ሚሳቲን ታኒ ኢዞ ኔ ሚዜዛስ አማዲስ፤ ጌዶ ኣቲን ኢዚ ካሎያ ኢዚፔካ ኣፋ ሎኦ ጌዲዳ ጊሻስ ኢዞ ኤካ» ጌዴስ፡

3 ሳምሶኔይ ኢዛስ፡ «ሃይሳፌ ጉዬ ፊሊስጾሜ ቢታ ኣሳ ቦላ ታኒ ኢታ ሚሻ ኦሊኮ ሞራንቻ ጊዲኬ» ጌዴስ፡

4 ሄፔ ኬዚ ቢዲ 300 ዋራካናታ ኦይኪዳስ፤ 2 ዋራካናታ ጎይና ኢሲፌ ጋሊ ቃቺዲ ኢስታ ጎይናታፔ ጊዶን ዩጨቲዳ ጸምፔ ጌለሊ ቃቺዲ ዩዲዳስ።

5 ሄሳፌ ጉዬ ዩጨቲዳ ጸምፔዛን ታማ ኦይሊዲ ቡሮ ማጾቶንታ ዲዛ ፊሊሰጾሜ ኣሳ ካላ ጊዶ ዋራካናታ ዩዲዳስ፤ ማጾቲ ዶሬቲ ኡቲዳ ካላ፡ ኤቆን ዲዛ ካላ፡ ዋጋራኔ ዋይኔ ሚላ ኡባ ኣሾንታ ጸጊዳስ።

6 ፊሊሰጾሜቲ ባ ጋርሳን፡ «ሃይሳ ኦሊዳይ ኦኔ?» ጊዲ ኢሶይ ኢሳራ ኦይሼቲዲ ኢዛ ማቺያ ኢዛ ላጌታፔ ኢሳስ ኢሜቲዳ ቲሚና ዴሬ ኣሳ ቦሎ ሳምሶኔ ጊዲዳይሳ ኤሪዳ፤ ሄሳ ጊሻስ ፊሊሰጾሜ ኣሳይ ኬዚዲ ማጨሳዮኔ ኢዚ ኣዋ ታማን ጸጊዳ።

7 ሳምሶኔይ ኢስታስ፡ «ኢንቲ ሄሳ ኦሊዳ ጊሻስ ታኒ ሃሎ ኬሶንታ ኣጊኬ» ጊዳስ።

8 ኢስታ ቦላ ኢታ ሜቶ ጋሊዲ ዳርታ ዋጂዳስ፤ ሄሳፌ ጉዬ ቢዲ ኤጸሜ ጌቲቲዛሶን ዲዛ ዛላ ጎንጎሎ ጊዶ ጌሊ ኡቲዳስ።

ሳምሶኔይ ፊሊሰጾሜ ኣሳ ጸጊዳስ

9 ሄሳፌ ጉዬ ፊሊሰጾሜ ኣሳይ ዩዲ ዩሁዳን ዱንካኒዳስ፤ ለሃ ጌቲቲዛ ካታማ ዋራጂ ኦይኪዳስ።

10 ዩሁዳ ኣሳይ ኢስታስ፡ «ኣይስ ኦና ኦላናስ ዩዳቲ?» ጊዲ ኦይቺዳ። ኢስታስ፡ «ኦኒ ሳምሶኔ ኦይኪ ቃቻናሲኔ ኢዚ ኦ ቦላ ኦሊዳ ማላ ኢዛ ቦላ ኦላናስ ዩዳስ» ጊ ዛሪዳ።

11 ሄሳ ጊሻስ ዩሁዳፔ 300 ኣሳይ ኤጸሜ ጌቲቲዛሶን ዲዛ ዛላ ጎንጎሎ ጊዶ ቢዲ ሳምሶኔስ፡ «ኦና ሃሪዛይቲ ፊሊሰጾሜ ኣሳታ ጊዲዳይሳ ኔ ኤርኪ? ሂስቲን ሃይሳ ኦ ቦላ ኣይ ፓላ ሚሽ ኦላይ?» ጊዳ። ኢዚካ ዛሪዲ፡ «ኢስቲ ታ ቦላ ኦሊዳ ማላ ታኒካ ኢስታ ቦላ ኦላዲስ» ጊዳስ።

12 ኢስቲካ ቃሴካ፡ «ኦኒ ሃይሳ ዩዳይ ኔና ቃቺዲ ፊሊሰጾሜታስ ኣሊ ኢማናሳ» ጊዳ። ሳምሶኔይ ኢስታስ፡ «ኢንቲ ኢንቲ ባጋራ ታና ዋጅንታ ማላ ታስ ጫቂቲ» ጊዳስ።

13 ኢስቲ፡ «ኤኖ! ኦኒ ኔና ቃቺዲ ኢስታስ ኣሊ ኢማናፔ ኣቲን ዋጅኮ» ጊዲ ኢዛሰ ዛሪዳ። ሄሳፌ ጉዬ ናምኡ ኦራላ ዋዶሮን ቃቺዲ ሄ ጎንጎሎዛ ጊዶፌ ኢዛ ኬሲ ኤፊዳ።

14 ሳምሶኔይ ለሃ ቢዲ ዋዳ ፊሊሰጾሜ ኣሳቲ ዋጫሚዲ ኢዛራ ጋይታናስ ዩዳ፤ ጎዳ ኢያናይ ኢዛ ቦላ ዋጂዲ ኢዛሰ ዋልቃ ኢሚዳስ፤ ኢዛ ኩሼ ቃቺ ዋሊዳ ዋዶሮዚካ ታማን ጌሊዳ ሻሎ ማላ ዱጾሬቲ ዋጂዳስ።

15 ሂስቲዲ ማታ ዋዴ ሃይቂዳ ኢሲ ሃሬ ባንቂላ ዴሚ ኤኪዲ ኢዛን 1,000 ኣሰ ዋዲደስ።

16 ሳምሶኔይ፡

«ኢሲ ሃሬ ባንቂላን 1,000 ኣሰ ወርሲዳይ፡

ኣሃ ኣሃ ቦላ ዶሪዳይ

ታና ሳምሶኔ» ጊ ጌሬሪደስ።

17 ሄሳፌ ባ ኦይኪዳ ባንቂላዛ ኩሼፔ ዋራ ኦሊደስ፤ ሄ ሶሆዛ፡ «ኣራማቴሜ-ሌሃ» ጊ ሱንሊደስ።*

18 ሄሳፌ ጉዬ ሳምሶኔይ ኬሂ ሳሜቲደስ፤ ሄሳ ጊሻሰ ጎዳስ፡ «ኔኒ ሃይሳ ማላ ጊታ ጸኖ ታሰ ኔ ኣይሌዛስ ኢማዳሳ፡ ሂስቲን ታኒ ሃኢ ሳሞን ሃይቆ? ቃሴ ሃ ቃጻሬቶንታይታ ኩሼን ኩንዶ?» ጊ ዋሲደስ።

19 ጸሲ ሌሃን ዲዛ ቢታ ጳልቂን ኢዛፔ ሃሊ ኬዚደስ፡ ሳምሶኔይ ሄ ሃላፌ ኡዪዲ ኣሊዳ ጊሻሰ ኢዛሰ ሼምፖይ ሲሚደስ። ሄሳ ጊሻሰ ሄ ሶሆዛ፡ «ኤን-ሃቆሬ» ጊ ሱንሊደስ። ሄሲ ሃቶ ጋካናሰ ሌሃን ደስ። †

20 ፊሊስጾሜ ኣሳይ ቢታ ሃሪዛ ዋዴ ሳምሶኔይ ኢሰራኤሌ ኣሳ ቦላ ናምኡ ታሙ ላይሰ ዳናቲደስ።

16

ሳምሶኔይ ጋዛን ኦሊዳ ኦሶ

1 ኢሲ ጋላሰ ሳምሶኔይ ጋዛ ጊዛ ፊሊስጾሜታ ካታማ ቢደስ፤ ሄን ኢሲ ላይማ ማጫሲዮ ቤኢዲ ኢዚራ ኣቃናሰ ኢዚሶ ጌሊደስ።

2 ጋዛ ካታማን ዲዛ ኣሳይ ሳምሶኔይ ኢሰታ ካታማ ዪዳይሳ ሲዪዳ፤ ሂስቲዲ ካታማ ዩዪ ኣዲዲ ኦማርሰ ኩሜሰ ካታማ ፔንጌ ናጊሼ ኣቂዳ፤ «ሳኣይ ዋንታና ጋካናሰ ናጊዲ ኦኒ ኢዛ ዋቆና» ጊዲ ኦማርሰ ኩሜሰ ዛማዲ ኣቂዳ።

3 ጊዶ ኣቲን ሳምሶኔይ ሄን ዚንኢዳይ ጊዲ ጊዶሰ ጋካናሰ ጸላ፤ ጊዲ ጊዶሰ ዲሰኮሬ ዴንዲዲ ካታማ ጊምቤዛ ፔንጌ ሳንቃ፡ ቆሬ፡ ቆሲላላኔ ጎርዲዛ ኮላታታራ ኢሲፌ ሾዲ ቶኪ ኤኪዲ ኬብርኔፔ ሲንፋ ባጋራ ዲዛ ዙማ ሁኤ ኬዚደስ።

ሳምሶኔይ ዳሊላ

* 15:17 ኣራማቴሜ-ሌሃ፡ ኣራማቴሜ-ሌሃ ጉሲ ኢብራዊታ ቃላራ፡ «ባንቂላ ዙምቡላ» ጉሳ። † 15:19 ኤን-ሃቆሬ፡ ኣይኒ-ሃቆሬ ጉሲ ኢብራዊታ ቃላራ ጴይጊዛይሳ ፑልቶ ጉሳ።

4 ሄሳፌ ጉዬ ሳምሶኔይ ሶሬቄ ሾባን ዲዛ ኢሲ ዳሊሎ ጌቴተዛ ማጫሳዮ ደሲዴሰ።

5 ሄሳ ጊሻሰ ፊሊስጶሜታ ሃላቃቲ ኢዚኮ ዪዲ፡ «ኔኒ ኢዛ ጨማዳ፡ ሄ ዋልቃ ኡባ ኣዛፔ ኢዚ ዳሚዳኮኔ ቃሴ ኑኒ ኢዛ ዋሰቲ ጸኒዲ ቃቻናሰ ዳንዳይዛኮ ኦይቻ፤ ኑኒ ኢሶይ ኢሶይ ኔሰ 1,100 ሳቂሌ ቢራ ኢማና» ጊዳ።

6 ሄሳ ጊሻሰ ዳሊላይ ሳምሶኔሰ፡ «ሃይሳ ከና ዋልቃ ኔኒ ኣዋፔ ዳሚዳኮ ዋዜ ኔና ታሰ ዮታርኪ! ኢሲ ኣሲ ኔና ዋሰቲ ቃቺዳኮ ኔ ዳቡራኔ?» ጋዱሰ።

7 ሳምሶኔይ፡ «ኣሲ ታና ላፑን ኢርጸ ዳፎታን ቃቺኮ ዳቡራዳ ሃራ ኣይ ኣሳ ማላካ ዋልቃይ ባይንዳዴ ጊዳና» ጊ ዛሪዴሰ።

8 ሄሳፌ ጉዬ ፊሊስጶሜታ ሃላቃቲ ዳሊላሰ ላፑን ኢርጸ ዳፎታ ኤሂዳ፤ ኢዛንካ ሳምሶኔ ቃቻዱሰ።

9 ፊሊስጶሜ ኣሳታ ባ ቆልኣን ቆታ ዋላዳ፡ «ሳምሶኔ! ፊሊስጶሜ ኣሳቲ ኔ ቦላ ጋኪዳ» ጋ ዪይጋዱሰ፤ ጊዶ ኣቲን ታማይ ሻሎ ሚዛ ማላ ዳፎታ ዱሴሬሊ ዬጊዴሰ፤ ሄሳ ጊሻሰ ሄ ዋልቃዚ ኢዛሰ ኣዋ ባጋን ዲዛኮ ኤራናሰ ዳንዳይቤቴና።

10 ሄሳ ጊሻሰ ዳሊላይ ሳምሶኔሰ፡ «ሄኮ ኔኒ ታናን ካኣሳ፤ ኔኒ ታሰ ዋርዶ ዮታዳሳ። ሃኢካ ኔና ዋሰቲ ቃቺ ዳንዳያናኮ ዋዜ ኔና ታሰ ዮታርኪ!» ጋዱሰ።

11 ሂሰቲን ኢዚ ኢዞ፡ «ኣሲ ጎኤቲቤና ኦራላ ዋዶሮን ታና ቃቺኮ ዳቡራዳ ሃራ ኣሳ ማላ ዋልቃይ ባይንዳዴ ጊዳና» ጊዴሰ።

12 ዳሊላይ ኦራላ ዋዶሮ ኤካዳ ሳምሶኔ ቃቻዱሰ። ኢዚሰ ቆልኣ ጊዶን ናጌቲዛ ፊሊስጶሜ ኣሳታ ዋላዳ፡ «ሳምሶኔ! ፊሊስጶሜ ኣሳቲ ኔ ቦላ ጋኪዳ» ጋዱሰ። ኢዚ ጊዲኮ ዋዶሮዛ ሻሎ ዱሴሬሊዛ ማላ ባ ቄሴፔ ዱሴሬሊ ዬጊዴሰ።

13 ቃሴካ፡ ዳሊላይ ሳምሶኔሰ፡ «ሃኖ ጋካናሰ ኔ ታና ኤያ ሂሰታዳ ታሰ ዋርዶ ዮታዳሳ። ሃኢካ ኔና ዋሰቲ ቃቺ ዳንዳያናኮ ዋዜ ኔና ታሰ ዮታርኪ!» ጋዱሰ።

ሂሰቲን ሳምሶኔይ ኢዚሰ፡ «ታ ሁኤ ላፑን ዳላታ ቃጨናራ ጋላ ዳዳዳ ዲሽኬን ቢታራ ጋላ ዲሽኪኮ ሃራ ኣሳ ማላ ታኒ ዋልቃይ ባይንዳዴ ጊዳና» ጊዴሰ።

14 ሄሳፌ ጉዬ ሳምሶኔይ ዲሰኪን ዳሊላይ ኢዛ ሁኤ ላፑን ዳላታ ቃጨናራ ጋላ ዳዳዳ ዲሽኬን ኣላ ዲሽካዱሰ። ሂሰታዳ፡ «ሳምሶኔ! ፊሊስጶሜ ኣሳቲ ኔ ቦላ ጋኪዳ» ጋዱሰ፤ ኢዚ ጊዲኮ ዲሰኮፌ ዳጋሚ ዳንዲዲ ባ ሁኤ ቢናናዛ ዲሽኬዛፔኔ ዋታራ ዋዶሮታፔ ሾዲ ኤኪዴሰ።

15 ሄሳ ጊሻስ ኢዛ፡ «ኔ ታና አማናካሺን ዋናዳ ኔ፡ ታ ኔና ሲቃዲሰ፡ ጋይ? ኔ ታና ሃይሳራ ሄዡቶ ባሌፋዳሳ፡ ሃይሳ ማላ ዋልቃይ ኔ አሳቴላ ቦላ አዋ ባጋን ዲዛኮ ታስ ዮታቤካ» ጋዱሰ፡

16 ኢዚ ሃይቆ አዋታና ጋካናሰ ዋንቲን ዋንቲን ኦይሾን ሾምፖ ጳይሳዱሰ፡

17 ሄሳ ጊሻስ ሳምሶኔይ ኢዚሰ፡ «ታ አይይ ኡሎፔ ዶሚን ታኒ ጸሳስ ናዚራዌ ጊዲዳ ጊሻስ ታ ሁኤ ቢናናይ ሜዴቲ ኤሬና፡ ታ ሁኤ ቢናናይ ሜዴቲኮ ታ ዋልቃይ ታፔ ጳይን ታኒ ሃራ አሳ ማላ ዋልቃይ ባይንዳዴ ጊዳና» ጊዲ ባ ዋዚናን ዲዛይሳ ኡባ ኢዚሰ ዮቲዴሰ፡

18 ባ ዋዚናን ዲዛይሳ ኡባ ኢዚ ዮቲዳይሳ ዳሊላይ ሻካ ኤራዳ፡ «ባ ዋዚናን ዲዛይሳ ኡባ ታስ ዮቲዳ ጊሻስ አኔ ኢሲቶ ሲሚዲ ዪቴ» ጋዳ ፊሊሰጾሜታ ሃላቃታስ ኪታ ዬዳዱሰ፤ ኢሰቲካ ካሴ ኢዚሰ አማና ጊዳ ቢራ ኤኪዲ ኢዚኮ ዪዳ፡

19 ዳሊላይ ሳምሶኔ ባ ዋዲራ ቦላ ጳሰከሳዱሰ፤ ኢሲ አሰ ጴይጋ ኤሃዳ ኢዛ ሁኤ ላፑን ዳላታ ሜዲሳዱሰ፤ ኢዛ ዋልቃይካ ኢዛፔ ጳይዴሰ፤ ሃሳፌ ጉዬ ኢዛ ካዉሾ ኦይካዱሰ፤

20 ሃሳፌ ጉዬ፡ «ሳምሶኔ! ፊሊሰጾሜ አሳቲ ኔ ቦላ ጋኪዳ!» ጋዱሰ፤ ሂሰቲን ጳሰኮፌ ዳጋሚ ዴንዲዲ ካሴይሳላ ኦላና ጊ ቆፒዴሰ፤ ጊዳ አቲን ጎዳይ ኢዛፔ ሻኬቲቾይሳ ኢዚ ኤሪቤና፡

21 ፊሊሰጾሜቲ ኢዛ ኦይኪዳፔ ጉዬ ናምኡ አይፌታ ዋጪ ኬሲዲ ጋዛ ካታማ ኤፊዳ፤ ጸርቂማላ ሳንሳላታን ኢዛ ቃቺዳ፤ ሄን ቃሾ ኬላን ዲሼ ካላ ጋጫና ማላ ኦሊዳ፡

22 ኢሰቲ ኢዛ ሁኤ ቢናና ሜዲዳፔ ጉዬ ቢናናይ ሲሚ ሞኮ ዶሚዴሰ፡

ሳምሶኔ ሃይቆ

23 ፊሊሰጾሜታ ሃላቃቲ፡ «ኦ ጸሳይ ኦ ሞርኬዛ ሳምሶኔ ኦ ኩሼን አሊ ኢሚዴሰ» ጊዲ ባንታ ጸሳ ዳጎኔሰ ጊታ ያርሾ ያርሻናሲኔ ኡፋዬታናሰ ኢሲ ቦላ ሺቂዳ፡

24 አሳይ ኡባይ ኢዛ ቤይዳ ዎዴ፡ «ኦ ቢታ ጳይሲዳ፡ ኦ አሳፔ ዳርታ ዎዴዳ ኦ ሞርኬዛ ኦ ጸሳይ ኦ ኩሼን አሊ ኢሚዴሰ» ጊዲ ባንታ ጸሳ ጋላቲዳ፡

25 ኢሰቲ ኬሂ ኡፋዬቲዳ ጊሻስ፡ «ኢዛ ቦላ ኦ ሚጪ ካኣና ማላ ሳምሶኔ ሃ ኤኪ ዪቴ» ጊዳ፤ ሂሰቲን ሳምሶኔ ቃሾ ኬላፌ ጴይጊዲ ኤሂን ኢዚ ኢሰታ ሲንላን ካኢዴሰ፤ ካኢዳፔ ጉዬ ኢዛ ናምኡ ቱሳታ ጊዶን ኤሲዳ፡

26 ሳምሶኔይ ኢዛ ኩሼ ኦይኪዲ ካሌሊዛ ናዛ፡ «ታኒ ኢስታን ዘምፓዳ ኤቃና ማላ ኬላ ቶኪዳ ቱሳታ ታና ኦይላ» ገደሰ።

27 ኬላ ገደን ኣዳይኔ ማጫይ ኩሚ ኡቲደስ፤ ቃሴ ፊሊስጾሜታ ሃላቃቲ ኡባቲካ ሄን ዳቲስ። ሳምሶኔይ ካኢሺን ቦላ ፖቄ ቦላ ኡቲ ጸሊዛ 3,000 ገዲዛ ኣዳይኔ ማጫይ ደሰ።

28 ሄ ዎዴ ሳምሶኔይ ጎዳ ዎሲዲ፡ «ኣቤት ኡባ ሃሪዛ ጎዳዉ! ሃኢ ታና ቆፓርኪ! ኣቤት ጸሳዉ፡ ፊሊስጾሜቲ ታ ኣይፌ ናምኣታ ዎጪ ኬሲዳይሳ ሃሎ ታኒ ኬሳና ማላ ሃኢ ታና ኢሲቶ ሚንሳርኪ!» ገደሰ።

29 ሳምሶኔይ ኬላ ቶኪ ኦይኪዲ ገደ ቱሳታ ናምኣካ ኦይኪደስ፤ ኢሳ ኡሻቻ ኩሼን፡ ኢሳ ሃዲርሳ ኩሼን ኦይኪዳፒ ጉዬ፡

30 «ኣኔ ታ ሽምፖይ ፊሊስጾሜታራ ኢሲፌ ቆዮ!» ገዲ ዎሲደስ፤ ባስ ዲዛ ዎልቃ ኡባን ቱሳታ ሱጊን ኬላይ ሃላቃታ ቦላኔ ገደን ዲዛ ኣሳ ኡባ ቦላ ኩንዲደስ። ሳምሶኔይ ሃይቂሽ ዎዲዳ ኣሳይ ኢዚ ፓጾ ዲሺ ዎዲዳ ኣሳፔ ዳሪደስ።

31 ሄሳ ገሻስ ኢዛ ኢሻቲኔ ኢዛ ዳቦቲ ኡባይ ዪዲ ኢዛ ኣሃ ኤፊዳ፤ ጸራኣ ካታማፔኔ ኤሽታኦሌ ካታማፔ ገደን ኢዛ ኣዎ ማኑሄ ዱፎን ዎጊዳ። ሳምሶኔይ ናምኡ ታሙ ላይላ ኩሜላ ኢስራኤሌ ዳራ ቦላ ዳናቲደስ።

17

ሚኪያሲ ኦሲሲዳ ኤቃ ጸሳታ ሚስሌ

1 ኤፍሬሜን ቦላ ጌዜን ሚኪያሳ ጌቲቲዛ ኢሳደይ ደሰ።

2 ኢሲ ጋላስ ሚኪያሲ ባ ኣዮ፡ «ኔፔ ኢሲ ኣሲ 1,100 ሳቂሌ ቢራ ካይሶቲዳ ዎዴ ኔኒ ሄ ካይሶቲዳ ቢታኔዛ ቃንጊሺን ታኒ ሲያዲስ። ቤያ! ሄ ሚሻይ ታ ኣቻን ደስ፤ ታ ኤካዲስ» ገደሰ። ኢዛ ኣዬያ፡ «ታ ናዞ ኔና ጸሲ ኣንጆ!» ጋዱስ።

3 ናዚ 1,100 ሳቂሌ ቢራ ባ ኣዬይስ ዛሪደስ፤ ኢዛ ኣዬያ፡ «ታኒ ታ ናዞ ገሻስ ጸሳስ ዱማሳና፤ ሄ ቢራራ ሚላፌ ኦሴቲዲ ቢራን ሜሼቲዳ ኤቃ ጸስ ሜዴቶ፤ ታኒ ዛራዳ ኔስ ኢማና» ጋዱስ።

4 ናዚ ባ ኣዬይስ ሚሻ ዛሪን ኢዛ ኣዬያ ሄ ቢራፔ 200 ሳቂሌ ቢራ ኤካዳ ሚላ ማሲዲ ቢራን ቲዬ ቲይዲ ኤቃ ሚስሌ ሜዲዛ ኢሲ ሂላዛስ ኢማዱስ፤ ሄ ኦሴቲዳ ኤቃ ጸሳ ሚስሌዚ ሚኪያሳ ሶን ኡቲደስ።

5 ሚኪያሲካ ኤቃስ ጎይኒዛሶይ ዳስ፤ እዚ ኤፋዴኔ ቲራፊሚ
* እሊዲ ባ ናይታፔ ኢሳ ቄሴ ጊዲ ኦፋና ማላ ዶሪዳስ።

6 ሄ ዎዴ እስራኤል ቢታን ካዎይ ባይንዳ ጊሻስ ኣሲ ባና
ሎኢዳ ማላ ሃኔስ።

7 ሄ ዎዴ ዩሁዳ ቢታን ቤቴሊሄሜ ካታማን ዲዛ ሌዌ ባጋፊ
ጊዲዳ እሲ ናቴላ ኣሲ ዳስ።

8 እዛዳይካ ባስ ዳናሶ ኮያናስ ቤቴሊሄሜ ካታማፔ ዴንዲ
ቢዳስ፤ እዚካ ኤፍሬሚ ዳሬን ቦላ ዙንቡላን ዲዛ ሚኪያሳ ሶ
ጋኪዳስ።

9 ሚኪያሲ እዛስ፡ «ኔ ኣዋፔ ያዲ?» ጊ ኦይቹዳስ። እዚካ
ዛሪዲ፡ «ታኒ ዩሁዳ ዳሬን ዲዛ ቤቴሊሄሜ ካታማፔ ያዲስ፤ ታ
ቆዋይ ሌዌ። ሃኢ ታኒ ታስ ዲሳሶ ኮያይስ» ጊዳስ።

10 ሚኪያሲ እዛስ፡ «ታናራ ዳኣ፤ ታና ዞሪዛዴኔ ቄሴ ጊዳ።
ታኒ ኔስ ላይላን ላይላን 10 ሳቂሌ ቢራ፡ ኩሜላ ማይኦኔ ሚዛ
ካል ኢማና» ጊዳስ።

11 ሄ ሌዌ ናቴላዚ ሚኪያሳራ እሲፊ ዳኣናስ ቆፋ ቃቹዳስ፤
እዚካ ሚኪያሳስ ዩሎ ማላ ሃኒዳስ።

12 ሚኪያሲ እዛ ባ ቄሴ ሂስቲዲ ሱንሊን እዛ ሶን ዳኢዳስ።

13 ሚኪያሲካ፡ «ታ ሌዌ ቆዋፊ ቄሴ ዳሚዳ ጊሻስ ታስ ኡባ
ሚሽ ጸሲ ሎኤላናይሳ ሃኢ ታ ኤራዲስ» ጊዳስ።

18

1 ዳዊቲ ሳኦሌራ ሃሳዬቲ ጊጊዳ ማላ ዮናታኔይ ዳዊቲስ ሸምፖ
ላጌ ጊዲዳስ፤ ባ ሁኤ ማላ እዛ ሲቂዳስ።

2 ሄ ጋላሳፊ ዶሚዲ ሳኦሊ ዳዊቲ ባናራ ዎሊዳስ ኣቲን ጌዴ
እዛ ኣዋ ሶ እዛ ዩዲቤና። ኢስቲካ ኤፍሬሚ ዳሬን ሻራ ሜንሶ
ቦላ ዲዛ ሚኪያሳ ሶ ጋኪ ኣቂዳ።

3 ዮናታኔይ ዳዊቲ ባና ማላ ሲቂዳ ጊሻስ እዛራ ጫቂቲዳስ።

4 ዮናታኔይ ባ ማይኢዳ ካባዛ ኬሲዲ ኦላ ማይኦዛ፤ ጊላ
ማሻ፡ ዎንዳፊዛኔ ዳንጮዛ ኢሚዳስ።

5 ሳኦሊ ከቲዳሶ ኣዋንካ ዳዊቲ ባ ከቲቲዳይሳ ቤሲዳ ማላ
ፖሊዛ ጊሻስ ባ ኦላንቻታ ቦላ ሹሚዳስ፤ ሄሲ ዴራ ኡባኔ ሳኦሊ
ኦላ ሹሜታ ኡፋይሲዳስ።

ዳዊቲ ቦላ ሳኦሊ ሚቃይኔቴስ

* 17:5 ቲራፊሚ፡ ቲራፊሚ ጊዛይሳ እሲ እሲ ጌሻ ማጻፋ ቢርሼላቲ ኤቃ ጸሳታ ጊ
ቢርሼቲስ። 17:6 ዳና 21:25

6 ዳዊት ፊሊስጶሜ አዳዛ ዋዲዳ፤ ገዬ አሳይ ባሶ ባሶ ሲሚሽን ማጫሳቲ ካራቤኔ ማሲንቆ ኦይኪዲ ዩዲሼ፣ ካኢሼ፣ ኢሊሊሼ ካዋ ሞካናሰ ኢሰራኤል ካታማታ ኡባፌ ኬዚዳ።

7 ማጫሳቲካ ሶርሼኔ ኤዲሼ፣

«ሳኦሊ ሺ ዋዲዳሰ፤

ዳዊት ጊዲኮ

ታሙ ሺ ዋዲዳሰ» ጊ ዩዲዳ።

8 ሃይሲ ሃ ሃኖዚ ኢዛ ኡፋይሶንታ ጊሻሰ ሳኦሊ ኬሂ ሃንቁቲዳሰ፤ ኢዚካ፣ «ዳዊቱሰ ታሙ ሺ፣ ታሰ ሺ ጸላ! ጊዳ። ሂሰቲን ኢዛሰ ካዋቱላፌ ኣቲን ኣዚ ኣቲዳ!» ጊዳሰ።

9 ሄ ጋላሳፌ ሃ ሲሚን ሳኦሊ ዳዊቱ ሚቃይኔቱላ ኣይፊን ጸሎ ደሚዳሰ።

10 ዋንቱላ ጋላሰ ጸላፌ ኣዛዜቲዳ ኢታ ኣያና ዋልቃይ ሳኦሊ ቦላ ዋዲዳሰ፤ ሄ ዋዴ ዳዊት ካሴ ኦሊዛይሳላ ባጋና ሾጪሽን ሳኦሊ ባሶን ኡቲዲ ቲንቢቲ ሃሳዬሰ፤ ሳኦሊ ቶራ ባ ኩሼን ኦይኪ ኡቲዳሰ፤

11 ኢዚካ፣ «ዳዊቱ ጎዳራ ኦይሴላ ጋና» ጊ ቆፒዲ ቶራዛ ኢዛ ቦላ ጸንጊዳሰ፤ ጊዶ ኣቲን ዳዊቱ ናሞኡቶ ኢዛ ሲንላፌ ሸርኢ ጊዳሰ።

12 ዩሁዳ ቢታን ዲዛ ቂሪያቴ-ዪኣሪሚ ጌቲቲዛ ካታማፔ ኣርሼይ ወሊዛ ባጋራ ዲንካኒዳ፤ ሄሳ ጊሻሰ ሄ ሶሆይ ሃቶ ጋካናሰ ዳኔ ሞላ ጌቲቲሰ።

13 ሄሳፌ ዴንዲዲ ኤፍሬሚ ዴሬን ዙሞቡላ ቦላ ዲዛ ሚኪያሳ ሶ ዪዳ።

14 ላይሻ ቢታ ጸሞሳናሰ ቢዳ ኢቻሹ ኣሳቲ ባንታ ኢሻታሰ፣ «ሃ ኬላታፔ ኢሳን ኡፋዴ፣ ቲራፊሚ፣ ሚላፌ ማሴቲዳ ሚሰሌኔ ሴሪሲ ሜዲዳ ኤቃ ጸሲ ዲዛይሳ ኤሬቲ? ሂሰቲኮ ኦ ኣይ ኦላናሰ ቤሲዛኮ ኣኔ ቆፒቲ» ጊዳ።

15 ኦጌፔ ሲሚዲ ለዌ ዛሬ ጊዲዳ ዩላጋ ቄሴይ ዲዛ ሚኪያሳ ሶ ቢዲ ኢዛ ሳርኪዳ።

16 ሄ ዋዴ ዳኔ ቆሞፊ ኦላሰ ጊጌቲ ዪዳ 600 ኣሳይ ጊቤ ጌሊዛ ፔንጌን ኤቂዳሰ።

17 ቄሴዚ ኢሰታራ ጊቤ ፔንጌን ኤቆን ዲሺን ቢታ ጸሞሲዳ 5 ኣሳቲ ሚኪያሳ ሶ ጌሊዲ፣ ኤፋዴ፣ ቲራፊሚ፣ ሚላፌ ማሴቲዳ ሚሰሌኔ ሴሪሲ ሜዲዳ ኤቃ ጸሳ ኤኪዳ።

18 ኢሰቲ ኤኪ ቢሺን ቄሴዚ ኢሰታሰ፣ «ዋሰቲቲ?» ጊዳሰ።

19 ኢሰቲ ኢዛሰ፣ «ጮኡ ጋ! ኢሲ ቃላካ ቃቶፋ! ኦናራ ባዳ ኦሰ ቄሴኔ ኦና ዞሪዛዴ ጊዳ። ኢሲ ኬላ ኣሳሰ ቄሴ ጊዳናፔ

ኢስራኤል ዳራ ጋርሳፊ ኢሲ ቆሞሲኔ ኢሲ ዛርኬስ ኔ ቄሴ ጊዲኮ ኔስ ሎኤኔ?» ጊዳ።

20 ሂስቲን ቄሴዚ ኡፋዬቲዲ ኤፋዴ፥ ቲራፊሙ፥ ሚላፊ ማሴቲዳ ሚሰሌኔ ሰሪሲ ሜዲዳ ኤቃ ጸሳ ኤኪዲ ዳሬዛራ ኢሲፊ ቢዳስ።

21 ሂሳፊ ዳንዲዲ ባንታ ናይታ፥ ባንታ ሜሄኔ ባንታስ ዲዛይሳ ሲንሐ ኣሊ ኤኪ ካሴ ባ ዪዳሶ ጉዬ ሲሚ ቢዳ።

22 ኢስቲ ሚኪያሳ ኬላፊ ሃኪዲ ቢዳፔ ጉዬ ሚኪያሲ ባ ሾርን ዲዛ ኣሳታ ጸይጊን ኦላስ ኬዚዳ፤ ዳኔ ኣሳታ ካሊዲ ጋኪዳ።

23 ሂስቲዲ ኢስቲ ጉዬራ ዋሲዳ፤ ዳኔ ቆሞፊ ዪዳ ኣሳቲ ጉዬ ሲሚዲ ሚኪያሳ፥ «ዋናዲ? ሃ ኣሳ ኡባ ኣይሰ ሺሻዲ?» ጊ ኦይቺዳ።

24 ሚኪያሲ ዛሪዲ፥ «ታኒ ሜዲዳ ኤቃ ጸሳታኔ ታስ ኦሊዛ ቄሴዛ ኢንቲ ቦንቄ ኤኪቺን ታስ ሃራይ ኣዜ ኣቲዳይ? ሂስቲን ኢንቲ ታና፥ «ዋናዲ?» ጌቲ?» ጊዳስ።

25 ዳኔ ቆሞፊ ዪዳ ኦላ ኣሳቲ፥ «ኢሲ ቃላ ቃታዳ ኔና ኤራ! ሃይሳ ዪሎቲ ኡቲዳ ኣሳ ኔ ዳንፊሊኮ፥ ኢስቲ ኔ ቦላ ዳንዳናኔ ኔ ሶ ኣሳ ኡባ ወርሳና» ጊዳ።

26 ሂሳፊ ጉዬ ዳኔ ቆሞፊ ዪዳ ኣሳቲ ባንታ ኦኔ ቢዳ። ሚኪያሲካ ኢስታራ ኤቄታናስ ዳንዳዮንታይሳ ኤሪዲ ባ ሶ ጉዬ ሲሚ ቢዳስ።

27 ዳኔ ቆሞፊ ዪዳ ኣሳቲ ሚኪያሲ ሜዲዳ ጸሳታኔ ኢዛ ቄሴዛ ኤኪዲ ላይሻ ካታማን ኦናካ ሲጵንታ ሳር ዲዛ ኣሳታኮ ቢዳ፤ ሄ ካታማን ዲዛ ኡባ ጊላ ማሻን ሱፑ ሂስቲ ዋዲዳ፤ ካታማዮካ ታማን ጸጊዳ።

28 ላይሻ ካታማይ ሲዶና ካታማፔ ሃኪ ዲዛ ጊሻሲኔ ኣሳይ ሃራ ኣሳራ ጋይቲ ኤርንታ ጊሻስ ኢስታ ኣሺዛ ኣሲ ኦኒካ ቤቲቤና፤ ላይሻ ካታማይ ቤቲ-ራሆቤ ማታን ዲዛ ዙሌን ዳስ። ዳኔ ቆሞቲ ካታማ ዛሪ ኦሊዲ ባስ ዱሳሶ ኬሲዳ።

29 ሄ ካታማይሲ ካሴ ላይሻ ጌቲቲዛ ሱንላ ላሚዲ ያቆቤ ናይታፔ ኢሳ ሱንላን፥ «ዳኔ» ጊ ሱንሊዳ።

30 ዳኔ ቆሞቲ ባስ ጎይናናስ ኤቃ ጸሳታ ኤሲዳ፤ ሙሴ ና ጌርሾሜፔ ዬሌቲዳ ዮናታኔ ባንታ ቄሴ ኦሊዳ። ኢዛ ዛሬቲ ኣሳይ ዲኢቲ ቢዳ ዋዴ ጋካናስ ኢስታስ ቄሴ ጊዲዳ።

31 ሂሳ ማላን ሃኒዲ ጸሳ ዱንካኔይ ሴሎን ዳኢዳ ላይላታን ኡባን ሚኪያሲ ኦሊዳ ኤቃ ጸሳ ሚሰሌዚ ሄን ጋሞኢዳስ።

19

ኢሲ ሌዌ ቆሞዛኔ ኢዛ ላጌሶዮ

¹ ኢሲራኤል ቢታን ካሴ ካዎይ ካዎቶንታ ዎዴ ኤፍሬሜን ዙሞቡላ ቦላ ሃሆን ሌዌ ቆሞታፔ ኢሳዴይ ዴሰ። ሄ ኣዴዚ ዩሁዳ ቢታን ቤቴሊሄሜ ካታማፔ ባ ላጌሶዮ ኢሲ ማጫሳዮ ኤኪ ዩዴሰ።

² ጊዶ እቲን ኢዛ ኢዛራ ኦዩታዳ * ዩሁዳ ቢታን ቤቴሊሄሜ ካታማን ዲዛ ባ ኣዎ ሶ ባዳ ሄን ኦይዱ ኣገና ኡታዱሰ።

³ ኢዚ ላጌሶዮ ኢዙ ዮቲ ኣማንሳዲ ዛሪ ኤኪ ያናሰ ቆፋ ቃቺዴሰ፤ ቢሼ ባ ኣይሌኔ ናሞኡ ሃሬታ ኤኪዲ ቢዴሰ፤ ኢዛ ሞካ ኤካዳ ባ ኣዎ ሶ ጌልላዲሰ፤ ኢዚ ኣዎይ ኢዛ ቤኢዲ ኡፋይሳን ሞኪ ኤኪዴሰ።

⁴ ናዩ ኣዎይ ኢዚ ሄን ታካና ማላ ዎሲን ኣዴዚ ሚሼኔ ኡዩሼ 3 ጋላሰ ሄን ታኪዴሰ።

⁵ ኦይዳንሶ ጋላሰ ማላዶ ዎንታራ ዴንዲ ባናሰ ጊጌቲዳ፤ ጊዶ እቲን ናይ ኣዎይ ባ ናይ ላጌሶዮ፤ «ኔ ዳቡሮንታ ማላ ኣይኮ ዶናን ጌልላዳ ባ» ጊዴሰ።

⁶ ሄሳ ጊሻሰ ናሞኡ ኣሳቲካ ኡቲዲ ኢሲፌ ሚዳኔ ኡዩዳ። ሄሳፌ ጉዬ ናይ ኣዎይ ኢዛ፤ «ሃያና፤ ሃቶ ኡፋዬታሼ ሃይሳን ታናራ ኣቃ» ጊዴሰ።

⁷ ናይ ላጌሶዮ ባናሰ ዴንዲን ናይ ኣዎይ ኢዚ ቦንታ ኣቃና ማላ ዎሲን ሄን ኣቂዴሰ።

⁸ ኢቻሻንሶ ጋላሰ ባናሰ ማላዶ ዎንታራ ዴንዲን ናይ ኣዎይ ቃሴካ፤ «ኔ ዳቡሮንታ ማላ ኣይኮ ዶናን ጌልላዳ ባ» ጊዴሰ፤ ሂሰቲን ኢሰቲ ናሞኣይካ ካል ኢሲፌ ሚዳ።

⁹ ኣዴዚ ባ ላጌሶይራኔ ባ ኣይሌራ ባና ኬዚን ናይ ኣዎይ፤ «ሃኢ ሳኣይ ቃሚዳ ጊሻሰ ሃይሳን ኡፋዬታሼ ኣቂዲ ዎንቶ ማላዶራ ዴንዲዲ ኢንቲ ሶ ቢቲ» ጊዴሰ።

¹⁰ ጊዶ እቲን ኢዚ ሄ ጋላሰ ሄን ኣቃናሰ ኮዮንታ ጊሻሰ፤ ዴንዲዲ ጫናራ ዲዛ ናሞኡ ሃሬታ፤ ባ ላጌሶዮኔ ባ ኣይሌዛ ኤኪዲ ዩራሳላሚ ጌቲቲዳ ያቡሴ ጋኪዴሰ።

¹¹ ኢሰቲ ያቡሴ ማቲሺን ሳኣይ ኬሂ ቃሚዳ ጊሻሰ ኣይሌዚ ባ ጎዳሰ፤ «ያቡሴን ጌሊ ኣቂዲ ኣይሰ ዎንቲን ቦኮኒ?» ጊዴሰ።

¹² ጎዳዚ ኢዛሰ ዛሪዲ፤ «ኣካይ! ሃይሳ ኢሰራኤል ዴሪ ካታማ ጊዶንታ ኣሳ ዴሪ ካታማን ኣቆኮ፤ ጌዴ ጊቢኣ ጋካናሰ ካንሊ ቡሰ ባና» ጊዴሰ።

* 19:2 ኦዩታዳ ጊዛይሳ ኢብራዊታ ማጻፋን ላይማታዳ ጌሰ።

13 ቃሴ ዛሬሊዲ ባ አይሌዛሰ፡ «ሃ ያ፡ ኑኒ ገቢአ ካታማን ዋይኮ ኤራማ ካታማን አቁዛሶ ዳሚዲ ሄን አቃና» ገዴሰ።

14 ሂሰቲዲ ሲንሐ ቡሰ ጉጂዲ፤ ኢሰቲ ቢዲ ቢኒያሜ ቢታን ዲዛ ገቢአ ካታማ ማቲሺን አርሼይ ዉሊዴሰ።

15 ኢሰቲ ገቢአ ካታማ ጌሊዲ ዲቡሺዛ ዳምባን ኡቲዳ፤ ገዶ አቲን ሄፔ ኢሰታ ባሶ ኤፊዲ አይሲዛ አሲ ቤቲቤና።

16 ሄ ጋላሳ ኦማርሰ ኤፍሬሜ ዳሬ ሻራ ሜንሶ ቦላፌ ዪዲ ገቢአን ዲዛ ኢሲ ጨማ አዳዚ ባ ጋዴን ኦላ ፔኢዲ ሶ ሲሚ ዪሼ ኢሰቲ ዲዛሶ ጋኪዴሰ፤ ሄ ዋዴ ሄ ዳሬን ዲዛ አሳይ ቢኒያሜ ዛሬታ፤

17 ጨማ አዳዚካ ሄ ካታማን ዲዛ ዳምባን ኡቲዳ አዳዛ ቤኢዲ፡ «ኔ አዋፔ ዪዳ አሴ? አዋ ባይ?» ገዲ ኦይቺዴሰ።

18 እማላዚ ዛሬዲ፡ «ኑኒ ዩሁዳ ቢታን ዲዛ ቤቲሊሄሜ ካታማፔ ዪዶሰ። ሃኢ ኤፍሬሜ ዳሬን ዙሞቡላ ቦላ ሃሆን ዲዛ ኑሶኔ ጸሳ ኬሐ ቤላ ቦላ ዲሺን ጋዴይ ቃሚን ሃይሳን ኡቲዶሰ፤ ገዶ አቲን ሃኖ ጋካናሰ ኑና ባሶ ኤፊ አይሳና አሰ ዳሚቤኮ።

19 ኑ ሃሬታሰ ኡቲላይኔ ሃርቆይ ዴሰ፤ ታሰ፡ ታናራ ዲዛይታሰ ማና ሺንቄይኔ ኡዪዛ ኡሺ ዲዛ ገሻሰ ሃራ አይኮካ ኮሼና» ገዴሰ።

20 ጨማ አዳዚ፡ «ሃ ዪቲ ታሶን አቂቲ! ኢንቲ ኮይዛይሳ ኡባ ታኒ ኢንቲሰ ኢማና፤ ዱቡሻ ዳምባን አቆፒቲ» ገዴሰ።

21 ሄሳ ገሻሰ ኢሰታ ባ ሶ ኤፊዲ ኢሰታ ሃሬታሰካ ሃርቆ ዩገዴሰ። ሄሳፌ ጉዬ እማላቲ ባንታ ቶሆዛ ሜጨቲዲ ካዋ ሚዳ ኡሺካ ኡዪዳ።

22 ኢሰቲ ኡፋዬቲሺን ካታማፔ ዋርባላ አሳቲ ዪዲ ኬላ ዩሾን ዩዪ አፂዲ፡ «ካሬ ዶያ» ገዲ ፔንጌ ቆጾሐ ዶሚዳ፤ ኢሰቲ ሄ ኬላ ጎዳ፡ «ሃኢ ኔሶ ጌሊዳ አዳዛ ሃ ኬሳ፤ ኑኒ ኢዛራ ዚንአናሰ ኮኖሰ!» ገዴ።

23 ኬላ ጎዳይ ካሬ ኬዚዲ ኢሰታሰ፡ «ሃኢ ታ ኢሻቶ! ሄሳ ማላ ፓላ ሚሽ ኦሶፍቲ፤ ሃይሲ አዳዚ ታ እማላ።

24 ቤኢቲ! ታሰ ጌላኦ ናያኔ ኢዛ ሳጌሶያ ሃይሳን ዳቲሰ። ታኒ ኢሰታ ኢንቲሰ ካሬ ኬሳና፤ ሄ ዋዴ ኢሰታ ኢንቲ ኮዪዳይሳ ኦላቲ፤ ገዶ አቲን ሃ አዳዛ ቦላ ሄሳ ማላ ሃራሲዛ ኦሶ ኦሶፍቲ» ገዴሰ።

25 ገዶ አቲን አሳቲ ኢዚ ገዛይሳ ሲኖንታ ኢጺዳ። ሄሳ ገሻሰ ሌዌ ዛሬዚ ባ ላጌሶኖ ኢሰታሰ ካሬ ኬሲ ዩዲዴሰ፤ ሳኦይ

ዋንታና ጋካናስ ላሜቲ ላሜቲ ኢዚራ ዚንኢዲ ሳኣይ ዋንታና ጊሺን ዬዲዳ።

²⁶ ኢዛካ ዋንታናስ ባዞይ ዞኢሺን ያዳ ኢዚ ጎዳይ ኣቁዳ ጨማ ኣዳዛ ኩፋ ፔንጌን ኩንዳዲስ፤ ጳልቄይ ኬዛና ጋካናስ ሄሳን ፖርጩ ጋ ኢቻዲስ።

²⁷ ሄ ጋላስ ማላዶ ኢዚ ጎዳዚ ዴንዲዲ ባ ኦጌ ባናስ ኩፋ ፔንጌ ዶይዲ ኬዚሺን ኢዛ ላጌልያ ኩፋ ፔንጌን ባ ኩሼ ሚጫዳ ኢቹዳሮ ቤኢዴስ።

²⁸ ኢዚ ኢዞ፥ «ዴንዳ ኣኔ ቦስ!» ጊዴስ፤ ጊዶ ኣቲን ኢዛ ኢዛስ ኣይኮካ ዛራቤኩ፤ ሄሳፌ ጉዬ ኢዚ ኣሃ ሃሬዛ ቦላ ጫኒ ኤኪዲ ሳቦ ቢዴስ።

²⁹ ሶ ጋኪዳ ማላ ማሻ ኤኪዲ ባ ላጌልይ ኣሃ 12 ኬሲ ቃንጾሬሊዴስ፤ ኩሜላ ኢሰራኤሌ ዴራ ጋካና ማላ ኢሲ ኢሲ ቃንጾ 12 ኢሰራኤሌ ቆሞታስ ዬዲዴስ።

³⁰ ሄሳ ቤኢዳ ኡባይ፥ «ኢሰራኤሌ ኣሳይ ጊብጾ ቢታፌ ኬዞሶፌ ሃቕ ጋካናስ ሃይሳ ማላ ሚሺ ሃኒቤና፤ ኦኒካ ቤዪቤኮ፤ ኣኔ ሃይሳ ኢሲፌ ኣኬኪ ዞሬቲዲ ኢሲ ሚሽ ኦሶስ» ጊዳ።

20

ኢሰራኤሌ ኣሳይ ኦላስ ጊጌቲል

¹ ዳኔፔ ቤርሳባሄ ጌቲቲዛ ካታማ ጋካናስ ጋላኣጭ ኢሰራኤሌ ኣሳይ ኡባይ ኢሲ ኣሳ ማላ ሚጺጸ ጌቲቲዛ ካታማን ጎዳ ሲንፋን ኢሲፌ ሽቂዴስ።

² ሄ ሽቂዳ ጸሳ ኣሳራ ኢሰራኤሌ ቆሞታ ካሌሊዛ ቆሞ ሃላቃቲካ ዴቲስ። ኢስታ ጊዶን ኦላስ ጊጌቲዳ 400,000 ኦላንቻቲ ዴቲስ።

³ ሄ ዋዴ ኢሰራኤሌ ኣሳይ ሚጺጸ ካታማን ሽቂዳይሳ ቢኒያሚ ቆሞቲ ሲዪዳ።

ኢሰራኤሌ ኣሳይ፥ «ሃ ኢታ ሃኖዚ ኣኔ ዋኒ ሃኒዳኮ ኦስ ዮቲቲ» ጊዴስ።

⁴ ሄሳ ጊሻስ ሃይቂዳሪ ላጌል ሌዌ ቆሞዚ፥ «ታኒኔ ታ ላጌልያ ኦማርስ ኣቃናስ ቢኒያሚ ቢታን ዲዛ ጊቢኣ ጌቲቲዛ ካታማ ቢደስ።

⁵ ጊቢኣ ካታማ ኣሳይ ታና ዋቃናስ ዪዲ ታ ኣቃና ጌሊዳ ኩፋ ኦማርስ ጊዶሊዴስ፤ ሄሳፌ ጉዬ ታ ላጌልይራ ኢስቲ ዋልቃን ዚንኢን ሃይቃዲስ።

6 ሄ ኢዚ ኣሃ ታኒ ኤካዳ ቃንጾሬሊዳፔ ጉዬ ኢስቲ ሃይሳ ቱናኔ ፓላ ሚሽ ኢስራኤሌን ኦሊዳ ገሻስ ኢስራኤሌ ኣሳይ ላቲዲ ዲዛሶን ኢሲ ኢሲ ቆሞስ ኢሲ ኢሲ ቃንጾ ዬዳዲስ።

7 ኢስራኤሌ ኣሳይ ኡባይ ኢንቲ ጋርሳን ኢሶይ ኢሳራ ኣኔ ዘሬቲዲ ኢንቲ ፒርዳ ኢሚቲ» ገዴስ።

8 ኣሳይ ኡባይ ኢሲ ዎዚና ገዲዲ፡ «ኮ ገዶፌ ኦኒኔ ባ ዲንካኔ ዎይኮ ባሶ ጉዬ ሲሚ ቦፖ፤

9 ኮኒ ገቢኣ ቦላ ኦላናይሲ ሳማ ዬገዲ ሳማይ ኦና ጋኮሶ ጋኮሶ ኦላስ ዎራጃና።

10 ኩሜላ ኢስራኤሌ ኣሳፔ ኦላ ቢዛ ኣሳታስ ሺንቄ ቶካናስ ጴታፔ ታማታ፡ ሺያፔ ጴታታ፡ ታሙ ሺያፔ ቃሴ ሺያታ ዶራና፤ ሄሳፌ ጉዬ ኦላንቻቲ ቢኒያሚ ቢታን ዲዛ ገቢኣ ካታማ ቢዲ ሄን ዲዛ ኣሳይ ኢስራኤሌ ቦላ ኦሊዳ ኢታ ኦሶዛ ገሻስ ኢስታስ ቤሲዛ ቂጻቲ ኢማና» ገዲ።

11 ሄሳ ገሻስ ኢስራኤሌ ኣሳይ ኡባይ ኢሲ ዎዚናን ገዲዲ ኦላስ ዎራጂዴስ።

12 ኢስራኤሌ ዛሬቲ ቢኒያሚ ዛሬታ ኡባስ ኣስ ከቲዳ፤ «ኢንቲ ገዶን ኦሴቲዳ ሃ ኢታ ኦሶዚ ኣዜ?

13 ኮኒ ኢስታ ዎዲዲ ኢስራኤሌፔ ሃ ኢታ ዳይሳና ማላ ገቢኣ ካታማን ዲዛ ሄ ዎርባላታ ኬሲዲ ኦስ ኣሊ ኢሚቲ» ገዲ። ገዶ ኣቲን ቢኒያሚ ቆሞቲ ኢሻቲ ኢስራኤሌ ናይቲ ዮቲዛይሳ ሲዮንታ ኢጲዳ።

14 ኢስቲ ኢስራኤሌ ኣሳራ ኦሌታናስ ባ ዲዛ ካታማታፔ ካታማፔ ኬዚዲ ኢሲፌ ገቢኣ ካታማ ሸቂዳ።

15 ሄ ጋላሲካ ገቢኣ ካታማን ዲዛ ኣሳ ገዶፌ ዲማ ዶሬቲዳ 700 ኣሳፔ ቦላራ ቢኒያሚ ካታማታፔ ዪዳ ገላ ማሻን ኦሌቲዛ 26,000 ኦላንቻታ ሺሺዳ።

16 ሄ ኡባታ ገዶፌ 700 ኣሳቲ ሃዲርሳ ኩሺን ኦሊዛይታ፤ ሃ ኡባቲካ ያንባርሻን ሹቕ ኦሊዲ ሃራይ ኣቶሺን ኢሲ ቢናናካ ሃሌቴና። *

17 ቢኒያሚ ቆሞ ጉጃንታ ኢስራኤሌ ኣሳይ ኦላስ ገጌቲዳ 400,000 ኦላንቻታ ሺሺዴስ።

ቢኒያሚ ዛሬታ ቦላ ዴንዲዳ ኦላ

* 20:16 ያንባርሻ ገዛይሲ ኢሲ ኢሲ ባጋ ጋሞላ ቃላን ዳይቄ ጌቴቴስ።

18 ኢስራኤል አሳይ በቴሌ ቢዲ፡ «ቢኒያሜ አሳ ኦላናስ ኑፔ ሲንፋቲዲ ኦኒ ኬዛኔ?» ጌዲ ጸሳ ኦይቺዴስ፡ ጎዳይካ፡ «ኮይሮ ዩሁዳ ቆሞይ ኬዞ» ጌዴስ፡

19 ሄሳ ጊሻስ ዋንቴፋ ጋላስ ማላዶ ዋንታራ ኢስራኤል አሳይ ዴንዲዲ ጊቢኦ ካታማ ማታን ዲንካኒዴስ፡

20 ሄሳፌ ጉዬ ኢስራኤል አሳይ ቢኒያሜ አሳራ ኦሌታናስ ቢዴስ፤ ጊቢኦ ካታማ ማታን ኢስታራ ኦሌታናስ ያቻን ያቻን ኤቂዴስ፡

21 ቢኒያሜ ቆሞቲ ጊቢኦ ካታማፔ ኬዚዲ ሄ ጋላስ ኢስራኤል አሳፔ 22,000 ኦላንቻታ ዋዲዳ፡

22-23 ኢስራኤል አሳይ ቢዲ ሳኦይ ቃማና ጋካናስ ጎዳ ሲንፋን ዩኪዴስ፤ «ኑ ኢሻታራ፡ ቢኒያሜ አሳታራ ኦሌታናስ ናሞኦንፊ ፑዴ ቦኒ?» ጌዲ ጎዳ ኦይቺዴስ፡ ጎዳይካ፡ «ኤ! ኢስታራ ኦሌታናስ ፑዴ ቦቴ» ጌ ዛሪዴስ፡ ኢስራኤል አሳይ ኢሶይ ኢሳ ሚንፊሉዲ ኮይሮ ጋላስ ኢስቲ ኦላስ ያቻን ያቻን ኤቆሶዛ ሲሚ ቢ ኤቂዳ፡

24 ናሞኦንፊ ጋላስ ኢስራኤል አሳይ ቢኒያሜ ቆሞታራ ኦሌታናስ ሺቂዴስ፡

25 ናሞኦንፊ ጋላሲካ ቢኒያሜ አሳይ ጊቢኦ ካታማፔ ኬዚዲ ኢስራኤል አሳፔ ገፋ ማሻ ጊዲዳ 18,000 አስ ዋዲዳ፤

26 ሄሳፌ ጉዬ ኢስራኤሉቲ ኡባይ በቴሌ ቢዲ ዩኪዳ፤ ሄን ጸሚዲ ሳኦይ ቃማና ጋካናስ፡ ጎዳ ሲንፋን ኡቲዳ፤ ጎዳ ሲንፋን ጸጌቲዛ ያርሾኔ ኢሲፌቴፋ ያርሾ ሺሺዳ፡

27 ሄ ዋዴ ጸሳ ጫቆ ታቦታይ በቴሌ ካታማን ዴስ፤ ኢስቲካ ሄን ጸሳ ሼኔ ኤራናስ ጸሳ ኦይቺዳ፤

28 ሄ ዋዴ ሄን ኦሊዛይ ኣሮኔይ ዩሊዳ ኤልኤዜሬ ና ፊኒሃሴ፤ ኢስራኤል አሳይ ጎዳ፡ «ቢኒያሜ አስ ጊዲዳ ኑ ኢሻታራ ኦሌታናስ ቃሴካ ቢዲ ኦሌቲኖ ዋይኮ አጋጊኖ?» ጌዲ ኦይቺዴስ፡ ጎዳይ፡ «ቢዲ ኦሌቲቲ! ታኒ ኢስታ ዋንቶ ኢንቴ ኩሼን ኣፋ ኢማና» ጌዴስ፡

29 ሄሳፌ ጉዬ ኢስራኤል አሳይ ኣማርዳ ኦላንቻታ ጊቢኦ ካታማ ዩሾን ቆቲቲ ናጋና ማላ ኦሊዴስ፡

30 ሄሻንፊ ጋላስ ኢስራኤል ኦላንቻቲ ካሴይሳፊካ ቢኒያሜ ኦላንቻታ ኦላናስ ቢዲ ጊቢኦ ካታማፔ ሲንፋ ባጋራ ያቻን ያቻን ኤቂዳ፡

31 ቢኒያሜ ቆሞቲ ኢስታራ ኦሌታናስ ኬዚዳ፤ ሄ ኦላ አሳ ካሊሼ ባ ዲዛ ካታማፔ ሃኮሶ ቢዳ፤ ካሴይሳፊካ በቴሌኔ ጊቢኦ

ኤፊዛ አሆ ኦጌታኒኔ ዴምባታን ኢስራኤል አሳፔ 30 ጊዲዛ አሳታ ዋጂዳ።

32 ቢኒያሜ ቆሞቲ፥ «ኑኒ ካሴይሳላ ኢስታ ጾኖ ቦላ ዶስ!» ጊዳ። ጊዶ ኣቲን ኢስራኤል አሳይ ባ ባጋራ፥ «ኑኒ ጉዬ ባቃቲሼ ኢስቲ ካታማፔ ኬዚ ሃካና ማላ ኣኔ ኦሶስ» ጊዳ።

33 ሄሳ ጊሻስ ኢስራኤል አሳይ ኡባይ ካሴ ባ ዲዛሶፔ ጉዬ ባቃቲዲ ባኣሊ-ታማሬ ጌቲቲዛሶን ያቻን ያቻን ኤቂዳ፤ ቆቲቲ ኡቲ ናጊዛ ኢስራኤል አሳይ ጊቢኣ ዴምባፌ ኬዚዴስ፤

34 ኢስራኤል ኡባፌ ዶሬቲዳ 10,000 አሳቲ ጊቢኣ ቦላ ኦላ ዴንሉዳ፤ ኦላይ ኬሂ ዋልቃሚዴስ። ሄ ኡባይ ሃኒዛ ዋዴ ባስ ጳዮይ ማታቲዳይሳ ቢኒያሜ ቆሞቲ ኣይኮካ ኤሪቤቲና።

35 ኢስራኤሉቲ ቢኒያሜ ቆሞታ ቦላ ጾኖ ዴማና ማላ ጎዳይ ኦሉዴስ። ሄ ጋላስ ኢስራኤል አሳይ ቢኒያሜ ቆሞታፔ ጊላ ማሻ ጊዲዳይታ 25,100 ኦላንቻታ ዋጂዳ።

36 ሄሳ ጊሻስ ኢስራኤል አሳይ ባና ጸኒዳይሳ ቢኒያሜ አሳይ ኤሪዴስ። ኢስራኤል አሳይ ጊቢኣ ካታማ ዩሾን ዛማዲ ኡቲዳ ኦላንቻታን ኣማኔቲዳ ጊሻስ ቢኒያሜ አሳን ጸኔቲዳ ሚሳቲዲ ጉዬ ባቃቲዴስ።

37 ዛማዲ ናጊዛ ኦላንቻቲ ጊቢኣ ካታማ ኤሶን ዋዲ ጌሊዲ ካታማ ጊዶን ዴሚዳ ኡባ ዋጂዳ።

38 ዛማዲዲ ናጊዛ ኢስራኤል ኦላንቻቲ ካታማ ጊዶን ማላታ ጊዳና ማላ ጨዋ ሻራሶ ፑዴ ዴንላናስ ካሴ ሃሳዪ ዋሉዳ።

39 ኦላ ዴምባን ዲዛ ኢስራኤል አሳይ ባቃቲዛሶፔ ጉዬ ሰሚዲ ኢስታ ኦሊዳ። ቢኒያሜ አሳቲ ኢስራኤል አሳፔ 30 ጊዲዛ አሳታ ዋጂዳ፥ «ካሴይሳላ ሃኢካ ኑኒ ኢስታ ጸኒዶስ» ጊዲ ጨቄቲዳ።

40 ጊዶ ኣቲን ማላታ ጨዋይ ሻራ ማላ ካታማ ጊዶን ቱሉ ጊሺን ቢኒያሜ ቆሞቲ ጉዬ ሰሚ ጸሊዳ፤ ካታማያ ሙሌራ ታማን ጸጌቲሺን ታማ ላጮይ ፑዴ ኬዚዛይሳ ቤኢዳ።

41 ሄሳፌ ጉዬ ካሴ ባቃቲዛዳ ሃኒዛ ኢስራኤል አሳይ ሰሚ ዋጂዲ ቢኒያሜ ቆሞታ ኦላ ኦይኪዴስ፤ ቢኒያሜ ቆሞቲ ኢስታስ ወር ጋላስ ጊዲዳይሳ ኤሪዲ ኬሂ ዳጋሚዳ።

42 ሄሳ ጊሻስ ኢስቲ ኢስራኤል አሳ ሲንላፌ ባዘ ሰሚዲ ባቃቲዳ፤ ጊዶ ኣቲን ኦላይ ኢስታ ካሊ ጋኪዴስ፤ ካታማታፔ ኬዚዳ ኢስራኤል ኦላንቻቲ ጊዶ ኦሉ ኢስታ ዋጂ ወርሲዳ።

43 ኢስራኤል አሳይ ቢኒያሜ ቆሞታ ጊዶሉ ኦይኪዲ ጊቢኣ ካታማፔ ኣርሼይ ኬዚዛ ባጋራ ዲዛሶሆ ጋካናስ ዳር ዴሬ ዋጂዳ።

44 ሄሳን ቢኒያሜ ቆሞታፔ 18,000 ሚኖ ኦላንቻቲ ሃይቂዳ፤

45 ኢስታፌ ኣቲዳይቲ ጉዬ ሲሚዲ ባዞ ካንሒዲ ኤርሞኔ ጌቲቲዛ ዛላኮ ባቃቲዳ፤ ኢሰራኤሌቲ ኢስታፌ 5,000 ኣሳታ ኦጌን ዋዲዳ፤ ኢስታፌ ኣቲዳይታ ጊዲኦሜ ጊዛ ሶሆ ጋካናስ ዬዳሒዲ ናሞኡ ሺ ኣስ ሃራ ጉጂ ዋዲዳ።

46 ሄ ጋላስ ቢኒያሜ ቢታፌ ጊላ ማሻን ኦሌቲዛ 25,000 ኣሳቲ ሃይቂዳ፤ ሄ ኡባቲካ ሚኖ ኦላንቻታ።

47 ጊዶ ኣቲን 600 ኣሳቲ ባዞ ካንሒዲ ኤርሞኔ ዛላኮ ባቃቲዲ ሄን 4 ኣጊና ታኪዳ።

48 ኢሰራኤሌ ኣሳይ ኣቲዳ ቢኒያሜ ኣሳኮ ጉዬ ሲሚዲ፥ ኣቲማሳኔ ማጫሳ፥ ናይታኔ ሜሄ ኡባ ዋዲዳ፤ ዳሚዳ ካታማታ ኡባ ታማን ጸጊዴሰ።

21

ቢኒያሜ ዛሬታስ ማጫስ ኮሹ

1 ኢሰራኤሌ ኣሳይ ሚጸጸ ጌቲቲዛሶን ሸቂዳ ዋዳ፥ «ኦ ጊዶፌ ኦኒኔ ቢኒያሜ ኣሳስ ባ ማጫ ና ማቾ ኢሞንታ ማላ» ጊዲ ጫቂቲ ኡቲዴሰ።

2 ኢሰራኤሌቲ ቤቴሌ ካታማ ቢዲ ሄን ሳኣይ ቃማና ጋካናስ ጸሳ ሲንሳን ኡቲዳ፤ ባንታ ቃላካ ቶቄ ሂስቲዲ ጫሞ ዬሆ ዬኪዳ።

3 «ኣቤት ጎዳ ኢሰራኤሌ ጸሳዉ፥ ሃ ዮኦይ ኣይሰ ኢሰራኤሌን ሃኒዴ? ሃቾ ኢሰራኤሌ ኣሳ ጊዶፌ ኢሲ ዛሬይ ኣይሰ ፓጪዴ?» ጊዳ።

4 ዋንቴላ ጋላስ ማላዶ ዋንታራ ኢስቲ ዴንዲዲ፥ ያርሾ ያርሽዛሶ ሄን ጊግሲዲ ጸጌቲዛ ያርሾታኔ ኢሲፌቴላ ያርሾታ ሺሺዳ።

5 ሂስቲዲ ኢሰራኤሌቲ፥ «ኢሰራኤሌ ዛሬ ኡባፌ ጎዳ ሲንሳን ሸቂዛሶ ዮንታ ኣቲዳ ዛሬይ ኦኒ?» ጊዲ ኦይቺዳ። ኢስቲ ሄሳ ኦይቺዳ ጋሶይካ ሚጸጸ ካታማን ጎዳ ሲንሳን ሺቃናስ ዮንታ ኣቲዳ ኣሲ ኦኒካ፥ «ኢዚ ሙሌራ ሃይቆ» ጊዲ ካሴ ጫቂዳ ጊሻሳ።

6 ኢሰራኤሌ ኣሳይ ባንታ ኢሻታስ፥ ቢኒያሜ ቆሞታስ ቃዴቲዳ፥ «ሃቾ ኢሰራኤሌፔ ኢሲ ቆሞይ ዳይዴሰ።

7 ኦኒ ኦ ማጫ ናይታ ኢስታስ ኢሞንታ ማላ ጎዳን ጫቂዳ ጊሻስ ሃይቆፔ ኣቲዳ ቢኒያሜ ቆሞቲ ማቾ ዳማና ማላ ኦኒ ኣይ ኦላኔ?» ጊዳ።

8 ቃሴካ ኢስታስ፡ «ኢስራኤል ቆሞታ፤ ሚጸጸ ካታማን ጎዳ ሲንህ የንታይ ኦኔ?» ጌዲ ኦይቺዳ፡ በኢቲ! ጋላኣዴን ዲዛ ያቡሴ ጌቲቲዛ ካታማ፤ ኢሳዴይካ ሺቆ የንታይሳ ኤሪቲ።

9 ኢስቲ ኣሳ ቆዲዳ ዋዴ ጋላኣዴን ዲዛ ያቡሴ፤ ኢሲ ኣሲካ በቲቤና።

10 ሄሳ ጊሻስ ማባራይ 12,000 ሚኖ ኦላንቻታ ጋላኣዴን ዲዛ ያቡሴ ካታማ ኪቲዲ፡ «ቢቲ፤ ቢዲ ያቡሴን ዲዛይታ ኡባ ጊላ ማሻን ቡሳኪቲ፤ ማጫሳካ ጉላ ናይታካ ኣሾፍቲ።

11 ሂሰቲቲ ኣዴኔ ኣዴ ጌሊዳ ማጫሳ ኡባ ዋቂቲ» ጌዲ ኣዛዚዳ።

12 ያቡሴ ካታማን ዲዛ ኣሳ ኡባ 400 ጌላኦታ ዴሚዳ፤ ኢስቲካ ካናኔ ቢታን፡ ሴሎ ጌቲቲዛ ጉታ ኤኪ ኤሂዳ።

13 ሄሳፌ ጉዬ ኩሜላ ማባራይ ኤርሞኔ ዛላ ጌቲቲዛሶን ዲዛ ቢኒያሚ ቆሞታኮ ሲጌታናሰ ኪታ ዬዲዳ።

14 ቢኒያሚ ቆሞቲ ሲሚዲ ዬዳ፤ ኢስራኤል ኣሳይ ያቡሴ ካታማ፤ ዋቂንታ ኤሂዳ ጌላኦታ ኢስታስ ኢሚዴሰ። ጌዶ ኣቲን ጌላኦታ ቆዳይ ጉላ ጌዲዳ ጊሻስ ኣቲማ ኣሳ ጋኪቤና።

15 ጎዳይ ኢስራኤል ዜሬላ ጌዶን ዲዛ ኢሲፌቲላይ ዱጸና ማላ ኦሊዳ ጊሻስ ኣሳይ ቢኒያሚ ኣሳሰ ኬሂፕ ቃቂቲዴሰ።

16 ዴሬ ጨማቲ፡ «ቢኒያሚ ቆሞታ፤ ማጫሲ ሃይቂ ዉሪዳ ጊሻስ ሃይቆፕ ኣቲዳ ኣቲማ ኣሳሰ ኦኒ ማጫሰ ዋሰቲ ዴማኔ?

17 ኢስራኤል ኣሳ ጌዶፌ ኢሲ ቆሞይ ቶሚ ቆየንታ ማላ፡ ቢኒያሚ ቆሞታ፤ ኣቲዳይታሰ ላቲዛይ ዳናሰ በሴሰ።

18 ጌዲኮኔ ኦኒ ኦ ማጫ ናይታ፤ ኢስታስ ኢማናሰ ዳንዳዮኮ፤ ኣይሰ ጊኮ ኢስራኤል ኣሳይ ካሴ፡ ላባ ናዮ ቢኒያሚ ቆሞሰ ኢሚዛ ኣሲ ቃንጌቲዳዴ ጌዶ፤ ጌዲ ጫቂቲ ኡቲዴሰ» ጌዳ።

19 ሄሳፌ ጉዬ ዴሬ ካሌሊዛ ጨማቲ፡ «በኢቲ፡ ላይላን ላይላን ሴሎን ጎዳ ቦንቺዛ ባኣሌይ ማቲዴሰ» ጌዳ። ሴሎይ በቲሌ፤ ፑዴሃ ባጋራ፡ ላቦና፤ ዳጌሃ ባጋራ በቲሌ፤ ሴኬሜ ጌዶራ ኤፊዛ ኦጌ፤ ኣርሼ ኬሳ ባጋራ ዴሰ።

20 ሄ ዴራ ካሌሊዛ ጨማቲ ቢኒያሚ ቆሞታ፡ «ቢቲ፤ ቢዲ ዋይኔ ቱራ ጌዶን ቆቲቲ ኡቲቲ!

21 ናጌቲ! ሴሎ ካታማ ማጫ ናይቲ ባኣሌ ጋላሰ ካራቤ ኦይኪዲ ዬጲሼኔ ዱሪሼ ዬሺን ኢንቲ ዋይኔ ቱራ ጌዶፌ ኬዚቲ። ኡባይካ ሴሎ ማጫ ናይታ፤ ኢንቲሰ ዳፊዲ ቢኒያሚ ቢታ ኤኪ በቲ።

22 ኢስታ ኣሞቲ ዋይኮ ኢስታ ኢሻቲ ኦኮ ማጋናናሰ ዬዛ ዋዴ ኦኒ ኢስታስ፡ ሃኢ ሃያና! ኢስታ ኦሰ ኢሚቲ፤ ኣይሰ ጊኮ ኦኒ

ኢስታ ሁኔን ሁኔን ጋኪዛ ማጫሳ ኦላ ሶሆፔ ዳሚቤኮ፤ ኢንቴ ደሳን ኢሞንታ ገሻሰ ሞራንቻ ገደኬታ፡ ጋና» ገዳ።

²³ ቢኒያሜ ቆሞቲካ ኢስራኤል ጨማቲ ገዳ ማላ ኦሊዳ፤ ኡባይካ ሴሎን ዩጲዛ ማጫ ናይታፔ ባንታ ቆዳ ከና ዳፊ ኤፊዳ። ኢስቲ ባንታ ላታ ቢታ ሲሚዲ ካታማታ ዋሊ ኬጲዲ ሄን ዴኢዳ።

²⁴ ሄ ዋዴ ኢስራኤል ኣሳይ ሄፔ ላሌቲዲ ኡባይካ ባ ቆሞኮ ቆሞኮኔ ባሶ ኣሳኮ ኣሳኮ ቢዴሰ።

²⁵ ሄ ዋዴ ኢስራኤል ቢታን ካዎይ ባዋ፤ ኣሲ ኡባይ ባሰ ሎኦ ሚሳቲ ቤቶይሳ ፎኦ ኦሴሰ።

ጌሻ ማጸፋ

Gamo: ጌሻ ማጸፋ Bible of Ethiopia, Ethiopic script

copyright © 2024 The Word for the World International

Language: Gamotso (Gamo)

Contributor: The Word for the World Northern Africa

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

d0ee6825-f93e-584e-8c8f-567d8d068e4b